

PAMFLET

333



DE

2

17

17

17

ORATIO
DE PACANDA ET COME-
PONENDA REPUBLICA
AD BELGAS,

IN QVA MALORVM PUBLICORVM
tum prateritorum, tum presentium & futurorum, pra-
sentem patriae ruinam minitantium causa vera
cum veris eorundem remedijs bona fide,
& quasi digito, demon-
strantur

A BALEO CARFENNA
HYLANDRO.



Esaie 52.

Quam speciosi sunt super montes pedes euangeli-
zantium pacem, pradicantium bona, euangelizantium salu-
tem, dicentis Sioni: Regnat Deus tuus, &c.

ANNO 1578.

343



ORATIO DE PACANDA ET COMPONENTA REPV- BLICA AD BELGAS,

*In qua malorum publicorum, tum præteritorum, tum
præsentium & futurorum, præsentem patriam ruinam
minitantium causa vera cum veris eorundem reme-
dijs bona fide, & quasi digito demonstrantur.*



N E M O quidem nostrum non vi-
det, aut ullo modo dubitandum
existimat, inclyti Belge, quin ma-
ximarum ac propè infinitarum cla-
dium nostrarum, quas velut ag-
mine quodam perpetuo, & spa-
tio annorum plusquam duodecem, funestissimum
hoc bellum civile nobis invexit, & in posterum
ira divina denunciât, causa sint peccata nostra,
quibus ad iustam vindictam Deum nostrum pro-
vocavimus: Quæ tamen illa sint, quamque in-
visa Deo peccata, quoniam paucissimi nunc vel
opinionum errore atque ignorantia, vel pervicacia,
atque aduersus verbera divina contumacia, sa-
tis probè perpendunt, hinc est, quod in tot tan-
tisque malis publicis vera calamitatum remedia
non modò nondum inventa, sed nec requisita
quidem publicè, nec tentata sint hæcenus.

Sicut autem in agro affectoque corpore
non alius demum verus morborum atque sym-
ptomatum medicus fuerit, quam qui causas

A ij

&c

ORATIO

& originem eorum recte deprehenderit com-
monstraveritque, ita & quassatā, contusam, con-
fractamque motibus bellorum civilium repu-
blicam melius nemo pacaverit, curaverit ac sa-
naverit, quam qui ipsa malorum principia rite
perspecta bona fide detexerit.

Cæterum quæ ad hunc usque diem à nobis
admota ægræ Reipublicæ remedia sunt, his non
solum nihil mitigati, sed contra magis exacerba-
ti dolores fuere: ut non minus mirū videri pos-
sit, si talibus pharmacis sanari mala nostra posse
credamus, quàm si ad scopū pervenire aberran-
do contendamus, & ruendo in voluntarium exi-
tium nihilominus salutē, cuius portū subire recu-
semus, sperare audeamus. Ut autē fisti tandē rui-
na nostra, & sanari vulnera, ac melior imposterū
vivendi via inveniri queat, consilium est mihi,
prius ipsam malorū causam bona fide demōstra-
re: deinde curandi viam aperire, ad eamq; cape-
scendā vos cohortari. Sed ante omnia rogandi,
Belgæ, atq; obtestandi mihi eritis, ut si forte du-
rior oratio insuetas aures vestras minus jucunda
veritate pulsaverit, ne aliter animis afficiamini,
quā suadet pericula in quibus versamur, neve sa-
lutaria cōsilia ideò repudietis, quòd fortè minus
blanda molliaq; prima fronte videatur: cum nō
sit ejusdem & jucunda & utilia in extremis ma-
lis consilia dare. Si tamen, quæ vestra prudentia
est, pro dulcibus ea reputabitis, quæ Reipublicæ
ac vobis universis salutis viam ostendent, opti-
mè

AD BELGAS.

mè mecum actum, omneque me tulisse punctū putabo, si pro publica universorum salute, qualicunque etiam eventu meo, laborādo beneque monendo profuisse me vobis, & promovisse gloriam Dei regnumque Christi intellexero. Quod quò commodius possim, & illud vos rogabo, ut ab omni specie externa sevocatis in publicā salutem auribus atque animis, non quis ego & quos alloquar, sed quid, & cuius nomine imperioque dicturus sim, etiam atque etiam mecum consideretis.

Vt ergo ad rem veniam, quia extra controversiam est, & non nisi cecis professisque Dei, patriæ, omnisque honesti hostibus contemtoribusque ignotum, peccata nostra, publica que scelera poenarum quoque publicarum causas esse: nec illud magnoperè ambigi puto, nos in utramque diuinæ legis tabulam graviter deliquisse, hoc est totam legem violando, & Deum ipsum & homines non leviter offendisse, idè non immorabor huic loco. Hoc autem posito fundamento, videamus deinceps, qua potissimum re Deum, qua item homines læserimus.

Constat autè cum totius & Propheticæ Apostolicæque doctrinæ concordibus testimonijs, tum & historiæ sacre consentientibus exemplis, non alia re magis, quàm idololatria, violari debitam Deo obedientiam, ejusque justam iram & vindictā in homines accendi. Porro idolum tum coli dico, quoties veneratione divina ado-

A iij

ratur

ORATIO

ratur observaturque, quod natura Deus nō est: homo sit illud an angelus, aliudve quantumvis nobile opus manū Dei licet. Præterea idolum colitur, quoties non solum fictitium numen pro ipso Deo subijcitur adorandum, verumetiam cum aut colitur quidem Deus, sed nō solus: aut solus quidem colitur, sed non eo, quem ipse præcepit, cultu: aut cum contempto verbo Dei ac salutari doctrina, pestiferæ lacunæ, peregrinæ doctrinæ & hominum decreta sacrosanctis ac salutaris euangelij fontibus admiscuntur. Tametsi enim Deus totius legis observationem veramque præceptorum omnium obedientiam postulat, & violationem cujuslibet partis severè punit, tamen eam præcipue legis partem religiosè nobis servandam tradidit, qua præcipua & totius legis princeps pars, hoc est, ipsius adorandæ Maiestatis cultus continetur, quæque ideò ad gloriam cultumque divinum propriè pertinet: ejusque tam profanatores quàm violatores, seu divinæ Maiestatis suæ perduelles, severissimè vel cum clade atque intereptione universarū urbium, gentiū, populorum & regnorum persequitur: Atque hac de causâ statim ab initio promulgatæ legis inter ipsa capita prioris tabulæ, cum se Deum fortem & gloriæ suæ zelotem appellasset, omni que idololatriæ specie verbis gravissimis populo suo interdixisset, mox subdit, se nominis ac Maiestatis suæ profanationem in tertiam quartamque aucthorum stirpem vindicaturum.

Sic

Deut. 6.

32.

Marc. 7.

Deut. 4.

& 12.

Levit. 10

Exo. 20.

AD BELGAS.

Sic & apud Esaïam prophetam iterum ac *Esaï. 42*
 sepius inculcat, se gloriam suam alteri non da- & 48.
 turum, nec laudem sculptrilibus, eò quòd ipse
 primus sit & novissimus, hoc est, verus solusque
 Deus, conditor creatorque cœli ac terræ. Ideo-
 que puniturum se perditurumque populum re-
 bellem ac verbi sui contemptorem severe denun-
 ciat. Christus quoque ipse futuræ nox Iudæo- *Mat. 24*
 rum ruinæ præcipuam solamque causam immi- *Marc. 13*
 nute majestatis Dei, & spreti repudiati que Mes- *Luc. 11*
 siæ atque euangelij impium crimen commemo-
 rat. Paulus ob ingratitudinem neglectumque *Rom. 1*
 cultum Dei, quem ex mundi creatione cogno-
 verant, gentes à Deo abjectas, suisque cupidita-
 tibus ac perversæ menti ita traditas affirmat, ut
 cœcæ in omne deinceps nefas sese præcipita-
 verint. Sed quia hæc & similia testimonia
 in Scripturis volenti legere sacra Biblia nusquã
 non obvia sunt, omisis illis, percurramus & ex-
 empla quædã vindictæ divinæ in contemptores
 verbi Dei & Idololatrias edita.

Ut autem hic ridiculum illum Aaronis *Exo. 32*
 & Israëliitarum in Arabiæ desertis erectum vitu-
 lum præteream, qui certè funestus populo
 fuit: ut non dicam de summa ejusdem po- *Num. 14*
 puli in Deum ingratitudine, qua per annos *Psal. 95*
 quadraginta continuos Deum exercuit, & se
 promissæ Chananæ possessione indignum red- *Judic. 2*
 didit: ut non commemorem totam Iudicum hi- *&c.*
 storiam, ubi præsens semper vindicta recens

A iij

apo.

ORATIO

apostasie crimen excepit, nota est Elia propheta
 ad Achabum Regem seditionis ac turbarum
 crimen a se commissum ipsi objectantē, respon-
 sio : Non ego (inquit) Israëllem turbo, sed tu &
 domus patris tui, qui deseruistis præcepta Domi-
 ni, & sequuti estis Baales. Dedit itaque mox
 & ipse Achab cum suis impietatis & in divinas
 admonitiones contumaciae meritas poenas. No-
 ta & Hieroboami, Iorami, Ochosia, similium-
 que Regum historia. Et ne singulos persequar,
 notus, inquam, est tristissimus utriusque populi,
 tam Israëllici quam Iudaici exitus, qui propter
 depositam beneficiorum Dei gratiam memoriā,
 desertumque cultum ipsius ab Assyrijs Chaldeis-
 que sepius bello petitus ac repetitus, tandemque
 victus, ac proprijs sedibus expulsus, spoliato e-
 versoque templo, quod impietate sua profana-
 verat, in miserabile ac diuturnum exsilium ab-
 ductus est: adeo ut repetita conduplicataque ge-
 mini exsilij atque exitij clade penè ad *panoethria*
 sit redactus. Sed omnium notissima, & ad om-
 nem memoriam nobilissima, tam urbis Hiero-
 solymitanae, quam totius gentis sub Tito Vespas-
 siano facta expugnatio everasioque. Nam post
 longam calamitosi belli moram, post infinitas
 cades, ac urbium agrorumque vastationes ob-
 sessa, expugnata, & solo æquata Hierosolyma,
 templum quoque ipsum spoliatum exustumque
 est, totusque populus pecudum in morem par-
 tim foede contrucidatus ac mactatus, partim vi-
 lissimo

AD BELGAS.

lissimo contemptissimoque precio in perpetuam
& miserabilem servitutem addictus abductusq;
fuit. Ut mirari meritò quis possit, cur cum popu-
lum, quem mira benignitate præ ceteris dilectū,
in Abrahamo adoptatū, cultui & gloriæ suæ, ceu
peculium sibi Deus elegerat, quem plurimis be-
neficijs, miraculis, victorijsque ornaverat, in quo
per tot sæcula Ecclesiam suam ac fœdus conser-
vaverat, ad quem denique unigenitū filium mi-
serat Christum & redemptorem, tam gravi exem-
plo, tamq; ineluctabili exitio perdere sustinue-
rit. Sed tantam ultionem merebatur spreti nu-
minis, neglectę religionis, & erectę idolomanię
impietas. Hoc ergo unum est maximumque sce-
lus, quod quia propriè in ipsani Dei summam
Majestatem committitur, non potest aliā, quā
summam ultimāque pœnam commereri.

Accedit alterum vicinū cognatumque huic,
nempe crudelitas in Vates Dei, piōsque docto-
res, qui impijs cultibus adversantur. Est enim
hoc omnium idololatrarum ingenium, ut quam
stultè atque extra verbum Dei sunt amplexi su-
perstitionē, eam cōtra verbū Dei furiosè crude-
literq; tuendā existiment. Huc enim semper spe-
ctarunt sanguinaria tyrannorū edicta, ut quam
approbare ratione divinitus doctis non poterāt,
terrore suppliciorū in animis hominū munirēt i-
dolorū suorū venerationē, & si qui meliora con-
silia sequuti morem non gererent, è medio tol-
lerent. Ideò Nebuchadnesar Babylonius erectō

A v

ingen-

ORATIO

- Dan. 3.** ingentis molis idolum edicto colendum omnibus præcipit : recusantem Danielem cum socijs in fornacem ardentem conijcit.
- Dan. 6.** Darius quoque eundem Danielem ob contemptum impij edicti laniandū immitissimis leonibus obijcit.
- 1 Reg. 18.** Achabus & Iezabel superstitionē idolorum crudelitate ac cæde prophetarum Dei consecrandam sibi putaverunt.
- Joachim.** rex Vriam Semeium impietatem regis & populi castigantem , & ni resipiscerent, exitium regni atque urbis denunciante occidit, teste Jeremia. Ipse quoque Jeremias vates reprehensæ idololatriæ à populo & Ioachimo Sedechiaque regibus & tota sacerdotum caterva pelsimā iniijt gratiā. Assuerus Persarū rex consilijs impij Amanis impulsus, & stimulis idololatriæ suæ subactus, odio veri cultus Dei adeo sæviit, ut extorrem gentem Israëliticā & per regna sua dispersam propter professionē veræ religionis uno edicto trucidare universam constituerit.
- 2 Mac. 7.** Antiochus Epiphanes devictis Iudæis occupatæque Hierosolyma, studiū idolorū & odiū legis divinæ immani fævitia adversus omnē ætatem, sexum ac professionem promiscuè exercuit.
- Mat. 23.** Sed & ipsi Iudæi, corrupta jam sedē religione, teste Christo domino, missos divinitus prophetas pari truculētia, qua gentes impiæ, morte multarunt: tandemq; & ipsum Christum dominū, spem salutēque suam, per tot secula promissum atque expectarū, finem scopumque legis ac prophetarum

AD BELGAS:

phetarum, odio veræ doctrinæ atq; æmulatione
 in veterati erroris, nulla non injuria probroq; af-
 fectum in crucē egerunt: non minùs stolidè quā
 impiè unicum pacis ac salutis vitæque authorē
 perdere, quā non retinere receptā superstitionē
 malentes. Idem furor Iudæorū Ioannem, Iaco-
 bū, Stephanū aliosq; Apostolos, atq; ipsos adeò,
 postquā Christi innotuit ortus, infantes Bethle-
 hemiticos perculit. Quod si cui porrò libet co- Matth. 2
 gnoscere, quo furore sævitiaque ab idololatriis,
 jam inde ab ipsis Ecclesiæ Christi incunabulis,
 impij cultus defensi, veraque euangelij doctrina
 repudiata sit semper, pulsis, cæsis, jugulatis, mer-
 sis, exustis, ac ferarum rictu laceratis doctoribus
 ac professoribus, evolvat ecclesię historias: & vi-
 debit luce ipsa meridiana clariùs, eundē esse, qui
 semper post orbem hunc conditum fuit, & falsæ
 doctrinæ authorē, & cediū immanissimarum in-
 martyres Christi patratorē spiritū. Neque enim
 potest non verissimum esse veritatis ipsius Chri-
 sti hac de re testimoniū, qui requirentibus ipsum
 ad necem Iudæis, verissimè compēdiosissimèq;
 respondens hæc duo unico planè in versu con-
 junxit, et: Quia nō potestis, inquit, audire sermo-
 nem meū, vos è patre diabolo estis, & desideria
 patris vestri vultis facere. Ille homicida erat ab
 initio, & in veritate non stetit: quia non est veri-
 tas in eo. Cū loquitur mendacium, è pro-
 prijs loquitur: quia mendax est, & pater menda-
 cij, &c.

Hæc

ORATIO

Hæc ergo duo præcipua sunt, & sibi mutud
cognata idololatrarum peccata, idolorum cultus,
cum Dei contemptu, & crudelitas adversus pios
fidôsque Ministros ac Prophetas Dei, adeò invi-
sa Deo, ut eorum atrocitate irritatus, & urbes &
gentes integras sæpè gravissimè afflixerit ac per-
diderit: & tandem suum illum ex omnibus popu-
lis selectum, præque omnibus dilectum, & in
Abrahamo, Isaaco ac Iacobo electum adopta-
tumque populum, crebris incommodis, cladibus
exsilijsque exercitum, ac postremò justo iudicio
damnatum, percussumque affectata cæcitate, fu-
rore ac væsania horrenda, cum internecone to-
tius gentis ac penè nominis Iudaici cum ipso pa-
trix solo everterit: & qui cadibus superfuere, ex-
torres sedibus patrijs, ceu miserabilia mancipia
Romanorum aliarumque gentium, in hunc us-
que diem, nobile per tot secula divinæ in ido-
lolas iræ sint documentum. Hic ergo Iudaicæ
impietatis, crudelitatis & contumaciæ exitus
fuit.

Sed videamus, an & nos Belgæ his tantis ma-
lis obnoxij, calamitates ac misérias, quibus nunc
multos annos conflictamur, miserèque involvi-
mus, & quas in futurum nobis minatur Domi-
nus, norundem peccatorum nomine potissimè,
ut pœnas, sustineamus. Equidem ut facile con-
cessero id, quod de flere etiam cogor, eum apud
nos hodie vitiis omnium proventum, eam
flagitiorum omne genus ubertatem, & (ut ita
dicam)

AD BELGAS.

dicam) fecundam quandam messem scelerum esse, ut iudicatu perquam difficile sit parum exercitatis, quænam potissimum, & an universa simul malorum nostrorum bellorum, seditionum morumque perditissimorum fontes & causæ sint: ita affirmare, atque etiam sanctè adjurare non dubitem, contemptum numinis cultumque idolorum, & grassantem hactenus apud nos per infinitas piorum hominum cædes crudelitatem nostram, tam reliquorum vitiorum ac flagitiorum, quam poenarum, turbarum, motuum, seditionum, ac civilium discordiarum, bellorumque funestissimorum fontes uberrimos, ceu pæxidem Pandora extitisse. Et meritò quidem justòque vindictæ cœlestis iudicio. Solet enim neglectum sui desertumque cultum ita uleisci Dominus, testante Paulo, ut desertos à se, qui vitæ ac boni universi fons est, deditosque impijs cupiditatibus, ut reprobam mente suapte natura in quævis flagitia ruant præcipientes: donec confecta scelerum periodo, in ultimas se poenarum suarum poenas ipsi demergant, funditusque perdant idololatram.

Quid ergo? dicat forsitan aliquis: An tu nobis vel Ethnicorum deorum, vel etiam Iudaicorum idolorum cultum obijcias? Ecquem nos Martem impium, aut Iovem Olympium, Lapidemve juravimus unquam? Quam nos Matrem deum, aut Venerem Cypriam, aut Dianam Ephesiam venerati sumus? An non Christi à Iudæis repudiati cultores fidei sumus, cui templa dedicavimus,

Rom. 9.

ORATIO

mus, ac divinos honores in hunc usq; diem magna veneratione deferimus? Cujus aras quotidianis hostijs pro vivis ac defunctis religiosè imbuimus? Nónne ad ejus sepulchrum, crucem & reliquias magna religione ex traditione majorù, non absque summis rei, vitæ, liberorum & conjugum periculis, per maria ac terras adorabundi concurrimus? Quid? an nō & sanctis ipsius Apostolis & martyribus templa cœlestesq; honores pari, qua ipsi Christo reverentia & cultu, infinitisque propè ceremonijs cōsecravimus? & si qui hæretica audacia cōtra hæc vel mutire sunt ausi, hos magno zelo ex autoritate Apostolica castigavimus? Vbi ergo ille, quē nobis improperas, idolorū cultus? Vbi numinis contemptus? Vbi scvitia in prophetas ac martyres Christi? Dicam, quòd dicturus veni, non quidē aut contēdendi, aut reprehendendi libidine, sed tantum monendi aut plagis nostris medendi studio, & mei insuper, qui Christo in fidelem hanc militiam nomē dedi, muneris ratione, piōque promovendī inter nos regni Christi desiderio ac zelo. Dicam ergo, clarissimi Belgæ, faventibus vobis, quod sentio, & quod res est, quòdque tacere nefas ac summū impiæ desertionis crimen existimo.

Et primū quidem omnium non nego, quin omnia ista, & plura etiam istis, perquā studiosè fecerimus. Addo etiam, si hoc est ritē Deum colere, Christoque Domino & Servatori nostro bona fide servire, debitumque cultum atque gloriam

AD BELGAS.

riam tribuere, quod injussu ipsius contraque ca-
nonem fidei sumtuosas insanasque basilicas tam
in hominum defunctorum, quam Dei ipsius ho-
norem exstruximus: quod ad adorandas crucis di-
vorumque tanto jam ante mortuorum reliquias
capsis sepulchrorum erutas inque pompam produ-
ctas tanto aestu concurrimus, easque pari, & ma-
jore etiam, quam Deum ipsum, honore venerati
sumus: quodque eos, qui nos è scriptura, hoc est,
ex ipso ore Dei meliora docuerunt, & currere
nobiscum ad adoranda opera manuum nostra-
rum noluerunt, strenue jugulavimus: hoc, inquam,
si recte ac pie numen est colere, non possumus
non religiosissimi videri, omnemque pietatis im-
plevisse cumulum existimari.

Verum si illud demum veræ pietatis minimæ-
que adumbratæ religionis est munus, eum solū *Deut. 6.*
Deum agnoscere & colere, qui solus est Deus ve- *Matt. 4.*
rus, eoque cultu solo, quem solum ipse requirit,
excluso omni inventitio cultu ac peregrina do- *Marc. 7.*
ctrina mortalis hominis: hæc ipsa, nimirum,
erunt, quæ in modò dicto cultu reprehendenda
veniunt, quæque barbarum omnium ac tumul-
tuum cladiumque publicarum verissimas causas
& principia esse, & futura porro ruinæ dolorum-
que nostrorum initia, nisi nos ad se convertat, &
pestem imminentem clementer avertat beni-
gnissimus Deus, non sine causa metuiamus. Atque
hunc metum ut pium esse non dubitamus, ita
non fore vanum mox ostendemus.

Nam-

O R A T I O

Námque hoc modo quot divos adoravimus,
 totidem deos fecimus: quot ossa hominum vita
 functorum, quot reliquias ac statuas ad cultum
 produximus, totidem idola contra Deum crexi-
 mus: quot sacrificos, missas ac sacrificia pro vivis
 & mortuis fecimus, tot Christos, summos æter-
 nosque Pontifices ordinis Melchizedechici ad
 æternam unici Pontificis Christi injuriam, per-
 ennisque sacrificij mortis ipsius contumeliã fa-
 bricati sumus. Semper enim illud retinendum,
 ut unus est Deus, ita adorandos plures non esse:
 ut unus Christus *Mesites* Dei & hominũ, Ponti-
 fex perpetuus, qui unica corporis sui hostia pro
 cunctis mundi peccatis in perpetuum satisfecit,
 ita novos quotidie sacerdotes instituere, qui nul-
 lo non die infinitis per orbẽ sacrificijs tam pro
 mortuorum quàm vivorum delictis Deo idem
 illud corpus Christi, quo semel in æternum lita-
 vit ipse, sacrificent in victimam, sine probro ac
 ludibrio æterni sacerdotij Christi, fas non esse.
 Docet enim Scriptura, unica hostia Christi non
 solum typica illa Leviticorum sacerdotum sa-
 crificia impleta abrogatãque esse: verùm addit
 etiam, nullam amplius hostiam pro peccatis re-
 liquam esse. Aut igitur unus esse Deus, unus in-
 ter Deum hominẽsque *Mesites* homo Christus,
 una litatoria pro mundi peccatis hostia esse de-
 finet: aut nos colendo plures, & requirendo alias
 victimas & sacerdotes, verissimos esse, & nume-
 ris omnibus absolutos Idololatrias plũs quàm
 mani-

AD BELGAS.

manifestissimū est. Neque ad rem facit, quod nec Osiridem Isidemque, nec Iovem Iunonemve, nec Martem aut Venerem, neque ex obsoleta gentiliū Iudaicorumque deastrorum turba, ac cœli denique ipsius splendidissimo exercitu quemquā hodie divinis honoribus atque altaribus nostris dignamur. Illud enim in confesso est, nos verum illum, qui nos & omnia condidit ē nihilo, Deum, & verum illum, solum summūque Pontificē, qui pro omnibus unica litatoria corporis sui hostia litavit, Christū cum Spiritu Sancto non piē colere: quia neque solum neq; ex ipsius præscripto colimus. Vbi autem Deus non adoratur solus, nil refert, quemlibet ei socium, quodlibet idolum ex universis operibus manuum ejus ipsi adjungas: sint hæc vel angeli rerum omnium creaturarum nobilissimi præstantissimique licet. Sive enim pro Deo, sive cum Deo, aut præter Deum numē aliud quodvis fictitium veneremur, spoliari Deum suis insignibus semper necesse est, ad quoscunque ea demū vel socios, vel æmulos, vel ministros transferamus.

Apoc. 22

Atque hic profectō fuitiles sunt & frivolæ rationes superstitionis nostræ de meritis hominū quantumvis sanctorum, neque sanē unquā hæc dibapho strumam idolomania nostræ contegemus. Divini enim honores non meriti sunt, sed nature, nō dignitatis, sed majestatis, non operē,

B

sed

O R A T I O

Galat. 3.
Rom. 11.
Rom. 4.
Psal. 51.
Rom. 7.
Galat. 3.
Rom. 7.

sed gloriæ. Deinde quid hominum merita cælo
 reponimus? qui si sunt homines, certè dii non
 sunt: si Adami posteritas, peccato suo mortem
 nobiscum, at meritò Christi veniam, justiciam
 atque immortalitatem fide & gratia sunt conse-
 quuti. Omnes enim ex æquo homines sub pec-
 cato ac morte conclusos Deus tenuit, tenetque,
 ut omniū misereatur: utque omnis justiciæ, mi-
 sericordiæ meritique gloria non inter Deum ho-
 minesque divisa, sed apud solum Deum in soli-
 dum remaneat illibata. Quòd si verò, teste Pau-
 lo, ne Abrahamus quidem ipse credentiū omniū
 pater, ac verum vivumq; fidei exemplar habet,
 quod gloriatur, nisi de merito justiciæ Christi, ac
 gratiæ Dei Patris, quoniam merito Deos facimus
 ipsius posteros, quorum ut quisque optimus in-
 tegerrimisque fuit, ita se in peccatis conceptum
 natumque, sub peccato venditū, injustum mor-
 tique addictum, ab una Dei clementia meritò-
 que Christi omniē salutis & vitæ æternæ immor-
 talitatisque spem expectare confirmat? At-
 que hoc est, quòd Paulum, postquam hoc ipsum
 argumentum Romanis ex professo inculcasset,
 in hanc exclamationem ac deplorationem sui
 prorumpere coëgit: Miserum me, quis me li-
 berabit ab hoc corpore morti addicto? Nec
 miseriæ suæ ulla alia, quàm divinæ misericor-
 diæ meritique Christi consolatione ipse mox
 occurrit: Gratias, inquit, ago Deo per
Iesum

AD BELGAS.

Iesum Christum Dominum nostrum, & cæt.

Cùm ergo universæ miseræ suæ mortisq; eter-
næ in ipsis hominibus quantumvis excellentib;
resideat causa, quâ ipsi in se non tantum agnos-
cunt, sed & deplorant, & contrà in mera libera-
litate Dei Patris ac merito Iesu Christi omnis
spes ac fiducia salutis, quâ ubique ut magnificis,
ita veris tamen encomijs deprædicant, facessat
atque evanescat vanissima miserorum hominu-
tionum gloriola, & stulta Deoque & Christo
injuria meritorum humanorum præsumptio &
cavillatio, quæ solidam, ut conditi, ita re-
dempti hominis, reparatæque orbis laudem, di-
vinitatis majestatisque gloriam constare Deo
non patitur.

Iam si quis mihi vitiligator objectet, san-
ctos Christi Apostolos ac Martyres, si minùs
proprio, at saltem Christi merito, Patrisque bo-
nitate in eum dignitatis gradum evectos, ut co-
li, invocari atque adorari unà cum Deo & Chri-
sto Domino Spirituque Sancto debeant: cùm
filij sint hæredesque Dei, fratres & cohæredes
Christi, ideoque omnium bonorum & thesau-
rorum cœlestium participes per Christum, hic,
licet per me, amet mireturque bellum inven-
tum suum. Ut tamen ei quàm modestissimè
respondeam, commentum quidem paulò sub-
tilius ac furtum ingeniosius, quàm fuere hæ-
tenus crassa illa & vulgo quoque suspecta

B ij

con-

ORATIO

congruitatum, condignitatum & supereroga-
tionum deliramenta potius, quam commenta.
Sed commentum cerebri sui quò subtilius, hoc
nocentius in Dei injuriam invenisse eum dico.
Amet ergo suum illud, quo bellum Deo gigan-
teum denuntiat, bellum argumentum, risore po-
tius majestatis, quam scrutatore veritatis di-
gnum. Si enim idcirco Dei gloriam commu-
nicari servis ipsius fingunt oportere, quòd filij,
quòd hæredes sint Dei, quisnā obsecro, piorum
omnium non posthac Deus erit? Omnes enim
electi, inque Christo adoptati, filij sunt & hære-
des Dei, fratres & cohæredes Christi. Tot-
idem ergo dii erunt, [†] quot terra corpora æ
celo animæ fidelium tenebuntur. Quòd si frau-
di esse Deo liberalitatē suam æquum putamus:
& quia nos ex hostibus hæredes, ex alienis filios,
ex miseris beatos ultrò reddidit, ideò redigendū
in ordinem & subiiciendum regulis Jurisconsul-
torum credimus, (apud quos hæreditas est suc-
cessio in universum jus, quod defunctus tempo-
re mortis habuit) quid obstat, quo minùs (secun-
dum hos argumentatores cum ipso Christo co-
hærede nostro familiæ herciscundæ judicio ex-
periamur communē hæreditatem tam diu jam
occupante, ut planè usucepisse videatur? Quid
ni & cum Deo patre nostro de dote matris alijs-
que juribus nostris, quæ pari sanè æquitate, qua
Majestatem divinitatēque, nobis vindicabi-
mus,

*py: tot. de
necula t
sty are*

AD BELGAS.

mus, summo jure contendimus, ipsumque cœlo deturbamus?

Sed suspicamur fortè id, quod res est, parùm nobis in viribus & jure præsidij forè adversus eum, qui armipotens dominus exercituum, qui jus & justitia ipse est, quique juri judicijsque legitimis præsidet. Ergo vel furtis, sacrilegijs alijsque malarum artium ac sophismatum cuniculis agendum, vel adjuvandæ viribus artes, & Gigantea manus ipsi cœlo admovenda erit, si quidem potiri spolijs opimis volumus.

Verùm ignoscite, quaeso, generosi Belgæ, si quid jocosius in re maximè seria, quàm pro vestra gravitate atque argumenti dignitate loquutus sum. Non enim vobis, sed cavillatoribus hæc reponenda duxi.

Quanquam utinam nos cum patribus nostris diram hanc verèque giganteã fabulam, cujus modò meminimus, adversus Dominũ Deum nostrum, contraque fidelium prophetarũ atque martyrum ipsius sanctissimum exercitum non tam verè lulissemus ipsi, atque expressissemus. Sed de hac querela suo loco videbimus. Nunc ad propositam objectionem paucis respondendum est.

Hæredes ergo & filios omnes gratuito non meritò sibi, & cohæredes Christo unigenito suo electos suos Deus æternus æterno testamento suo fecit, fateor. Ergo & magnificos illos dono-

B. iij

rum

O R A T I O

rum thesauros per Adamū deperditos, & per Ie-
 sum Christum recuperatos largē ac liberaliter in
 eosdem effundit : cuiusmodi sunt remissio pec-
 catorum, iusticia, innocentia, vita & immortali-
 tas, quibus ab initio ad imaginem Dei conditi
 donatiq̃ue fuerant. Interea Deus æternus, cuius
 æternū testamentū morte Christi juxta carnē se-
 mel confirmatū, jam nō amplius morte, sed vita
 testatoris Dei ratum est, semper ea sibi reservat,
 quę ne ipsi quidē Adamo dederat, & sine quibus
 Deus esse & conditor rerum omnium minimē
 poterat : divinam essentiam ac naturam dico,
 omnipotentiam, infinitatem, maiestatem, aliā-
 que soli naturę glorięque Dei competentia. At
 hominibus ad amissam imaginē regenitis, ado-
 ptione filijs, ministerio servis, ut vitam & iusticiā
 creator dederit, ipsam tamē naturā rerum crea-
 tarum non ademit, sicuti ne ipsis quidem omniū
 operum suorum nobilissimis præstantissimisq̃
 angelis. Omnia autem ea dona filijs dedit li-
 beralissimus pater, quæ ad ostendendam beni-
 gnitatem suam dare decreverat, quibusque ima-
 ginem patris sui Dei referentes quodammodo
 similes essent, non pares Deo. Et, ut paucis
 omnia complectar, gratiam salutis hominibus,
 non gloriam Deitatis : vitam æternam, non
 naturam divinam : dignitatem, non Deita-
 tem : innocentiam, non omnipotentiam : im-
 mortalitatem, non maiestatem largitus est Deus.

Hæc

Hebr. 10

Isa. 42.

Eccl. 48.

Rom. 8.

Psaln. 8

AD BELGAS.

Hæc enim Dei naturæ propria, ista gratiæ, benignitatis, liberalitatis & insignis in hominū genus amoris illius dona sunt.

Porro ut nunquam non verum est, unum esse verum Deum, Patrem nempe omnipotentem, creatorem cœli ac terræ, angelorum & hominum, omniumque rerum hujus universitatis: unum item Christum Iesum pariter cum Patre naturæ ac majestatis: item unum Spiritum Sanctum procedentem ab utroque: atque ita in tribus *hypostases in hominifœcis* unum, nō plures deos: ita semper vera immutabilisque voluntas Dei 1. Tim. 2. erit, quam verbo suo nobis pro unica vitæ nostræ cultusque sui regula sanctè observandam dedit: Nō habebis Deos alienos. Ego sum Deus Iacob. 1. tuus, fortis zelotes. Item: Honorem meum alteri non dabo, & ce. Quod cum ita sit, non potest gloria sua spoliatus Deus non indignissimè ferre, gravissimèque vindicare injuriam suam, atq; imminutæ contentæque divinæ majestatis suæ contumeliam. Non enim minùs vera est comminationum, quàm promissionum Exo. 20. ejus veritas.

Accedit, quòd ne ipsis quidem beatīs Dei cultoribus, si sentiant, & prohibere à se idolomaniā nostram queant, blasphemi hi cultus, à quibus, Act. 10. dum viverent, abhorrere se ingenti zelo testati sunt, ullo modo placere possunt. Nam & ipsi beati Angeli, quia in colendo adorandoque Apoc. 22.

B iiii

felo

ORATIO

solo Deo conservos se nostros esse agnoscunt, adorari à nobis recusant. Duplici ergo piaculo nos obstringimus, quoties videlicet immani sacrilegio & Deum debito cultu privamus, & sanctos Dei ministros, qui sunt vasa electionis & misericordiae divinae, quantum quidem in nobis est, ex veris gratiae iusticiaeque imaginibus ficta fallaciaeque idola, zeli, furoris atque indignationis divinae organa facimus. Cum autem & Deum perduellionis laesaque maiestatis crimine in nostra supplicia provocemus, & beatis ipsius ministris, qui gloriam Deo, non sibi, tribuentes voluntati illius & ministerio suo perpetuo addicti sunt, surrepta atque usurpata gloriae ac maiestatis supremae sacrilegium irrogemus, apparet nos Iudeorum rebellium & gentium profanarum potius superasse, quam non aequasse superstitionem.

Ut enim nihil dicam de Iudaeis, illae quidem certe ut inexcusabili ingratitude & erepta laudis crimine verè Deum offendeabant, eaque impietate gratiam ejus amittebant, ita daemones herosque suos, quos alienis exuvijs ornabant, placare ac demulcere vel fictitio cultu, ideoque ad ipsos receptum habere qualemqualem videbantur. At nos, ut dixi, ingeminato errore, dum & ipsum Deum rebellionis, & numina nostra exprobrati immanissimi sacrilegij detestando probro perinde offendimus, neutris utique grati, sed

AD BELGAS.

sed utrisque pariter invisi sumus. Illi cum præter
ea, quæ ex mundi opificio didicerant, nihil de
Deo ejusq; cultu certò statuere possent, Solem,
Lunam, & lucentem illum, nitidum splendidū-
que cœli exercitum. & principes item suos, me-
dicos legumque latores opinione meritō vir-
tutumque stulta quadam gratitudine inter deos
referebāt. Nos autem, quibus de cultu suo Deus
per prophetas & apostolos, perque filium unige-
nitum abundè testatus est, relictis apud nos eter-
ni testamenti sui tabulis, non contenti ficta ho-
minum merita reposituisse cœlo, & extulisse ho-
muncionem & vermem terrę supra Deum crea-
torem in omnia sæcula benedictum, descendi-
mus etiam eodem vanitatis cœstro in ipsa terræ
viscera: & læsa Christianę erga mortuos pietatis
& legis divinæ naturæque regula, quæ condi nō
orui sepulchris ossa piorum hominū jubent, pul- Deut. 34
veres, cineres atque ossa mortuorum, nequic- & c.
quā reclamant Deo, ratione & natura è moni- Ios. 15.
mentis ad publicam pompam ac venerationem & c.
produximus.

Verſa deindè, ut aſſolet, in quæſtum religio-
ne, vel potiùs in avaritiam ac mundinationem
ſuperſtitione, ne qua ſpecies impietatis deſidera-
ri in nobis poſſet, adeò quælibet ſepulchra caco-
dæmonum in morè perreptavimus, ut per ſpe-
ciem religionis non ſolùm ſine delectu quævis
cadavera è pulveribus effoderimus, ſed & com-

A V

plura

ORATIO

plura unius divi corpora (rem prodigio similem) invenerimus. Et cum huic tam felici negotiationi neque modus neque pudor adhiberetur ab harum mercium ebuccinatoribus, & credula multitudo nullum non reciperet, quamvis absomum, crassum seque ipsum vel commemoratione sola evertens delirium, invenit mendax & impunis impudentia, quod nusquam exstabat. Multa itaque prapucia Christi diversis locis culta. Multa crucis ligna. Clavi penè innumerabiles. Lac virginis Marię, quod lactēti Christo superfuisse, & stupendo miraculo conservatum per tot secula perdurasse perhibent, in una provincia Hispania tantum, quantū vix vacca quæpiam foecundissima è media Batavia multo tempore multatori dederit: siquidem, quod ubique colitur, oppidatim colligatur. Corpora Petri aliorumque divorum adeo multa (prout jam non amplius superstitio, sed libido atque avaritia nundinatorum pudendum ac detestandum quæstum in miserum vulgus exercentium suasit) ut ex hac multitudine etiā inter celebres civitates, apud quas hi thesauri ad lucrum prostabant, (cum plura uno corpora unus divus habuisse vix videretur) ridicula nonnunquam certamina de veritate rei confictę (nusquam enim est, quod est ubique) sint nata. Inde nimirū exstitit tritum illud quidem prudentiorum risu, quibus jam tum nares esse coeperant, sed tamen e vulgi istorum temporum

AD BELGAS.

porum fœcibus haustum, scommata. Tres magos in Colonia totidem esse crassos rusticos ex Vestphalia.

Quisnā obsecro vel Iudaicus, vel Ægyptius, vel Chaldaicus, vel quilibet alius ex densissimis illis antiquę ignorantię tenebris unquā populus pari stoliditate idola coluit? Nam quid dicam de commentitijs Christophori, Barbarę, Catharinę, ac nescio quorum non tutelariū, larium, larvarum, lemorum ac templariorum Priaporum, ut falsissimis, sic fœdissimis numinibus, quorum plærorumque ne ipsa quidem archetypa unquā magis in rerum natura fuere, quàm fabulosa illa poëtarum Chimera, aut Cerberus, aut Hippocentaurus? Quid de indulgentijs venalibus & similibus idolomania nostrę instrumentis querar? Nam de indulgentijs utrum pauca, an nihil potius dicam (quoniam argumento vix multa sufficerent) plane dubito. Certè horum cautionario impudentissima atque imposturę improbissimę effecerunt, ut malè audiat Christiana religio inter Turcas aliosque fidei hostes, & ludibrio sit extraneis venerandum nomen Christi & euangelij.

Verum ego, qui non amplificandi neque exagritandi traducendive, sed tantū ostendendi communis periculi monstrandęque ad salutem vię ergo dicenda hæc suscepi, non statui ad vivum omnia resecando, acerbius duriusque vulnera
nostra

ORATIO

nostra refricare quā dolor patitur. Sed ea tamen cum longa dissimulatione ad putredinem jam planè venerint, & cicatricem adeò lethalem obdlexerint, ut non Chironiam aut Apollineā, sed vere divinam ejus manum desiderent, qui quavis mala nostra solus sanare & potest & vult, modò nos & morbum & medicum agnoscamus, aperienda saltem erant: ut in quo hæremus, periculi magnitudinē videntes, dum ultimo exitio nostro à cervicibus amoliendo, quantulumcūq; spei ac spaciij adhuc superest, celerem medicinā sedulò seriòque requiramus. Dico igitur invitus, quòd tacere mihi per nostra pericula jam præsentia non licet, nostram circa idola insaniam adeò conspicuam omnibus populis esse, tamque altè latèque per omnes terræ cœlique regiones extulisse caput, ut non modò hostibus nostris & extraneis contemptui probròque sacrosanctam religionem exposuerimus, verumetiā ridere cogantur ipsimet crudelissimi mangones nostri & sepulchrales dæmones, quibus opprobria divini nominis & errores nostros miseriamque & mortem Ecclesiæ Christi non magis questui, quàm ostentui fuisse certum est. Id enim restantur, & propè clamant cum alia multa planè mimica & scemica, ne dicam obscœna, fabularum nugarumque figmenta ac pigmenta, tum insignia illa missarum, indulgentiarum aliarumque quisquiliarum, quibus nostrā insciam sci-

tissimè,

AD BELGAS.

tiſſimè negociati ſunt huc uſque, elogia atque
programmata. Ex quibus unum tantum (ſex-
centa enim ſunt, vel potiùs ſex millia, ſi conſe-
ſtanda oppidatim ac templatim ſingula eſſent)
ne longus ſim, adducam. Id exſtat Biturigibus
inſcriptum aræ Cardinalis in æde D. Stephani
in hæc verba, ut ea retulit doctiſſ. vir Martinus
Chemnicius, &c.

*Inexam.
Concilij
Trid. de
Indulge-
tijs.*

Hic des devote, cœleſtibus aſſocio te.
Mentes ægrotæ per munera ſint tibi lotæ.
Ergo veniſſe gentes de ſede remota.
Qui datis, eſtote certi de divite dote.
Te precor, accelera, ſpergas hic, dū potes, aræ
Et ſic revera ſecurè cœlica ſpera.
O ſi tu ſcires, quantum data proſit tibi res.
Tu juxta vires donares, quod dare quires.
Te, miſer, à pœna, dum tempus habes, aliena.
Ut tibi ſit pœnæ venia, ſit aperta crumena.
Conſors cœleſtis fabricæ, qui porrigit, eſt is.
Ex hoc ſum teſtis, vos hic mundare poteſtis.
Crede mihi, crede, cœli donaberis æde.
Nam pro mercede, Chriſto dices, mihi cede.
Hic datur exponi paradyſus venditioni.
Currant ergo boni rapièntes culmina throni.
Vis retinere forū? mihi tendas pauca obolorū,
Pro ſumma quorū reſerabitur aula polorū.
Hic ſi largè des, in cœlò ſit tua ſedes.
Qui ſerit hic parçè, parçè comprédit in arce.
Quid

ORATIO

Quid tardas? tantum nummi mihi des aliquantum.

Pro solo nūmo gaudebis in æthere summo.
& cætera.

3 *Thes. 2*

Hoc nimirum ex plurimis unum est planè-
que propositis dignū mercibus præconium indulgentiarum, insigne profectò ad posteros documentum efficacis erroris & illusionis diaboli in homines verbi divini desertores. Nam quid dicam de frigidissimis, insulsißimis impudentissimisque Francisci, Dominici & similium fabulis ad missas, indulgentias, ac purgatorium confirmandum excogitatis? An risum hîc tenuisse suaves istos aruspices, & putidissimorum nugamentorum artifices nostros credemus, cum hæc plus quàm anilium ac præficalium naniarum deliramenta non modò persuadenda suis temporibus, sed & pro fidei Christianæ capitibus illinenda chartis, insculpenda marmoribus, ac tradenda posteris putaverunt? Rîsic certè quisquis modò citati programmatæ author fuit, in quo, ut carminis insulsiatē non reprehendam (oporet enim juxta proverbia, quemadmodum patella operculum, sic & mercibus dignū esse præconium, & similes habere labra lactucas) totidem haud dubiè putidissima impudentissimaq; mendacia, & impiæ in Deum blasphemix, quorū verba sunt.

De

AD BELGAS.

De vaniſſima, craſſiſſima, frigidiffima, immo
gelidiſſima purgatorij fabula nihil amplius di-
cam, quàm unum illud ex arcano ipſorum ar-
chitectorum cribro ac tripode. Statuunt iſti pur-
gatorium unà cum ſeculorum omnium decurſu
finem quoque habiturum. Eum cùm ad unam
annorum myriada duraturum non putent, ta-
men ultra centum myriadas annorum exten-
dunt ſupputantque indulgentias ſuas, quibus ab
incendio, flammis fumisque purgatorij ſui nos
liberant, & arcas noſtras magis quàm animas
purgant. Tam probè, ſcilicet, convenit indul-
gentiarijs noſtris indulgentiſſima ratio cum cal-
culo. Tam ſcitè didicerunt arithmeticam.

O lepidos proſectò ac centum myriadibus
calculorum dignos calculatores. Adeone ſimul
& veſtri obliti eſtis & proverbij: Mendacem
eſſe memorem oportere? Adeò nunquam cre-
didiftis, vos artis & calculorum veſtrorum ra-
tionem reddituros? Sed aperuit, mihi credite,
jam diu oculos bona pars orbis Chriſtiani, cla-
raque in luce videt, & ſimul ridet fallacem iſtam
quidem, ſed nimium diu felicem vobis arithme-
ticam veſtram. Nunc ergo tenemus con-
ſilium veſtrum, & ſimul, quanti nobis atque or-
bi Chriſtiano arithmetica iſta conſtiterit ha-
tenuſ. quippe quæ vos ditavit, orbem expila-
vit, Eccleſiam avariciæ libidinique veſtræ man-
cipavit.

Sed

O R A T I O

Sed necdum habemus omnia. Siquidem de-
prehensi in tam manifesta verborum pugna in-
constantiaque doctrina, effugium ex jure suo in-
veniunt, & Abundās, inquit, cautela nō nocet.
Iam demū foricē indicio suo captum habemus.
Illud nimirum dicere, vel saltē innuere nobis vo-
lunt, se illos ipsos esse, de quibus jam tanto antē
David prædixerat: Dixit impius in corde suo:
Non est Deus, & devorant populum meum, ut
escam panis, & Petrus: Venturos illusores abne-
gantes Christum, blasphemantes viam veritatis,
qui fictis sermonib' nos sint negotiaturi per ava-
ritiam. O planè miseram temporum, vel homi-
num verius ignorantiam! O vim erroris non sua
natura, sed judicio Dei efficacem. Etenim si vel
illi reddendam sibi unquam rationē questuosis-
simæ hujus negociationis putassent: vel nos, qui
tam fœdē negociari nos passi sumus, saltē ho-
mines, atque ipsis brutis non magis bruti fuisset-
mus, nunquā hæc tam crassa, & nunc ipsis quo-
que pueris ridicula deliria vel authorem apud
nos invenissent, vel fidem.

Quid sit ergo & nostram stoliditatē naso su-
spendere, & divinam majestatem, ac merita mor-
tis & sacrificij Christi summo cum ludibrio tra-
ducere, non video, si hoc non est. Ut non imme-
ritò quis suspicetur, tales buccinatores non tam
ad turpem quæstum faciendum emissos, quàm
ad irridendam suggillandamque religionem à
profes-

AD BELGAS.

professis Religionis hostibus immisos & conductos esse. Equidem quotiescunque crassos, deliros, pueriles, vel potius aniles has nugas, & ridicula superstitionum crepitacula, quibus jam pridem euangelij splendor offecit, & sonora vox Dei silentium imperavit, mecum nunc repeto, & ad errores meos jam verbi Dei luce monstratos abjectosque, ceu ad turpissimum foetidissimumque vomitum, cum nausea respicio, miror hujus perversissimi spiritus subtilitatemne dicam, an confidentiam, planèque, vtrum magis mirer, vix scio, persuaseritne tam absurda cordatis & Christianis, an suadere ausus fuerit.

Sed me dubitantem alia ex parte confirmat scriptura, quæ non tam subtilitati spirituum, quàm affectatæ nostræ cœcitati atque *heterodidascaliz* acceptam cœlestis doctrinæ, quæ sola lucerna pedum nostrorum est, ignorantiam refert. Ita enim Apostolus: Quoniam veritatis amorem non receperunt, misit illis Deus efficaciam illusionis, ut crederent mendacio.

Quia verò ad hunc locum delatus sum, non abs re videtur, si hic paululū immorer. & quando tantis deceptionibus occasionē quidem dederunt stulta æmulatio paganismi, ex cujus rudibus & ruinis deliria nostra fabricati sumus: causam verò neglectū projectumque studium verbi ac veritatis divinæ, de utroque conjunctim pauca his addenda duxi. Enimverò majores

C

res

O R A T I O

res nostri ad exercitium pietatis magis sanè promti, quàm cauti, cum ex vetere illa idolorum, cui assueverant, quàmque penitus imbiberât, superstitione recens, quasi è profundo mortiferoque sopore experrecti, religionē Christianam à Romanis ac vicinis non quā par fuerat, simplicitate ac puritate didicissent, ne pietatis exercitijs concedere paganis viderentur, cerēmonias non paucas relictæ superstitionis retinuerunt.

Deinde acceptum à Romanis episcopis qualemcunque Christianismum ritibus quoque ex eorundē traditione (jam tum enim credendi legis Romani cæteris Ecclesijs dare cœperant) nō ex verbo Dei desumptis variè miscuerunt. Et ne quid in nostris sacris desiderarēt oculi & aures, manus & nares, lingua & palatum, minorve, quā olim fuerat, splendor minùs augustam religionē redderet, pro dijs, dæmonibus & heroibus gentium culti adoratiq̃ue fuēre apostoli, martyres, alijque pij jam vita functi homines, quos divorū honore, thure & sacrificijs mutata verius, quàm abrogata, supersticio dignata est.

Cūque jam semper inconsulto ore Dei ritibus ritus & erroribus errores sine fine ac modo cumularētur, ac novi quotidie divi, accensa emulatione ambitione atque avaritia misera hominum credulitati, & invito reluctantiq̃ue cœlo obtruderentur, ventum tandem est in hanc religionis profanationem ac vastitatem, ut quasi
obrun-

AD BELGAS.

obrutus deorum turba Christus vix raro nomi-
netur, neque ampliùs cum Patre ac Spiritu San-
cto imperet, sed tanquam unus in turba, & suo
gradu dejectus, ipsemet imperium divæ virginis
facessere cogatur, juxta dictum: Ora patrem, ju-
be gnatum. Agnoscitis enim, ni fallor, no-
tissimam blasphemiam, quam tamen inter splen-
didissimos planèque divinos titulos Regine cœ-
li, advocata & spei nostræ virginis vel invitæ in-
gerimus.

Interea verbum Dei, ne qua unquam assur-
gendi & ex tanta cœcitatìs voragine emergen-
di atque eluctandi spes esset, primum (uti dixi-
mus) contemptum, deinde peregrinarum doctri-
narum permissione infectum adulteratumque,
postremò e manibus & commercio hominum,
(dum ejus interpretatione populis Christianis
interdictum fuit) sublatum est, adeoque profun-
da oblivione sepultum, ut non modo nullum
exstaret apud populum (laicos appellat) sacro-
rum librorum exemplum, sed nec temerè apud
ipsoſ sacrificos, ut minorum gentium deos, ali-
quod latinum volumen reperiretur. Quæ autem
sola remaserat clero qualis qualis illa Latina ver-
sio, vix apud Põtifìces nostros & præcipuos istos
scolarum vertices, qui mysteriũ suum etiã Pauli
temporib' cœptum summo studio peragebant,
nec ad illud penitus cognoscendum quamlibet
suam, juxta parœmiam, facile admittebant.

C ij

Interea

ORATIO

Interea populo misere fascino, ne nihil omnino de Deo sciret, frustula quaedam latine translationis (Latina tamen & illa) parca planeque non vercali manu dabantur: sed non sine solario, horario hararioque fabularum Circes poculo: lamque prorsus per ista thesaurus carbones erant: & totum propè Christianum orbem sublata cum lucerna via etiam mente hominum infectoque fonte vitæ in haram suam cōcluserat immanissima Circe. Eratque jam hoc modo miserissima Ecclesiæ facies, cui præter nomen ipsum Christianum vix quicquam solidi remanserat, quærendusque in ipso Christianismo Christianismus videbatur: donec iterum Deus infinitæ bonitatis suæ divitibus thesauris per Germaniam, Angliam, Galliam, aliasque nationes liberaliter effudit, tandem & nos divinæ gratiæ suæ donis ac rore aspergere cœpit. Magna sunt ergo hæc & mirabilia iudicia Dei vindicantis maiestatis suæ contemptum: sed nec iniusta nec inusitata, uti exempla supra posita nos docere potuerunt: ut novum non sit nec iniquum, si verbi sui fastidium in nobis quoque tam densis ignorantie tenebris ulciscatur Dominus, nosque lucem cælestis doctrinæ ferre recusantes fumis & caligine abyssi infernalis affectatis involvat, suffocet enecetque.

Sed ne cui videar hunc verbi divini contemptum plus iusto exagitare, agite, o indyti Belgæ, audia-

AD BELGAS.

audiamus paulisper, si placet, quibus quàmque honorificis elogijs ac titulis sacras literas hoc est ipsum sacrosanctum os Dei, patroni & coryphæi propugnatores idololatriæ nostræ hætenus insignierint. Nam ut plausibili aliquo titulo somnia sua & hominum inventa scripturæ primum apponerent, deinde & præponerent, tum etiam superponerent substituerentque, finxerunt eam mutilam, imperfectam, obcuram, ambiguum, plurimis contrarijs pugnantibusque locis perplexam, atque instar nasi cærei ac regulæ Lesbicæ, (hæc sunt ipsorum verba) pro cuiusque libidine in quamvis partem flexibilem esse.

Negarunt quoque hoc consilio ab Apostolis conscriptam, ut esset norma, fundamentum, thesaurus ac prophetia fidei vitæque nostræ. sed tantum commentarius quidam brevis in usum non totius Ecclesiæ catholicæ, sed solum privatarum quarundam Ecclesiarum, quasi tumultuario opere, & è re nata conscriptus, cuius omnis auctoritas non ab ipso, sed ab Ecclesiæ catholicæ, hoc est, suo iudicio pendeat. Ideoque certitudinem doctrinæ fidei vitæque non tam à scriptura, quam ab ecclesiæ traditionibus accipiendam esse. Neque defuere Centimani quidam audacissimi & Cæcerei nostri temporis theologastri, qui ore impurissimo planeque obsceno sacrosanctam prophetarum & apostolorum doctrinam contumelioso indignoque nomine euangelium

ORATIO

gelium nigrum & theologiam atramentariam publicis libris corā toto orbe appellare sunt ausi,

Quin etiā ipsi summi nostri Pontifices quanti scripta sacrorum biblicorum fecerint, cum omni vita omnes, tum & voce quidam testati sunt. Horum unus, cuius nomini & vertici, ut sacro, parcam in presentia, cum euangelij historiam, ut fabulam, damnasset, & Petri Paulique erroneum & mendicorum (has etenim voces media inter pocula è cœno, non scrinio sacrati saturatiq̃ue peccatoris & stomachi epulis vinoque gravati eructabat crapula, non Pontifex) in Italiam adventum execrandis convitijs deplorasset, monitus à quibusdam, ut sui Pontificatus meminisse vellet, cum amarulenta irrisione (sed non nisi reperta conduplicataq̃ue blasphemia cõtumelię prioris) fassus est tandem errorem. Hæc enim sola mercede sibi gratā esse fabulā Iesu Christi, quod ipsius vicarius esset. Alius cum ob caponem non sat lautè coctum, in coquum destomacharetur, à quodā magni nominis viro, ne ultra modum sæviret, interpellatus, cum crapula eructavit & abominandam hanc vocem: Cum Deus ipse ob unum pomum totum orbem perdiderit, an me irasci verabis coquo, qui integrum mihi caponem perdidit? Vno virulento blasphemoque sarcasmo universam sacrosanctæ historiæ auctoritatem sceleratissimè derisit ac proculcavit.

Sod

AD BELGAS.

Sed non eriam omnia Pontificum arcana.
Habeant hoc sibi jure quodā suo peculiare pon *Apo. 13.*
 tificales dapes, ut ore impuro & blasphemo con
 tra Deum contraque Christum ejus sese extol- *2 Thes. 2 e*
 lant, & Scripturæ dignitatem suaviter ac petu-
 lanter irrideant.

Interim unum illud prætereundum non pu-
 tavi, de doctoribus & propugnatoribus harum
 blasphemiarū, quorum nonnulli adeò omnem
 pudorem cum pudicitia pietatēque perdiderūt,
 ut dum canonis, sacerdotij & sacrificij missatici
 impietatem sibi tuendam & commendandā ma-
 gnificis rhetoricę suæ coloribus sumserunt, non
 vereantur inter alias & has blasphemias in Deū
 evomere. Sacerdos est creator sui creatoris. Item *Breviar.*
 Qui creavit me sine me, jam creatur mediante *Parisiū*
 me. Vnde nata est illa ridicula simul & blasphe- *excusum*
 ma sacrificulorum gloriola, qui se virginis Dei- *per Odī*
 paræ felicitatem hac in parte longē superasse ja- *Petit.*
 ctant quod illa conceperit quidē, sed semel tan-
 tum conceperit ac pepererit creatorē & redem-
 torē suū: ipsi autē quotidie & quotiens sacrificāt,
 sola mysticarū quinque vocularū pronuntiatio-
 ne enthusiastica creatorem creent, tractent, ia-
 ctent & mactent, & denique nihil non de eo fa-
 ciant. Quæ prodigiosa Lupercorū nostrorū fec-
 unditas, si quidē vera narrāt, non virginis tantū,
 sed & ipsius Dei Patris omnipotentia ac beatitu-
 dinem haud exiguo intervallo post se relinquit.

C iij

Deus

ORATIO

Deus enim, qui ab æterno filium unicum, & nō plures genuit, ut sit ipse cum Filio & Spiritu Sancto solus omnipotens creator & redemptor, facere alios creatores non magis, quā perdere seipsum potest. At hi nostri

Cecropiam soliti baptæ lassare Cotytto, jam

Talia secreta celebrarunt orgiata da,

ut minimo negotio non solū quidlibet ex quolibet, verum etiam, sicuti Deus ipse creata omnia è nihilo fecit, ita & hi creatorē ipsum è fermento suo, hoc est, ex re planè nihili, stupenda & profectò incredibili potentia creare queant. Itaque secūdum istos videri possunt homines jam diu paria cum Deo (ne interim maiora dicam, quoniam mens inesse hisce Centauris desijt pridem) fecisse, & omninò vicem cœlitibus repēdisse tot creatis brevi tempore creatoribus, quorū ne ipse quidem creator unquam homines istorū similes Cyclopa creavit.

Nunc ergo his authoribus veridicum esse desijt os Dei Creatoris, quod negat ullos alios esse Deos, ullasque quamvis insignes res creatas, quæ admirandorum operum ipsius excellentiam exprimere ullo modo possint: planèq; necesse est, ut tu, ô summa rerum æternaque potestas, aut cedas rerum gubernaculis tantæ parium Deorū multitudini: aut, si hic est (ut est) fundus, & hoc mysterium iniquitatis nostræ, vibrando tandem fulmina tua manu vindice, & gigantes istos unā
cum

AD BELGAS.

gum universis, quos fecerunt creatoribus & redemptoribus suis precipitando, re ipsa doceas, non impunè neque diu irrideri maiestatem tuam, neque impias cœlo inferri manus posse. Ecce ergo mysterium impietatis, de quo tanto antè prædixit Apostolus, quodque observandum Ecclesiæ & Prophetæ, & Christus ipse præmonuerunt.

En fingatur autem jam omnes Turcæ, Saraceni, Iudæi ad subsannandam religionem Christi domini, conjuratione facta, simul prodire: quid, quælo, acerbius in eam comminisci queunt? Taceo reliquorum probra. Prætereo & ipsum canonem, cuius modò mentio est facta, quorum omnium impietatem si pro dignitate verbis exprimere atque ostendere cupiam, dies me citius quam oratio aut argumentum destituat. Et vestra, lat scio, Belgæ, prudentia facit, ut quia doctissimis libris sapius hæc viri docti graphice nobis ob oculos posuerunt, stultus videatur repetitus toties ineptiarum labor.

Missas ergo has missas, nœnias, superstitiones, blasphemias & monstra probrorum nunc facio: quippe quæ, ut nimis pudenda, tractari toties salva verecundia non possunt. Nam, juxta vulgare dictum: Scelera refutavit, qui revelavit, non qui contrectavit, aut retractavit. Summa enim huc redit: Auctoritatem literarum divinarum aut nullam esse, aut ambiguam. Atque in hunc modum maiestati oris Dei ac testamēto æterno Do-

C V

mini

ORATIO

Psal. 16. mini & magni Servatoris ac Dei Iesu Christi
apoc. 9. præpositæ oppositæque fuere doctrinæ dæmo-
 niorum, fumi ac tenebrę abyssi obnubilantes
 solem justicię atque aëra, traditiones ac deliria
 ecclesię malignantium & derisorum, caudæ &
 venena locustarum prodeuntium ex ore dra-
 conis.

Hoc ergo unum est præcipuum peccatum no-
 strum, quod quia ne adhuc quidem, vel millies
 moniti, remittimus, sed contrà mordicùs defen-
 dendum putamus: ne miremur, si vindicem glo-
 riæ suæ manum Dei nostri, & virgam ejus fer-
 ream contra nos etiamnum extentam sentire co-
 gimur.

Nunc transeamus ad alterum, videamusque
 deinceps, quam in ministros ac vates Iesu Chri-
 sti, qui reducere nos in viam conati sunt, incle-
 menter ac truculentè nos gesserimus. Ita enim
 constabit omnè nos veterū Ecclesiæ persecuto-
 rum patrum nostrorū mensurā accumulasse. Sed
 hæreo hic planè, neque unde exordiar, neq; quā
 aut quò progrediar, satis expedito. Tantus enim
 sese hic pandit campus, vel potius inexplicabilis
 labyrinthus, ut si nostræ crudelitatis exēpla hæc
 in parte singulatim vel enumerare tantū velim,
 neque initium neque exitum sim habiturus. Ita-
 que succumbere potius tanto oneri, quàm nar-
 rando extenuare fidem eorum decrevi, quæ vix
 eadem apud posteros nostros sunt invētura: qua-
 que

AD BELGAS.

que nisi à nobis gesta essent, ne ipsi quidem nar-
rantibus alijs credere velimus.

Tantum in universum vos meque ipsum mo-
nebo, ut si per hos quinquaginta annos tantum
Christiani sanguinis hausimus odio renascentis
Euangelij: quantum ne omnibus quidem re-
tro seculis patres nostri, quamlibet impij, tan-
dem nos capiat pœnitudo, aut saltem lassitudo
tanx lanienx. Etenim nostræ crudelitati
satis non fuit, eos qui in nomine Christi ar-
denti zelo gloriæ Dei & nostræ salutis ultrò
ad docendum Euangelium se nobis obtulerunt,
morte mulctare: sed & rapuimus è privato
in publicum (constitutis ad hoc publicis in-
quisitoribus, quadruplatoribus, facibus ac pe-
sibus humani generis) promiscuè omnes,
quotquot nobiscum ad eandem luxur & impie-
tatis profusionem non concurrebant. Utque
omnes scvitiæ numeros impleremus, in hac
tam violenta, tam immani tamque barbarica
truculentia, nec sexus, nec ætatis nec conditionis
aut infirmitatis ulla habita est ratio. Abreptæ à
nobis orantes in privato honeste matronæ, pro-
ductæque in publicum spectaculum: & per car-
nicem vel flammis cœrematæ, vel vivæ in ter-
ram defossæ sunt. Adcò & legum & humani-
tatis simul omnis obliti fuimus.

Præterea & senes decrepiti, homines cæci,
claudi & imberbes juvenes ac pueri vixdum
puber.

1. Pet. 4.

ORATIO

pubertatis annos ingressi puellæq; virgines unâ
cum matribus, & fœminæ uterum ferentes, jam-
que vicinæ partui unâ cum fœtu, horrendum
non solum visu, sed etiam dictu, aut in profluen-
tem projectæ, merisæque, aut terrifico flammarû
intendio consumptæ sunt: idque plarunq; indi-
cta causâ, sinèque ulla legitima doctrinæ inve-
stigatione aut forma judicij.

Posteaquàm deinde terrû illud axioma, cum
hæreticis non esse disputandum, ab inquisitori-
bus receptum fuit tanquam per se notum, factû
est, ut sine ullo doctrinæ examine audita tantû
post accusatorem confessione doctrinæ, sola car-
nificis opera requireretur. Et cum jam populus,
partim quasi commiseratione quadam innocen-
tium reorum, partim edoctus quodammodo de
ipsâ suppliciorum indignitate & causâ, stoma-
chari, musitare, tandemque & concitari cepit,
itum est ad clandestinas & nocturnas inno-
centissimorum hominum lanienas: hoc est, ad
publica impunitaque latrocinia sine ordine ac
modo: in quibus idem ferè accusator, qui & ju-
dex & carnifex fuit. Quin etiam negatum sepi-
simè ereptumque pijs martyribus id, quod uni-
cui ipsi in morte indignissima solatium esse
debuerat, ut neque de doctrina & causâ mortis,
neque de sua innocentia ad populum verba fa-
cere possent. Quibusdam enim eorum, ante-
quam producerentur, inserta illigataque oribus
ligna,

AD BELGAS.

ligna, injectæque pilæ, aut linguæ præfectæ, ne
 non modò de doctrina, sed nec de rebus quidẽ
 domesticis ultĩmaque voluntate sua alloquendi
 populum aut propinquos facultas esset. Non-
 nullis etiam nobilioribus eadem de causa tuba-
 rum ac tympanorum strepitu clangoreque, ad lu-
 dibrium non solum reorum, sed & populi, vox
 intercepta fuit. Taceo de fœditate, horrore &
 squalore carcerum, alijsque infinitis exquisitis-
 simorum tormentorum cruciatibus, quibus plu-
 rimi excarnificati ac mutilati, multi in ipsis car-
 ceribus inter manus carnificum contrucidati, nõ
 pauci ita miserandum in modum excruciat, tor-
 ti tensique, ut ad prodeundum, miserè luxatis,
 distortis distractisque membris, vires non super-
 essent. Taceo quoque de diris & horrendis im-
 manissimorum suppliciorum exemplis & spe-
 ctaculis, deque summa deformitate hærentium
 post mortem ad compita viarum in rotis, furcis,
 postibus ac patibulis corporum in escam fœda-
 rum volucrum & ferarum. Horret enim ani-
 mus, contremiscunt artus, & concutitur totum
 mihi corpus vel sola ac tacita commemoratio-
 ne tam inhumana, & plus quàm barbara, vix-
 que fidem apud exteros posterosque nostros ha-
 bituræ feritatis nostræ. Quid enim aut magis
 horrendũ, aut tam incredibile videbitur, quàm
 Belgas gentem Germanicam, ingenio placidã,
 professione Christianam, non solum vicinitate,
 sed

ORATIO

sed & consanguinitate, lingua, cōmercij ac moribus Germanorum planè Germanam, oblitam innatæ moderationis (etiāsi maxime tam frequentibus ac diuturnis vicinorum commercij de religione restituta nihil unquā didicissent) adversus innocentissimos Christianos, & sua ipsorum viscera sæviendo, æmulari potius Hispanorum effratā sevitiā rabiēmque, quā imitari Germanicam, hoc est, suam humanitatem ac moderationem maluisse?

Nostri autem hæc sunt, nostra, inquam, ipsorum potius, quā martyrum, ô Belgæ, sunt hæc, quæ fecimus, vulnera: non ideo tantum, quoniā in nostros dolores ac pœnas acerbissimas emanabunt redundabuntque: verum etiā quia Christiani in Christianos, in Belgas Belgæ, inque proprium sanguinem ac viscera, ad propugnandam adversus Deum malam causam, malè crudeliterque consulimus.

— Eisse autem quā vera, tam etiā tetra atque immania, hæc, quæ dico, si sapere vel serò tandē malis nostris possumus, inter alia verbi divini & conscientie nostræ testimonia, ipsa quoque mordicus à nobis defensa hæctenus idololatria (ut non excutiamus publicos rerum capitaliū commentarios) omnimodo testari potest. Nam si, quos majores nostri simili errore, tanquā mera piacula, planèque abortiva quædā mundi purgamenta, e medio sustulerūt (apostolos ac marty-

AD BELGAS.

res Iesu Christi dico) eorū nos ossa ac reliquias
templis aris ac divinis honoribus colendos duci-
mus idēd, quoniā euangelium salutis nostræ &
dulcissimam doctrinam novi fœdoris Iesu Chri-
sti nobis cum proprio periculo attulerunt, quo-
nam tandē loco habendi erunt, qui prorsus ean-
dem nobis doctrinam injuria quidem temporū,
vel potius nostra, vitiatam perditamque, sed sua
fidei opera, non alio, quā glorię Dei & publicę
salutis, studio suis fontibus ac puritati restitutā,
inque linguam nostram traductā (quod im-
mani sacrilegio nobis ante ipsos inviderat Satā)
denuō tanquā post longum exsilium postli-
minio his nostris temporibus reduxerunt, qui-
que in hanc sanctissimam curam glorię Dei
& salutis nostrę honores ipsi suos, fortunas & vi-
tam ipsam consumserunt.

Aut ergo ad amussim suam examinanda do-
ctrina eorum fuit nobis, & ex collatione Scri-
pturę legitima demonstrandus error ac falsitas:
aut, si id facere inopia causę non potuimus, sic-
uti huc usque certē conscientia malę causę
(credo) ne tentavimus quidem, agnoscenda no-
bis erunt vulnera simul & scelera parricidięque
nostra, confitendumque nefarię rebellionis in
Deum, atque impij crudelisque simulachrorum
cultus teterrimum crimen. Quod si ve-
rō confessionem hanc nulla, nisi extremi ju-
dicii divini, necessitas exprimere contumacię
nostrę

ORATIO

nostrę poterit: testabitur tamen contra nos conscientia nostra, nosque terrificis facibus stimulisque suis persequi non cessabit, donec confecta rebellionis periodo nos sistat tremendo eius iudicio, cuius in oculis preciosa mors erit martyrum suorum. Testabitur & ipsa continuata jam in quinquaginta plus minus annos tristissimę lanię deformitas. Ipsa denique dies ac sol hic splendidissimus tãtę truculentię inspector diurnus, ac lunę reliquorumque lucidissimorum astrorum celestium clarissimus exercitus cadiũ latrociniorumque nostrorum incorruptissimi testes nos accusabunt. simulque in lucem tanquã meridionalem producent innocentiam eorum, quorum nos innoxio sanguine & gladios carnificum fatigavimus, & maria ipsa tinximus, & flammam ignesque restinximus, & rivos stagna, fluminaque nostra infecimus opplevimûsque.

Iam quid querar de numero trucidatorum? Numerari enim infinita quĩ possint? Ut autem infinita videãtur, quę sanę quã simillima sunt infinitis, nostra quoque crudelitas effecit, per nocturna clãdestinaque latrocinia assiduę grassando. Si tamen divinare per vos, atque simul ex commentarijs & memoria publica conijcere & conquirere licet aliquid, quod unum reliquum fecit inclementia, reperiemus, ni fallor, intra Belgicę nostrę (ne quid de alijs dicam) quam libet angustos limites, intraque jam supradictum annorum

AD BELGAS.

norum spacium, ob solam religionis professio-
 nem, haud minorem centum (quibus tamen non-
 nulli dimidio plures addunt) millium trucidato-
 rum numerum. O scævitiarum furoremque hor-
 rendum atque incredibilem. Quis enim post-
 hac, præter nos ipsos, credere aut animo conci-
 pere tam multa tamque immitia crudelitatis
 exempla, à Belgis inque Belgas, eaque tam bre-
 vi spacio temporis ac loci edita, poterit? Carent
 enim omnino pari exemplo cunctarum omnium
 temporum ac tyrannorum historia. Quanquam
 ut miserum hoc est in Belgis, ita mirum in Sa-
 tana non est, superasse scævitiarum omnium ætatum
 furore ac rabie novissimi temporis: Nani licet
 idem sic hic, qui etiam omnibus, post homines
 natos, temporibus irreconciliabili odio Ecclesiam
 persequutus est, immitissimus draco ac serpens Apoc. 12
 antiquius; tamen quia cogi nunc in angustias re-
 gni ac tyrannidis suar terminos, sequæ indies ma-
 gis magisque constringi in exiguum temporis
 spacium videt, in furorem ac rabiem jam vertit
 iram odiumque Christi & Ecclesiæ: & quasi tru-
 cidandis singulis jam lassus leo, nil nisi compen-
 dia cedium requirit, ideoque nos quoque Belgas
 cum injuria naturæ ingenijque Belgici in extre-
 ma ista tyrannidis exempla prorumpere, inque
 propria viscera convertere rabie atque arma no-
 stra manusque furiosas compulit.

Neque etiam nos excusant Italorum, Hispanorum

D

norum

O R A T I O

norum & maxime Gallorum similes, & forte non
 minoris infamiae carnificinae: dum illud in con-
 fesso est, nos & crudelissimorum idololatarum esse
 socios, & seviendo in proprium sanguinem, jam
 Belgas, immo homines esse desisse: quos adeo
 non purgant aliorum scelera, ut etiam contami-
 nent accusentque magis. Sicut enim non minus
 perit, qui perit in turba, ita nihilo levius peccat,
 qui cum vicinis peccat, quam qui solus. Preterea
 habeant sane Galli vicini nostri, habeant & Hi-
 spani, gens ut olim tenax fidei ac studiosa verita-
 tis evangelicae, sic hodie superstitionis & crude-
 litatis infamia nobilis, trucidatorum martyrum,
 quae volent, ornamenta: eaque furoribus ac par-
 ticipiis suis in ultimo iudicii die praeferant, si
 possunt: Belgas profecto minime omnium gen-
 tium oportuit tam longe recedere a natura mo-
 ribusque Germanicis, neque in obsequium Hi-
 spanice barbariae ac feritatis usque adeo omnem
 humanitatis avitae laudem projicere, ut veluti
 rabiosa belluae in nostrum ipsorum cruorem vio-
 lentas manus atque arma verteremus: idque in
 tali causa, cuius deploratam esse conditionem,
 & maturum jam casum differri diu non posse, ne
 ipsi quidem ignorabamus. Nam ignotam nobis
 hac doctrina prorsus fuisse, dicere non possumus,
 praesertim cum ab oriente quidem non solum vici-
 nitate & commercijs, verum etiam morum, lin-
 guae, imperij, affinitatum & sanguinis commu-
 nione

AD BELGAS.

nione assiduoque penè convictu ita propè Ger-
manos, apud quos Euangelium publicè doceba-
tur ac perdoceretur, attingamus, ut non solum vi-
cini, sed prorsus eadem gens, tantumque non
fratres videri queamus. Ab occidente verò An-
glos (apud quos eadem doctrina usque in hunc
diem feliciter personat) tam amicos habeamus,
quàm vicinos, quibus cum & ipsis & principio-
rum fidam & constantē amicitiam à majorib⁹
acceptā adhuc hodie non sine magno nostro bo-
no tempore tam necessario retinemus. Cū autē
vel ob has causas doctrina euangelica, quæ & in
Germania atq; Anglia magna cū audientia do-
cebatur, & ad nos translatis in nostrū idioma sa-
cris biblijs varijsq; doctorū hominū scriptis mit-
tebatur, millies insonuerit insonueritq; auribus
nostris, crucifixo etiā per hæc (ut Paul⁹ loquitur) *Galat. 3.*
ob oculos nostros Iesu Christo, nemo pfectò no-
strū ullā ignorantia pretextere sævitia & insanie
sua potest. Dubitare itaq; nūc nō possum⁹, quin
præter p̄fanos olim hostes Christi, ipsam quoq;
perfidie & furoris crimine modò infamē Gallia,
& feritate, cæcitate, superstitione ac crudelitate
hodie insignē Hispaniā, & ipsam deniq; impiā,
athēā profanāq; Italiā, maximeq; caput ipsum
crimeq; malorū omniū Romā, juratā fatalemq;
jam inde ab ipsius incunabilis ad ultimū usque
diem Domini, pestē, gurgitē & mortē deniq; veri
Christianismi, vel equaverim⁹ vel vicerim⁹ etiā.

D ij

Quod

ORATIO

Quod si ergo neque furor Gallos, neque ex-
 tas Hispanos, neque affectata impietas Italos,
 Romamque ipsam adversus severum iudicem
 mundi & fortem vindicem martyrum suorum
 Christum, quò minus omnes furoris, cecitatis
 impietatisque iustas meritasque poenas luant,
 ruebitur: quid nobis futurum arbitramur, qui
 contra certissimum & incorruptissimum proprie
 conscientiae testimonium pios vates nostros di-
 vinitus missos furiosè mactavimus, quorum nec
 vitam improbare, nec doctrinam refutare pote-
 ramus? Quid? refuta e dico? immò quam de-
 gustatam iam ne repudiare quidem, aut damna-
 re unquā ausi fuissimus, nisi lucis odium, quam
 tenebrae nostrae non tulerunt, & questus ex cultu
 impio atque avaritia, quae oculos nostros perstrin-
 xit, & Hispanorum ut diuturnus ita vanus (si vi-
 ri & pristinae avaritiaeque majorum virtutis memo-
 res fuissimus) terror in nostra membra, in pro-
 priam naturam & conscientiam, inque coelum
 ac denique in Deum ipsum nos armassent.

Atque haec confessio cum multis alijs, qui po-
 stea resipuerunt tum etiam non paucis rerum ca-
 pitalium iudicijs expressa saepius fuit: qui mo-
 niti ut aut conscientiae suae conuiderent, aut Deum
 dilectorum martyrum suorum vindicem exspe-
 ctarent, iniusticiam quidem iudiciorum suorum
 agnoverunt: sed juxta proverbium, In Pyrrhia
 quicquid eorum fuit malorum, hoc est, in regis
 edicto

AD BELGAS.

dicta conijcere, & a se in Regem amoliri crudeliter invidiam ad tempus quidē conati sunt. Atque hæc quidem incitamenta fuerunt, quæ nos, cum meliora & videremus, & nonnulla ex parte probaremus: amplecti tamen deteriora, & accerere in capita nostra omnium martyrum vatumque, ab orbe condito usque ad hunc diem, occisorum reatum ultricemque Dei manum coegerunt.

Matt. 23

Et si ergo idem ille mendax & eruentus spiritus hostis Ecclesiæ nos modo cum proprijs visceribus, ac nobiscum ipsis cæca rabie commisit, qui ab initio Ecclesiæ Cainū in Abelum, Esau in Iacobum, Pharaonē in Israëlitas, breviter, qui totā illam omnium temporū turbam persecutorū Ecclesiæ in populū Dei instruxit, & in finē usque seculorum omnium instructurus est: in nobis tamen eo potentior efficacia ejus fuit, quod in veritatis agnitæ professores ac testes, inque verbi ac justitiæ divinæ præcones, notæque innocentie homines contra sensum & conscientiam nostrā nos concitavit: inque ruinam non inprovisam volentes videntesque præcipitavit.

Proinde quoniam ad horrendam à Deo defectionem ac spiritualem cum simulachris scortationem adjunximus & diræ crudelitatis ultima detestandaque particidia in ministros Iesu Christi, quorum pedes ut pacem letam annuntiantium, meritò grati & preciosi nobis esse de-

Rom. 10

D iij

buissent:

ORATIO

Psal. 116
Reg. 12
Apoc. 9.
 buissent: ne quaramus alias causas calamitatum
 nostrarum, quàm has ipsas, quæ Deo maximè
 sunt invisæ. Neque miremur, si Deus ultor con-
 temtus sui, zelotes impij cultus, & in cujus ratio-
 nibus preciosa mors est testium suorum, jam
 etiam ad nos virga ferrea sese convertat, nòsque
 in ira ac zelo furoris sui corripiat, seditionibus
 bellisque civilibus involvat atque collidat. Ni-
 si enim resipiscimus, initia hæc tantum malorum
 erunt, & faviores nobis à Domino dolores pa-
 rari minimè dubitabimus. Aded enim illum
 pervicacia nostra non vincemus, ut si ad do-
 mandam debellandamque præfractâ rebellio-
 nem nostram non sufficiant, quas huc usque sen-
 simus, calamitatum publicarum plagæ, expedi-
 turus sit & scorpiones suos Deus, concitaturus &
 alios insuper hostes in nos, quorum linguam nò
 noverimus, ignotos quidem facie, at notæ inle-
 mentix homines: donec tandem cladibus bel-
 lorum ac tumultuum, morbis ac fame domiti,
 diverseque agitati ad internecionē redigamur,
 & mistum nobis divini furoris poculum integrū
 hauriamus, planēque consumamur.

Habemus ergo nunc malorū nostrorum prin-
 cipes causas, obstinatum nimirum Dei ac verbi
 divini contemptū impiumque idolorum cultū, &
 immanē insanamque in sanctos ejus ministros
 cum pertinacissima theomachia conjunctā cru-
 delitatē. Principes autem causas dico: non enim
solas:

AD BELGAS.

solas. Sicut enim Spiritus Sanctus per os D. Pauli testatur, impios idololatrias desertos a Deo tradi dedique cupiditatibus foedis in mentem rationis iudicii que omnis expertem, atque ita per omne genus scelerum in exitium ferri precipites: ita quantum vitiorum atque flagitiorum agmen longa, & quasi cathenata quadam serie, secum traxerit fecunda hac vitiorum mater idololatria ac theomachia nostra, utinam minus multa inter nos documenta exstarent. Is namque vitiorum omnium proventus apud nos est, isque cunivulus, ut quando jam ad fundum propere pervenimus, & praeter numinis reverentiam hominum quoque famam, metum ac pudorem abiecerimus, contemnamus.

His ac cedit, quod, quasi nostra nobis non sufficiant, ab exteris quoque, ceu sobolis fecundioris ergo, plura quotidie mutuamur. Quae omnia demonstrant, nos, dum urgemus, accumulamus & acceleramus exitii nostri causas, quasi non sat cito perituri alioqui simus, imminere jam planeque maturuisse (nisi eam clementissimus Dominus magisque propitius nobis, quam sumus ipsi, placide avertat) damnationi, poenae ruinaeque nostrae. Verum ego precipuas, ut dictum est, malorum nostrorum, & cubantis jam in ipsis prope modum foribus exitii causas, ut fontes, ostendisse contentus, obiter indicare haec tantum volui, non etiam persequi longius.

D. iij

Nunc

ORATIO

*Altera
pars de
remedijs
malorum
Belgico-
rum.*

Ibren. 2.

1. Theſſ.

Hebr. 2.

12.

Iſa. 10.

Rom. 2.

Apoc. 6.

Luc. 23.

Apoc. 6.

NUNC autem, quia causas, vim ac magnitudinem morborum nostrorum tenemus, tempus est, ut de medico ac remedio propere cogitemus. Moram enim non patitur celeritas appropinquantis vindictæ, & immensa veluti maris exundantis contritio imminens cervicibus nostris. Quis ergo medebitur nobis? Prophetæ enim nostri viderunt nobis falsa & stulta: nec aperuerunt nobis iniquitatem nostram, ut nos ad poenitentiam provocarent: viderunt nobis onera vana & expulsionem. Nos præterea & cælum & terram impietate ac scævitia nostra offendimus. Et novimus vindictam in manu, inque promptu esse ei, quem læsimus. Certum quoque, nullum esse in terris neque sub sole nobis refugium adversus eum, qui potenti manu sua & cælum & terram & universum hanc globum ac machinam mundi uno momento impellere in nos ac sternere, confundere disperdereque nobiscum potest. Quis igitur conservet nos adversus iram non venturam, sed jamjam presentem Dei sedentis in throno Majestatis, proque tribunali terribilis judicii sui. Nulla profecto neque hominū neque angelorum, neque etiam deorum divorumque, quos fecimus, potentia: nulla nec regum edicta, nec bullæ Pontificum, quorum libidini in affligenda Ecclesia morem gessimus: atque adeo ne ipsa quidem collium montiumque vasta ponderosaq; moles abscondere

AD BELGAS.

dere nos atque protegere gremio suo poterit.

Cum verò nec effugij locus, nec spes auxilij, nec mora supplicij, tenente jam atq; intentante nobis potentem præsentemque ultionem suam Domino Deo, usquam affulgeat, ipsa nos necessitas, Belgæ, si minus voluntas, ipsa magnitudo periculi quo nos vocet, ducat, rapiatque, videtis: nempe ad ipsum, qui offensus est, qui que pœnis jam nostris admovit manum & ni deprecatum mature venimus, non amovebit ante, quam nos ad interuersionem consumptos, ac damnationi supplicijque sempiternis addictos traditosque cum stirpe adeoque nomine nostro ex ipsa terra ac memoria viventium prorsus funditusque deleverit. Hic nobis adeundus ac deprecandus est ipse, & nemo præter ipsum. nemo ite cum ipso, aut præ ipso. Hoc nobis adhuc unicum verum fidumque, rebus alioqui perditis ac deploratis, perfugium, hæc sola certa, firma verèque sacra anchora inter sævos desperationum dubitationumque fluctus jacienda figendaque, hic denique solus certus æternusque æternæ salutis ac vite portus subeundus erit. Idem quoque medicus erit, qui vulneravit: idem patronus ac defensor, qui & iudex vindexque tribunal jam conscendit: idem servator, salus vitæque nostra, qui alio, qui perdere nos æternoque exitio dedere, & hostibus nostris de calamitatibus interitumque nostro grata ac sperata gaudia triumphosque, nisi

Act. 4.

1. Tim. 6

Luc. 5.

Iob. 5.

Esa. 61.

1 Ioan. 2.

Luc. 10.

Ec.

Matt. 10

Ec.

Esa. 106

D v

serio

ORATIO

Psal. 51. seriò resipiscimus, concedere decrevit. Caterum
 ut solus ille obligare vulnera nostra, & sanare
 morbos languorésque, & ab interitu in salutem
 asserere nos potest, ita nisi contritos corde, con-
 fractos spiritu, & morbum ingenuè agnoscen-
 tes, ac medicam ipsius manum ex animo implo-
 rantes, sanare ac servare non volet. Quoniam
 autem non aliter morbum satis agnoscimus, quàm
 expensa ad trutinam verbi Dei vi & magnitudi-
 ne peccatorum nostrorum (hi namque revera
 morbi nostri sunt) necesse est, siquidè bona fide
 sanitatem querimus, ut non circumspiciamus te-
 nebras tegendis peccatis, non fumos, aut fucos,
 aut folia ficulna, aut strophas sophismatum ad
 fallendum configendumque insomne oculum
Rom. 7. Domini Dei, ac sapientissimi medici nostri Chri-
Psal. 19. sti: sed prodeamus in ipsam verbi divini lucem,
 & examinata ad ejus, non nostram, normā mi-
 seria magnitudinèque delictorum, agamus verā
 ex intimis animorum penetralib' pœnitentiam:
Galat. 3. demittamus cristas & supercilium proprię justi-
4.5. cię, dignitatis meritorumque: humiliemus cor-
Rom. 4. da, nosque ad pedes Dei nostri prosternamus:
Ec. ac meruisse nos extrema quæque bellorum, ca-
 lamitatum, famis, morborum, ac mortis denique
 æternæ perpetua tormenta profiteamur. Imitemur
 laudabile & æterna dignū memoria exem-
Jonæ 3. plum Niniitarū, qui ad legationē Ionæ prophe-
 tæ non modò non obfirmarunt animos: sed etiā
 (ut hi-

AD BELGAS.

ut historia sacra testatur, conspersi cinere, sac-
 cōsque induti (in signū veri doloris) publico lu-
 ctu egerunt pœnitentiā. Proponamus nobis Is-
 raëlitārū in exilio Babylonico etsi serā, tamē ve-
 ram seriāq; idololatriæ ac delictorū suorū con-
 fessionem. Sanctificemus jejunium, rumpamus
 nō vestes, sed corda, non postes, sed pectora: De-
 mus hanc gloriā Deo justo, vero & veraci, dam-
 nemusque nos ipsi antē, quā ab illo condemne-
 mur. Compungat nos, augeat crucietque horror
 iræ judicijque divini adversus immēsam magni-
 tudinē & profundā abyssum peccatorū nostrorū.
 Ne purgemus facinora: neve peccata vel hypo-
 critarum more elevemus, vel obstinatorū idolo-
 latrarum exēplo defendamus, patrocinantes hoc
 modo blandientēsque haud dubiæ miseriæ atq;
 condemnationi proprię. Sed si sapimus, cum Da-
 vide, Ezechia, Manasse, Paulo & Petro, atq; alijs
 pijs hominib; pœnitentiā verā quā publicē quā
 privatim agamus, verā peccatorū confessionē
 agamus, dicamūsq; in hunc vel similē modum:

Peccavimus, ō Deus, nos & patres nostri, at-
 que impijs ac sævis nos facinorib; obstrinximus,
 & peccata nostra nunquā non obversantur no-
 bis, nōque coram judicio conscientię nostræ, &
 imprimis antē justissimum severissimūque tri-
 bunal tuum accusant. Et si vel maximē nos ta-
 ceamus, celare ea cupientes, clamāt tamē con-
 tra nos & vindictā tuam divinā penē clara voce
 depo-

2. Esd. 10.

1. Cor. 11.

Dan. 3.

Psa. 106.

ORATIO

Apo. 6. deposcunt spretum à nobis repudiatumque san-
Gene. 14 ctissimi foederis tui sacrosanctum volumen, ac
 profanatum impio idolorum cultu templum tuum,
 & crudeliter iniusteque profusus à nobis inno-
 centium tuorum & fidelium servorum ac mar-
 tyrum sanguis. Clamant contra nos & ipsa ter-
 ra, flumina & maria, quæ nostris ex manibus hau-
 rire innoxium sanguinem, & idcirco divinam
 execrationem nostro merito sustinere coactæ
Mat. 2. sunt. Clamant denique & ligna ipsa & lapides,
 aurum & argentum & gemmae: ipsa quoque ossa,
 pulveres ac reliquiae sanctorum Ecclesiae primi-
 tivæ martyrum, quæ nos impie eruta sepulchris
 idololatriæ nostræ, ad inflammandum in nos i-
 psoque iram zelumque tuum, servire coëgimus.
Psal. 40 Peccata itaque nostra, quorum numerus & capi-
Eccl. 19. tum nostrorum pilos, & ipsas littorū arenas exce-
Eccl. 19. dit, quæque coelum terramque & eorum omnem
 plenitudinem servitio tuo dicatam, in nos exa-
 cerbarunt, exulare amplius neque possumus neque
 volumus. Non sumus autem, o Domine, digni
 amplius hujus suavissimæ lucis usura, neque a-
 spectu convexi altitudinisque cœlestis. Scimus
Hebr. 12 quoque, & jam nunc sentimus, te justum atque in-
Rom. 2 corruptum esse iudicem, oculatum ac præsentem
 testem inspectoremque actionum cogitationum
 quæ nostrarum, & præpotentem vindicem cum
 aliorum scelerum, tum & inprimis idololatriæ
 & contemti projectique cultus tui. Itaque si in
 iudicium

AD BELGAS.

Judicium intrare nobiscum, p[ro] quoque jure tuo statuere de nobis velles, non dubium, quin desperandum nobis, ac pereundum de terra numeroque viventium extemplò esset.

Sed quoniam ex adversò de tua quoque clementia, benignitate ac misericordia erga eos, qui in mole peccatorum suorum, atque comminatione horribilis judicij tui pressi territique, vera eorundem p[en]itencia ac dolore contusi fractique, ad gratiæ tuæ thronum confugiunt, & clementiam tuam ut vitam salutis suæ fiduciam supplices vera fide implorant, ita persuasi sumus, ut quantumvis ingentem miseriæ nostræ magnitudinem longè superent immensi atque inexhausti gratiæ bonitatisque tuæ thesauri: nos quoque calamitatum peccatorumque nostrorum sensu, dolore, & justissimi judicij tui terrore paventes atque cōsternati, supplices tibi manus tendimus, & ad gratiæ tuæ thronum abjecti veniam delictorum oramus. Neque dubitamus, quin exoraturi etiam simus. Tu enim, ut clementissimus pater, multorum reorum, & imprimis Pauli, Petri, Davidis & Ninivitarum exemplo contestatam nobis verè paternam & infinitam tuam misericordiam fecisti. nolle te videlicet pertinaciam & mortem, sed p[en]itentiam & vitam miserorum peccatorum. Etsi ergo te, justissime Deus, & magnitudine & multitudine scelerum nostrorum gravissime offendimus, planèque digni sumus,

*Psal. 51.
Ezec. 18*

Esaï. 6

Ezec. 23

ORATIO

mus, in quos universas ultionum tuarum plagas
semel ac simul effundas. hac tamen infinitę bo-
nitatis tuę fiducia, clementissime Pater, ad thro-
num gratiæ tuę accedere audemus. Ignosce igitur,
ô Pater, ignosce, agnoscantibus peccata, par-
ce prostratis, & redde vitam perditis, lumenque
salutare benigni vultus tui obverte infelicib' no-
bis. Spiritum quoque tuum, Spiritum veritatis
& iudicii da nobis. Spiritum novum rectumque
nostris in visceribus innova, ut te solum post-
hac & agnoscamus & adoremus verum Deum,
& quem misisti Iesum Christum. Sic nos ne-
que ab obedientia, fide, amore cultuque tuo ad
aliena cōmentitiaque numina ullis unquā præ-
stigijs ac sophismatis abduci nos patiemur: & in
Ecclesia tua perpetuò habitabimus, ibique cele-
brabimus nomē tuum, & canemus ac recinem⁹
benignitatis ac misericordiæ erga nos tuæ im-
mensam magnitudinem laudibus sempiternis.

Hac sanē, aut huius non multum dissimili, Bel-
gæ, confessione ac deprecatione opus habent res
nostræ, non autē sophistica vel extenuatione vel
defensione tantorum criminum. Nam ut fumis
ac præstigijs sophistarum non fallitur, sed magis
irritatur Deus, ita cōfessionis ingenuitate ac fide
placatur, inclarescitque nobis salutiferum lumē
vultus eius. Utque iam nō fucis ac tenebris locus
est nobis, quorum peccata atque ignominia tam-
res, quam dies ipsa in lucem protraxit: sic neque
fugas.

AD BELGAS.

fugæ aut latebris, ad quas nulla velocitas proderit, neque effugio, cuius omnis vana spes erit, nisi ad ipsum confugere Deum nostrum contendamus, vanæ fallaces ac præcipites quærendæ sunt viæ.

Valeant itaque sophismata, valeant & sophistæ, idolorum nostrorum cædiumque patroni atque architecti. Valeat immò doleat, egeat, oleat ac pereat malè, angatur, ringaturque salute nostra, successu Ecclesiæ & adventu Regni Christi

universa illa palustrium, ranarum, locustarum, hy- *In Inqui-*
pocritarum, sycophantarum ac sectorum male- *sitorum &*
fica, venefica ventri abdominique dedita turba: *monacho-*
dum nos, spretis illorum calumnijs ac vocibus *rum savi-*
Sireneis, rectum clavum tenentes in portum sa- *tiam &*
lutis dirigimus navem. Pereat, intereat (servari *hypocri-*
enim nō vult) & de terra viventium extirpetur *sim.*

nefaria ista & exitialis Ecclesiæ patriæque fax, pestis, pernicies, morsque omnis pietatis ac virtutis, rebellis in Deum, crudelis in genus humanum, infamis ad omnem posteritatis memoriam, ebria non vino, sed sanguine, devota jurataque obsequijs magnæ meretricis, Inquisitorum, Iesuitarum, Franciscanorum, Dæmonianorum & reliquorum (exhaurire enim foetidam istam ultroneæ mendicitatis sentinam molestum est) tetra tetricaque progenies. Pereat, inquam, (quoniam Deo ipsi ore blasphemio laqueum mandat) ruatque in præceps, & lethæis potius mergatur

O R A T I O

mergatur aquis, impius ille atque infinitus risorum, atheorum, ventrum, nebulonum, leonum & lenonum, luporum, urforum & pardorum exercitus, quam nos fraudibus ac furoribus illorum, postquam divinitus meliora didicimus, amplius obsequendo pereamus & ipsi male cum malis.

Vtinam autem hanc nobis mentem det Dominus, ut salutaribus ipsius consilijs admoniti, & euangelij luce illustrati abijciamus tandem omnia opera tenebrarum ac pseudoprophetarum: & fugiamus, vel potius fugemus tristes istos & graves, atque vel solo obtutu letiales, vitæ nostræ basiliscos aspidēsque, quorum virulentis oculis, & perniciosis consilijs immanè quantum hætenus læsi sumus: & quorum sevicia non solum omnium tyrannorum ac ferarum inhumanitatem superat, sed ipsis quoque terrarum, undarum & flammarum elementis gravis est. Nam cum iam appropinquante iudicii die ipsa tellus undeque reddere atque eructare gestant, quæ invita hausere, piorum Iesu Christi testium corpora sanguinemque: tamè hæc teterrima monstra naturæ, hæcque insatiabiles furia & vultures avidissimi crudelissimi que, ne his quidem tantis cruoris humani fluminibus ac maribus exsaturati, sed insuper ad plures majoresque adhuc cædes ac strages superioribus lanienis quasi escis illecti & internecioni Ecclesie Christi ac demum ipsius totius humani generis inhiantes atque invigilantes, spargere-

AD BELGAS.

spargere venena sua & consilia sanguinaria suggerere magistratibus ne nunc quidem cessant. Cum enim qualemcunque hanc Ecclesiæ quietem, vel potius inducias, pro innato ipsis odio gloriæ divinæ, & dolore invidiaque successus regni Christi, non ferant maligni catoblepæ nostri, anguntur & quiritantur, turbati orbis, hoc est, commotæ ac periclitantis tyrannidis suæ solam esse causam, ignaviam ac negligentiam magistratuum parentium hæreticis.

Agnoscitis enim, ni fallor, quæ vestra prudentia est, Belgæ, veterem cantilenam & feralem negniam infauitissimarum avium. & quos dent gemitus, quas cieant lachrymas, quæ vobis tendât retia laqueosque, videris. Dolent, scilicet, & illachrymantur vulueribus orbis clementes lanistæ, vel potius crocodili, quæ ipsi inflexerunt: & eripi siti suæ cruentæ à meditata laniena totamque præstantes ditiones ac provincias molestè ferunt. Et mirum, ni vel feralia nobis convivia nuptiasque, quales non ita pridem Gallis fecerunt, apparare satagant, vel universis Christianis unam optent cervicem, quando singulos confectari longum est. Hinc illæ, nimirum, lachrymæ fletusque crocodilorum nostrorum. Hinc suspiria illa gemitusque Acherontiorum dæmonum, stygiæque paludis ranuncularum. Hæc illa funesta Belgio totque malorum conciliatrix Helena, quam ne sic quidem, nisi post internecio-

E

nem

O R A T I O

nom & patriæ & suam reddere marito, vel potius lenoni suo volunt.

Vos igitur, Belgæ, ad perdendum Belgium appellandi atque impellendi estis, hoc est, ad explendam carne ac sanguine vestro, vestrorum famem, sitim, rictum & ingluviē inexplebilem immitissimorum vulturum. Credite autem, si placet, non mihi, sed vobis, immò ipsis inquisitoribus, eorumque actionibus quotidianis, & videbitis id quod res ipse clamant, ad satiandos istos nihil omnib⁹ supplicijs actum esse, nisi uno compendio unoque incendio flammarum sacrificetis desiderijs istorum: aut, si mavultis, uno undarum diluvio diuturnam tristitiam & cruentitas lachrymas istorum abstergatis abluatisque. Scitote vos hætenus ludos tantum fecisse istis, nihi & cognatos & fratres, & uxores liberósque vestros (quotus enim quisque apud nos non aspicit hodie lucentem gentibus, regnis ac provincijs vicinis clarissimum euangelij solem?) ut hæreticos, atque ad extremum & vosmetipsos, gratissimam istis præter omnes superque omnes alias hostiam (nam & vos jampridem parcendo hæreticis & paciscendo cum hæreticis illorum iudicio labem hæreseos contraxistis, deosque eorum irritastis) una in ara juguletis mactetisque, eoque demum cruento sacrificio placatis istis numinibusque istorum regnum ac monarchiam mundi desertam consecretis.

Huc

AD BELGAS.

Huc enim tendunt consilia istorum, huc affe-
rant viam, ut relegato ad Epicurum atque De-
mocritum Deo, ipsi vacuum orbis possessionem
cum dijs suis occupare, trucidato genere homi-
num, possint soli. O furias infernales, o se-
pulchrales dæmiones, o serpentes draconesque
immitissimos perditissimosque. Irritatus est, sci-
licet, Deus, quod segnius mactavimus hereti-
cos, quodque siti cruoris humani exarescunt in-
saturabiles fauces vestre? Audimus, o boni, &
quidem credimus. Sed quis Deus, dicite o sacra-
myste implacabilis Acherontis. Nimirum ve-
ster ille, qui sua vobis arcana communicat, Deus
Venter, vester ille Plutus, vester summus ille, &
cui hæc omnia sacrificia paratis, tenebrarum ne-
quitiarumque coelestium dominus deus Abad-
don, efficax in contumacibus, mendax, homici-
da, rex locustarum & pseudoprophetarum: qui
mulierem parturientem in deserto persequutus
est, cui caligo tenebrarum vobiscum in æternum
servata est, qui que tandem cum devotis manci-
pijs suis ad sempiternos cruciatus in stagnum sul-
phureum abjiciendus erit.

Ephes. 2.

Apoc. 9.

2 Thes. 2

Apoc. 12

Hic est videlicet perditus ille seculi hujus
Deus, qui cæde & mendacio gaudet, qui san-
guine Christianorum potatur, pascitur ac vivit.
Huic si ritè litabimus, non nisi totius Ecclesiæ
Christianæ patriæque nostræ, & universi homi-
num generis pantoletiria, uti jam dictum est,

E ij

defun-

ORATIO

defungemur. Qui si ad intermissam mactandi consuetudinem turbatur, & maturitatem iudicii supplicijque sui adeo propinquā aspicere equis oculis non sustinet, quid mirum? Quid mirum, si consuetum incendiorum nidorem, & suaviorum vino sanguinis potum, & quæstuosas sectiones, & quadruplationes, seu triplationes eraspras sibi Abaddon, Venter, Plutusque dii vestri doleant anganturque.

Sit ergo hæc ira deorum vestrorum, & accusate, incusate atque arcescite, quam vultis diu, magistratum ignaviam turbati regni tenebrarum: ruere tamen vos vnā cum dijs ac tenebris vestris adventu solis iusticiæ, fierique tandē vobis ceu decrepitis araneis, proprias perniciosorum consiliorum telas, retia, fossasque necesse est.

At noster hic cœli terræque conditor Deus vivus, veræque Optimus Maximus, clemens, amans hominum & servator, non perditor humani generis, qui orbi servando, non perdendo, inaudita bonitate unigenitum filium dedit, qui ad docendos, non trucidandos errantes doctrinam salutis per prophetas & apostolos conscripam servandā Ecclesiæ & sanctè custodiendā, non adulterandā nec augendā minuendāve tradidit: & huic ministerio magistratū in tenis suo loco constituit ac maiestate ornavit: is adeo non irascitur magistratui abstinenti manus à sanguine piorum asserentiū asserentiumque eandē
hanc

Ioan. 3.

1 Ioan. 4.

Rom. 5.

&c.

Ephe. 5.

Deut. 4.

Psal. 119

AD BELGAS.

hanc non aliam doctrinam, quam ab apostolis quidem bona fide traditam, sed nostra ingratitude neglectam, scelere corruptam, impietate amissam, vix inter chartas & pulveres monasticæ barbariæ ac misanthropiæ nostris temporibus reperiebamus, ut etiam gratia sua atque omnium doctorum genere prosequatur eos, qui hospitium Ecclesiæ dederint: & contra oderit, exsecratur, malosque male perdat, qui non dederint.

*Matt. I. 11
&c.*

Huic autem Deo nostro forti & gloriæ suæ zelotæ non modo non molesta, sed contra mirifice grata potius est, mirisque laudibus & benedictionibus ornata magistratus pietas monstratos errores abrogantis, veramque doctrinam, germanum sacramentorum usum, & legitimum ejus cultum publice restituentis. Docent id exempla Moysi, Iosue, Iudicum, Regum, Esdræ, Nehemiæ & Machabæorum.

Sed hæreticis, inquit, & schismaticis parci non vult Deus. Audimus & istud. Quia verò & veri Dei nomine ac titulo nequiciam vestram & scæviciam velare non desinitis, agite, descendite in harenam, & pedem conferte in plano, & ostendite, si potestis, hæreticam esse hanc doctrinam, cujus lucem oculi & tenebræ vestræ non ferunt neque comprehendunt. Ostendite schismaticos esse eos, qui, ut ad Christum Salvatorem accedere possent, salutem & pacem inventuri, à vobis perditis ac perditoribus male tractati, ne planè

Obiectio

E iij

ad in-

ORATIO

ad internecionem redigerentur, recedere necesse habuerunt. Id quia non facitis, ne infinitis quidem fumis ac flammis, iris atque diris, commentis ac tormentis, ranis & locustis è puteo abyssi vestrae in terram ad obscurandum solem & miscendum bellis auxilio bestiae terrarum orbem emisistis: sed contra vobis frementibus gementibusque salutiferam hanc doctrinam, verèque catholicam ipsius Iesu Christi & apostolorum nunc Dei beneficio reducem & jure postliminij priscinum decus recuperantem læta hodie excipit Europa, fumorum fucorumque vestrorum jam pridem pertæsa, quo tandem jure, quo item ore negare potestis, catholicam esse, quam tot artibus viribusque, tot bellis ac cædibus non tantum non expugnastis, sed & confirmastis & munivistis magis? Itaque vobis vel invitissimis conscientiae vestrae judicio fatendum erit id, quod Deus ac dies ipse ostendunt & evincunt, ipsissimam Christi & apostolorum doctrinam virulentis moribus vestris peti atque ore impuro blasphemoque damnari hereseos ac divisionis. ejusque odio totum terræ, solis cælique orbem à vobis ipsis, non nobis, perturbari atque commisceri.

Quia verò ad cædes faciendas (unum enim hoc remedium solumque fulcrum ruiturae tyrannidis Antichristi videbatur, ut cum jure causæ non posset, vi metumque confirmaretur) parum æqui videbantur superi, parumque in mala causa præ-

fidi.

AD BELGAS.

Adij, movendus Acheron & evocanda ab inferis
Alecto quæpiam fuit. Itaque concitari primum
imperij vires in Ecclesiam placuit. Postea ubi
hac res successit, & in Anglia, Scotia, Gallia, tan-
demque & apud nos, ubi re ipsa cognitum est,
nihil profici supplicijs, verissimumque esse quod
quidam dixit: Cineres martyrum esse semen Ec-
clesiæ, publicè capta sunt arma.

Ceterum ne sic quidem vel hilo facilius esse
contra stimulum calcitrare, aut felicius omnia
arma sumi adversus Dominum armorum &
exercituum, tristissimi casus tyrannorum, qui
in hunc invictissimum Monarcham experiri vi-
res suas ausi, simul & calces & cornua sua per-
fregere, plus satis apertè declararunt: & ipse
dies Domini jamjam porro declarabit, qui ut
omnia occulta revelaturus est, sic & pseudo-
prophetarum blasphemias in jugulum fremen-
tibus gementibusque ipsis recoacturus, & du-
plum eis meritumque iræ suæ poculum prope-
diem misturus. Quoniam validus est Dominus, *Apo. 18*
qui jampridem damnavit eos.

Angantur itaque glorioso adventu Domini
nostri Iesu Christi, & ringantur, si libet, omnes
ranæ locustæque, dum & rumpantur: fremant,
dum gemant: screent atque exscreent quæ
possunt in Deum Christumque ejus convitia,
dum fleant ac defleant jam vilium ac putida-
rum mercium escarumque suarum justissimum

E iij

contem-

O R A T I O

contemptum atque fastidium, & meritas tandem
 contempti numinis, impugnati Euangelij, & illu-
 si confusi que orbis pœnas exsolvant. Corruere
 enim illos atque ire præcipites unà cum Baby-
 lone, quæ eos diravit, ebriaque sanguine sancto-
 rum meretrice, quæ seduxit, fascinavit ac dementi-
 ravit eos, decretum est signatumque divinitus.

Apo. 18

Verum, ut istos jam ad stagnum suum pu-
 reumque, vnde egressi sunt, remittam, vos mihi
 iterum appellandi obsecrandique estis, Belgæ, ut
 si verbera divina, quæ modò sentimus (sensuri
 magis, nisi cavemus) eorumque causæ verè no-
 bis dolent, ne cogitemus de fuga, nec vana qua-
 ramus effugia: sed confugiamus potius ad ipsum
 qui nos ferit, accidamus atque procidamus ad
 thronum immensæ gratiæ ac misericordiæ ejus
 vera cum animorum dejectione atque fide, di-
 gnosque pœnitentiæ fructus edamus. Et quem-
 admodum Deum nostrum hactenus impio ido-
 lorum cultu, stulto contemptu verbi, & injusta
 laniena populi sui in nostras pœnas provocavi-
 mus: ita jam hinc inde profligatione idolorum,
 & restitutione veri cultus ac doctrinæ, & pio in
 Ecclesiam ejusque ministros amore, inflamma-
 tam in nos iram Dei mitigare, ac dolorem no-
 strum veræ pœnitentiæ testem veris quoque pœ-
 nitentiæ Christianæ documentis demonstrare
 atque exprimere contendamus.

Luc. 3.

Hebr. 4.

Non dubiū autē, quin si his animis ad Deum
 nostrum

AD BELGAS.

nostrum venerimus, fida interpellatione Servatoris nostri Iesu Christi subnixi, non solum veniam à Patre clementissimo impetraturi, sed & impoſterum divinitus adverſus quaslibet minas Satane ac mundi certiſſima promiſſimaque auxilia habituri ſimus. *Rom. 8.*

Et quòd ad veniam quidem attinet, eam hac lege certò ſperabimus, ſi non deſperabimus: certò quoque conſequemur & aſſequemur, ſi ſequi eam bona fide, ac perſequi non ceſſabimus. Et enim ille immenſæ bonitatis atque clementiæ Deus Pater Domini noſtri Ieſu Chriſti, qui à limine miſericordiæ ſuæ neminem ſubmovert, imò verò, qui quosvis ad ſe peccatores invitat, *Matt. II* quiq; veros veræ poenitentiae ſtimulos electis ſuis ſubdit, ut poenitentiam non fictam agere queant, is nos quoque ad pedes divini benignitatis ſuæ provolutos minimè repellet. Et ſi nos malum cogitationum noſtrarum auferamus è conſpectu Domini Dei noſtri, lavemusque manus rapina & ſanguine plenas, cauſam innocentis, oppreſſi, viduæ & pupilli ſuſcipiamus: & exſtantia adhuc adhærentiaque rotis, poſtibus ac patibulis, ad fœdum indignumque ſpectaculum viſentium & eſcam alitum ferarumque, corpora ſanctorum martyrum piæ ſepulturæ mandemus cum ingenua veraque noſtræ crudelitatis triſtitia ac dolore, dubitare non oportet, neque diſputare adverſus Dominum: quin, ſi vel coceum vel *Eſa. I.* purpu-

ORATIO

Epist. 1.

purpurā rubedine vincant peccata nostra, ipsam
lanam nativam nivemque candidissimam per
gratiam Dei candore sint superatura.

Et si ergo ob oculos nobis versatur & nume-
rus & magnitudo miserationum & iniquitatum no-
strarum, quibus patientiam ac longanimitatem
divinam tam diu fatigavimus, quia tamen infi-
nitus, immensus inexhaustusque gratiæ illius
thesaurus est, quem superare numerus quamli-
bet ingens non potest, moderandus ita dolor
est, ne nos absorbeat ægrotudo, ne de gratia
desperantes exemplo Caini, Iudæ ac similiū, &
contumaciter accumulātes nobis iram Dei, rui-
nam nostram acceleremus: sed ut veram & sa-
lutarem resipiscentiam efficiat & fidem accen-
dat is, qui ad salutem deducit dolor, quem Deus

2. Cor. 7

ipse facit: cum ē contrario mundi dolor stimulis
diaboli mortem afferat. Remissa itaque peccata
nostra erant, si remissionem, non aut impie de-
sperādimus, aut repudiabimus arroganter.

De auxilio divino fidæque protectione cul-
torum ejus tum demum cogitandum nobis erit,
quum nos, quod nostrarum est partium, ipsi præ-
fiterimus. Nisi autem ad obsequium volueri-
mus ejus, & officium vocationis nostræ bona fide
simus comparati, non video, quomodo de auxi-
lio ejus tempestivo certoque certi esse possimus,
cujus consilium fidissimū saluberrimumque re-
pudiamus. Quò enim Deus vocat (vocat autem
ad glo-

AD BELGAS.

ad gloriam suam & salutem nostram) intrepide
alacriterque citra hæitationem, tergiversationē
ac respectationē per omnia impedimenta per-
rumpendum, sequendū, ac pede fausto pergen-
dum, siue æqua sit via, siue iniqua. Ipse enim, qui
vocat, dirigit & cōplanabit omnes vias nostras. *LUC. 13.*

Quamobrem commissa ipsi Domino Deo
omnipotenti, veraci, & soli sapienti eventus cu-
ra, ad repurgandum idololatrię templum ipsius
& restaurandum verum Dei cultum, Deo ipso
adjutore ac duce, accingamur & accedamus
cum certa boni exitus fiducia. Accersamus er-
go primū doctos, fidos piōsque ministros, quē
moribus ac doctrina sana rectē atque ordine do-
cendo faciendōque, Ecclesię fundamenta ja-
ciant, & cum sana doctrina verum sacramen-
torum usum ex institutione ac mandato Christi
ad regulam Scripturę demonstrent. Deinde ne
quid interim confusē ac perperam in iōsis ini-
tijs, quasiq̃ue primordijs Ecclesię, ad offendicu-
lum ignorantū fiat, ordinem aliquē ac politiam
ecclesiasticam seu disciplinā coercendis enormi-
bus vitijs ē scriptura, qualem ab apostolis acce-
pimus, aut saltem proximum ei instituamus.
Tum etiam avidos doctrinę nos ipsos, dociles
& obsequentes Christo atque euangelio redda-
mus. Sic etenim & domum Domini, id est, Ec-
clesiam edificabimus, & factiones & hæreses vi-
debimus facilius.

Ne

ORATIO

Mat. 20

Ne autem pudeat nos vel serò tandem, vel etiam undecima diei hora in sacrosanctam Domini vineam, non tam ad suscipiendum laborē ac molestias, quam ad percipiendum verum fructum & gaudia immortalia prodire. Sæpius nobis sit serò venire, quam non venire unquam. Quamquam ne serò quidē venturi sumus, si saltem venire serò, & intonantem auribus nostris verbi cœlestis tubam vel nunc tandem exaudire non detrectabimus. Non enim vel horarum, vel articulorum, vel etiam locorum ac spaciōrū, sed Domini Dei Patris & Servatoris Christi, qui nos invitat, est salus & vita nostra in cuius sanè rationibus primi pro ultimis, proque primis ultimi persæpè reputantur. Gratiæ enim suæ præmia, non temporum laborumque nostrorū precia suis adnumerat Dominus, cuius sunt omnia.

Ps. 2.

Properandum est ergo occurrendumque adventanti sponso. Maturandum figendumque pacis osculum clementissimo Principi ac Regi nostro Iesu Christo. Festinandum autem non ideò tantum, ne expeditam in nos ultionē, & jam sublatam virgā ejus ferream gladiumque extensum à cervicibus nostris avertamus, verum etiam ut voluntaria alacrique obedientia liberaliter ac libenter, ut filij, serviāmus, & gloriam demus Deo vivo, Patri & Redemptori nostro, cuius glorię tantum nati creatique sumus. Gratum enim Deo quidem est servorum suorum obsequium

AD BELGAS.

quum, & metus iræ ac vindictæ ipsius. Sed gratior, immò bis gratus est filiorum liberalis pudor, quem non tam metus supplicij, quàm amor officij conciliat. Duplici itaque jure ad placandum Deum accingi nos oportet: tum quia Dominus servorum potentissimus, tum quia Pater amantissimus filiorum suorum est: Iudex quidè & vindex rebellium atque fugitivorum servorum; at propicius, clemens & munificus remunerator fidelium liberorum, etiam eorum, qui post agnitæ errorum offensas ad Optimum Clementissimumq; Patrem confugere, quàm ad Satanam perfugere, malunt. Ejus ergo cultui gloriæque deditos nos esse par est tam promptè, quàm necessariò, cujus & servi sumus & filij. Cum enim solus ipse sit & Pater & Deus noster, & solus condiderit nos sine ope idolorum: sibi soli, non idolis: ad imaginem suam solius, non idolorum: nòs. Genes. 1. que post amissam hanc imaginem solus sola gratia per Christum unigenitum suum solum reconciliatos, & per Spiritum Sanctum solum in eandem, non aliam, imaginem regenitos denuò adoptaverit in filios & heredes, ad gloriam suam & salutem nostram: sitque per hæc tam redempti, quàm creati, tam regeniti, quàm facti hominis solus in solidum author, indignissimum profectò fuerit, vel præter ipsum, vel cum ipso, vel æmulum vel socium tantarum laudum ipsi surrogare conjungereque.

Quòd

ORATIO

Rom. 1. Quod si verò de cultu Dei nullum prorsus aliud in sacris literis testimonium exstaret, tamen meo quidē iudicio, vel sola hac ratio plus satis convictas captivasq; tenet conscientias nostras, redditura inexcusabiles coram Deo omnes vanorum iuminum adoratores, quod gloriam Dei creatoris ad res creatas impie sacrilegèque transtulerint.

Iam cum de debita veneratione Dei tam multa tamque illustria per totam consentientemq; scripturę seriem existent testimonia, quam ignorantiam nisi affectatam atque accersitam voluntario errori obstinataque impietati prætexam? **2. Cor. 4.** Nam de hac ita Paulus: Quod si rectum est, inquit, euangelium nostrum, ijs, qui pereunt, rectum est: in quibus Deus huius seculi excavit mentes, nempe infidelibus, ne resplendeat ipsis lumen euangelij. Ne recusemus ergo debitam meritamque gloriam reddere Deo nostro, qui indebitam immeritamque gratiã suam tribuere nobis non recusavit.

1. Tim. 5. Loquor autē vobis, Belgæ, cum singulis, tum universis. Singulis quidem, ut non modò templum suum unusquisque, hoc est, conscientiam suam, seque ipsum totum diligenter repurget, sibi que caveat ab idolis: verum etiam ut pro suis quisque dotibus, vocatione ac munere, ad gloriam Dei sui, ad incrementum Ecclesię Regni-que Christi Domini ad publicam cum totius hu-
mani

AD BELGAS.

mani generis, tum imprimis patrię salutem & incolumitatem conferat impendatque omne studium, opem, consilium, & se denique ipsum, si sit opus. Videant ergo Princeipes, proceres, rectores ac præsides populi, civitarum & provinciarum, quid hac in parte supremo Principi, Rectori, Præsidi que totius hujus universi Deo, quid item salutis subditorum suorum debeant, & quomodo fidem suam apud eum liberent.

Videant & Ecclesiastici, Præsules, Episcopi & Pastores, quid ab eorum fide Christus pastorum princeps, quid Ecclesiarum suarum numerosi greges, quid item nomina ipsa tituli que tam onerum quam honorum pleni deposcant. Nimirum ut, quemadmodum huc usque vel errore, vel studio partium, quæ non raro etiam bona ingenia abripuere, placere Romuleo idolo sategere, ita placare nunc verum Deum omni ope studio que contendant, ejusque cultum gloriamque inter homines restituere ac propagare laborent.

Vniuersis autem, ut de communi consilio ad exemplum optimi maximæque pij Regis Iosifæ & populi Israëliti, & præstantissimorum ducum Esdræ, Nehemiæ, & ceter. templum Dei ædificetis, & erroribus & superstitionibus repurgatis, vosque ad excipiendum æternum Regem, & Sponsum vestrum Iesum Christum sedulo, prout ipsius maiestate dignum est, comparetis.

Recipi

2. Re. 22

ORATIO

Isai. I.

Recipi autem ille nisi mundum nitidumque in thalamum nequaquam poterit. Quare mittendum spurcissimo Beliali, crudelissimo Abaddon, perfidissimoque draconi, atque audacissimo nequissimoque Antichristo confestim sineque tergiversatione repudij libellum censeo, & turbanda tollendaque è medio omnia spiritualis turpitudinis atque abominande cum eo consuetudinis & contaminationis vestigia: quando nulla societas Christo cum Beliale, neque templo Dei vivi cum mortuis simulachris esse potest.

2. Cor. 6

Nec me hoc loco commover, quod quibusdam fortè morosior parùmque civilis monitor videar, qui me hoc ipso contentum esse iubebunt, quod jam non solum à supplicijs innocentum beneficio pacis abstineantur manus, sed etiam pax & quies ipsis Ecclesijs renascentibus quibusdam in locis concessa sit. Namque equidem, qui nihil hic mea sed omnia Christi, Ecclesie & vestra, ô Belgæ, causa laboro, nullam hic calumniam aut convicium reformido, dum & vos & patriam universam incolumem & salvam Christo lucrifaciam. Fateor itaque ingens esse hoc Dei beneficium, quod post tantam prosequutionum tempestatem ac procellam, tamque densas ac diuturnas errorum tenebras lux tandè & serenitas affulserit Ecclesie Belgicæ, quodq; flammarum, vndarum, gladiorum terror à cervicibus Ecclesie Christi in ipsos Ecclesie patriæque crudeliss.

AD BELGAS.

delissimos adversarios conversus sit: eoque nomine Deo ingentes gratias deberi profiteor, qui sereno vultu suo tandem respexit populum Belgicum, jamque sibi ad majora munivit viam. Nam & hæc ipsa mutatio abstinentiæque à cede, quasi confessio quædam malæ causæ & injustæ Ianienæ non sine causa videri queat.

Sed sicut hoc est maximum procul dubio beneficium Dei nostri, ita & maximas ei gratias agere nos vicissim, & gratis animis oblatam gratiam amplecti, & divitias benignitatis & longanimitatis ejus non repudiare decet. Non enim, ut magnū est Deo, quod ad nos venerit conservandos, ita vicissim satis erit nobis, quod ipsum venientē ad nos non prohibeamus, nisi & ultrò amplectamur & osculemur filium ejus Christū, & regno ejus nos ac sceptrā nostra subjiciamus. Nec satis est Moysi & ducibus Israëlīs, concedere populo exitum ex Ægypto, & liberum religionis exercitium, nisi & ipsi præcedant in utroque, & exemplo suo viam sternant exæquentque populo. Quid enim magnum & laude dignum alioqui præstitissent David, Salomo, Iosias & alij reges, nisi quod ire populū jubebant, eodem & ipsi populo prævivissent? Vobis ergo eundem esse primis, Belgæ, principes, præsules & antistites, vel nomina vestra testantur: ut taceam interim, ad quid honorum & munerum vestrorum ratio fastigiumque vos Deo vestro Christoque tant

F

princi-

O R A T I O

principum, quàm sacerdotũ præsulũque Prin-
cipi ac Præsuli obstringat.

Hoc ergo vestrum est primum atque propriũ
munus. Vestra, vestra, inquam, hæc prima, præ-
clarissima, & imminenti periculo maxime ne-
cessaria, & salutaris cura. Vester hic labor, Bel-
gæ, vestrum hoc opus, vestra provincia est, de-
bita Deo ac vestrę totiusque patrię periclitantis
incolũ nitati : quam non alijs delegare, neque
ab alijs expectare, sed ipsimet suscipere perficereque
gnaviter debetis : siquidem averfam à
vobis ipsis, à liberis & conjugibus, & ab univer-
sa patria gravissimam præque omnibus terrori-
bus maxime terribilem iram Dei cupitis. Ecce
jam nunc tempus salutis oblatũ monstratumque
divinitus, obvijs ulnis amplectendum prensan-
dumque manibus pedibusque, atque omni conatu.

Hodie ergo, hodie, ó Belgæ (non enim pro-
crastinare præcipitem salutis occasionem peritu-
ris licet, quam frustra postea sperabimus, si mo-
do spreverimus) si vocem ejus audierimus, ne
obduremus corda nostra. Ne obturemus aures,
néve obnubilemus oculos nostros fallacibus Si-
renum voluptatumque vocib. aut vanis sophi-
starum præstigijs ac fumis, quò minus & vocem
Domini clamantis audiamus, & illucescentem
nobis iusticię solem aspiciamus: ne & ipse vicis-
sim pereuntibus nobis seroque vociferantibus
obstruat aures avertatque oculos suos.

Sed

AD BELGAS.

Sed sentio, planèque intelligo, nonnullis vestrum ad tam præclaram prorsusque necessariam provinciâ capescendâ impedimento esse vanum quendâ, neq; satis exploratû, ne dicam stultum, metû offendendi regis, si quid absente ipso, & (ut credibile est) invito, in religionem, quam pro catholica ipse habet, tentare novarèque ausi fuerimus. Equidem, si in præsentia de majestate aut jure aliquo ipsius Regis ageretur, de quo absente inconsultòque ipso constitui nihil posset, & in quo publica salus minimè verteretur, non modò non suaderè, sed omni etiâ studio dissuaderè, ne quid in fraudè præjudiciûq; regis committeretur. Scio enim, & ex animo agnosco, hæc principem esse curâ principum, ut ad verum Dei cultum institui populum, & collapsum eum restitui populo satagant. Scio & honorem & obedientiâ imprimis magistratui deberi: tum etiâ vestigal, tributû ac similia: eaq; quoad vivam, magistratû meo lubès gaudensq; præsto ac præstabo.

Et testes erunt mihi locupletissimi, civitates, populi, & regna, quæ Dei benignitate jam restaurârunt, unâ cum collapsa magistratus doctrina, & veritatem Evangelij: reformârunt Ecclesias, & germanum sacramentorum, disciplinæ cultûsque divini usum, quàm piè sanctèque ibi colatur Magistratus, ubi hæc doctrina recepta est publicè: ubi à Magistratus imperio nulla populi Christiani pars ullo prorsus

Obiectio.

*Regis in
Ecclesia
auctoritas*

F ij

prætextus

ORATIO

Rom. 13. prae-textu conditionis, muneris aut ordinis subducere se auder: sed, juxta Apostolicam doctrinam, quævis anima potestati supereminenti, tanquam Dei ordinationi, non tam metu ac necessitare, quam libenter & amore ordinationis Dei, propter conscientiam subjecta est. Quin etiam ipsis magistratibus nostris hanc laudem merito tribuo, quod ex eadem hac doctrina ita moderari sub Deo supremo Principe potestatis ab eo acceptæ habenas didicere, ut, quemadmodum norunt, nec imperia sua nec obedientiam populi ulterius, quam ad aras usque, pertinere, ita & se & sceptræ suæ unâ eum subditis omnipotenti Deo ac Monarchæ omnium, per quem regnare se credunt, subicere non graventur.

Coloss. 2. At hic, quia de jure ac majestate summi illius Regis agitur, qui est caput omnis principatus ac
Dan. 2. potestatis, qui confert ac transfert, quocunque vult, imperia: & quia ab hac deliberatione dependet salus publica, quæ secundum jurisconsultos suprema lex est, & si moram fecerimus,
Lex 12. excidium patriæ præsens, optima deliberandi faciendiq; ratio erit, quæ divina majestate dignissima, publicæque saluti tutissima fuerit.
tabulari
Cicer. de legibus.

Et si verò maximopere optandum esset, ut ipsum Regem præsentem, atque, si fieri posset, quod ne sperari quidem licet modò, ceu Iosiam aut Ezechiam aliquem præeuntem populo suo in re tanti momenti, & ad primâ Regum curam
haur

AD BELGAS.

haud dubiè pertinente haberemus: quia tamen,
ut prima eà cura est principis, conservare & re-
staurare cultum Dei sui, sic vicissim solius prin-
cipis non est, sed & totius populi in universum
publicè, & singulorum privatim inque commu-
ne, pro vocatione cuiusq;, agite videamus, quod
hic sit populi munus abiente vel etiam cessante
principe. Et quoniam in nostro principe, quod
ad restaurandam Evangelij doctrinam ac red-
dendam Deo gloriam attinet, in presentia opta-
re id magis, quàm sperare possumus, cum ob
alias, tum ob hanc maximè causam, quòd ille po-
testatis penèque mancipij alieni, & quodammo-
do alienò in regno tantum non captivus pro li-
bidine publicorum Dei & generis humani ho-
stium, ne aspirare quidem ad libertatè veri prin-
cipis, nedum de tanta re deliberare ac statuere no-
biscum possit, frustra id principem nostrum ex-
spectabimus nunc, quod nobis universis in j-
ctum divinitus differre non licet amplius, quod-
que ipsum ne prestare quidem posse, ut maximè
velit, & nec velle omnino, ut fortè possit, nemo
omnium ignorat.

Enimverò illud, quæso, mecum unusquisque
vestrùm expendat, si vel Iosif, vel Davidi simi-
lem & repente, non quasi loto aliqua gustata,
sed coelesti quadam divini Spiritus aura, & præ-
sentis Christi splendore ac fulgore mutatum ac
transformatum regem haberemus, quid tamen

48. 9.

F iij

ab eo

ORATIO

ab eo sperandum putemus, qui non sui, sed hostium publicorum, juris & mancipij, eorum stimulis ac furijs agitatus in proprium unicumque filium innocentem, regia atque heroica indole juvenem, tot tantorumque regnorum spem certam, nostrumque Principem, confecto crimine scire contra naturam patris coactus est: quod Belgicis injurijs ac cedibus, quae jam tum parabantur contra praeterea erant, gravius indoluisse visus esset.

Et ut uno verbo libere ingenuaque tandem, quod res est, fateamur, nec falsa spei imagine nos ludificemus ipsi, quid (inquam) aut veri auxilij, aut sani consilij, aut bonae unquam spei de hoc rege nobis pollicebimur, qui jam & pactorum omnium, & iuramentorum tam solennium, & officij sui regalis, & nostrae majorumque nostrorum perpetuae fidei, obedientiae, patientiae ac meritum omnium prorsus oblitus, nullo non conatu ac summo pertinacissime theomachiae suae periodum compendiosa totius Belgij internecione absolvere contendit? Quam clementiam expectemus ab eo, cujus in consilijs soli regnant impij illi & immanes Busrides ac Sylvani, nil nisi compendia caedum, flumina sanguinis, interneciones populorum, & imprimis Belgarum, somniantes: quorum facibus funestis incensus rex, quasi una in pyra universam gentem nomenque nostrum concremare ac perdere, quam vel vngue latum de furore precipiti remittere mavult? Quid autem queritis, o miserissimi

AD BELGAS.

fermi Belgæ, quid non speranda speratis? quid, rebus ipsis contra clamantibus, fictæ clementiæ fallaces umbras persequimini? Aperite saltē oculos auresque, abijcite fascinum. Detrahite personam tyranno, quam jam tandem & ipse post tot iudificationes detractā sibi projecit palam, dum vos apertq. Marte idē perdere ac jugulare universos constituit, quod ipsi, ne simul mutuis ictibus vosmetipsos perderetis, & carnificum suorum ensibus jugalaremini, funestissimo bello civili finem tandem imponere non tam ausi voluntario, quam necessario coacti estis. Tanto, videlicet, crimini apud Regem suum Belgis est, quod necessariam pacem bello intestino atque internecino præferentes, vitæ & salutis sue sine rege consulere, quam immanissimarum ferarum ritu in mutuas caedes ruendo perire, ac iugulari universi sub rege, à rege, & fortē etiam cum rege ipso, maluerint.

Quamobrē ne, quæ ad gloriam Dei, ad salutē nostrā, patriæque universæ incolumitatē pertinent, quæque nostri & juris & muneris sunt, & à fide nostra patria ipsa suppliciter edita voce atque comploratione requirit, ea stultē ab Hispaniis expectemus, ubi nil, nisi caedes & exitia, boletas & aconita odijs plus quam novercalibus parari nobis, heu nimium sanē diu, nimiumque certō (utinam autem minore cum clade nostra) jam ante hac didicimus.

F. iij

Ergo

ORATIO

Ergo ab ista noverca, cuius ira fervens, odium flagrans, gratia fallax, os linguaque mendax est, ad clementissimum Principem, optimum indulgentissimumque Patrem, solum vere Optimum Maximumque Deum spe animisque conversi, debitos ei honores dignumque maiestate eius cultum exhibentes, consulamus saluti ac paci publicæ, memores tam vocationis, quam creationis nostræ.

Quod si a colendo Deo vero ac vivo universa etiam mundi potentia, zelus & furor impius ad impios factitiorum deorum atque idolorum cultus avocare nos velit: terreri nos tamen illo metu, quò minus memores beneficiorum Dei & nostri vicissim officij, plus Deo, quam hominibus, obsequij præstemus, minimè æquum erit. Nam cum omne piorum hominum munus decalogo comprehensum, in duas sit partes, cœu tabulas, distinctum, quarum priore Dei cultus, altera proximi, id est, hominum cōtinetur: prior cura Deo colendo, posterior hominibus, inter quos sunt & principes, debetur. Verum tanto hæc intervallo post illam, quanto Deus immortalis universa mortalium stirpe major præstantiorque est: hoc est, quanto divina, sempiterna, immensa atque incōprehensa Majestas, misello, caduco exiguoque homuncionum numero, pulvere ac putredine terræ excellentior, magnificēior, augustiorque in operibus manuum suarum conspicitur.

Porro

AD BELGAS.

Porro hujus æterni Principis æternam legem
cedere placitis edictisque mortalium principū,
hoc est, miserorum hominuncionum commentis,
indignissima n̄ sanè fuerit. Cum autem æter-
næ legis Dei præcipuum caput sit cultus ejus,
merito & suprema lex erit, ad cujus observatio-
nem nihilominus, & ut verum dicam, teste Scri-
ptura, magis etiam reges ac principes, quàm sub-
jecti, sempiterna & indissolubili lege ligati sunt.

Sed enim & Iurisperiti locupletes authores
sunt, contra naturam rationemque ipsam esse, ut
legem divinam abrogent edicta placitaque prin-
cipum: vel, ut rectè illi loquuntur, servus tollat
legē domini sui. Idem colligunt ex para. tempe-
stium. l. Ille. a quo. ff. ad Senat. Trebell. legem
superioris ab inferiore tolli non posse. Quod
adeo verum esse dicunt, ut ne in parem quidem
par habeat potestatem, nisi alter alterius jurisdic-
tioni sese ultrò subjecerit. Hoc autem de
Deo, qui solus dat, non accipit imperia, neque
in hominum concedit jurisdictionem, dici, nisi
impie, non potest.

Ante omnia ergo venerāndus, invocandus ad-
orandusque est Deus, creator omnium, Rex
regum, Princeps principum, Dominus dominan-
tium: qui ut filijs hominum terram attribuit, &
regna mundi distribuit, ita sibi & cœlos in thro-
num, & terram in scabellum pedum, & omnium
imperatorum principatū soli reservavit. Maneant

F V

itaque

Psalm. 2.

&c.

Glos. in l.

ad hac. C

de usuris

Ibidem.

Psalm. 72

& nō.

ORATIO

itaque animis infixæ nostris salutare illæ veræ
 que catholice regulæ, quas quæ convellit, catho-
 lica esse Ecclesia non potest: Deum tuum adora-
 bis, ei quæ soli servies. Non habebis Deos alie-
 nos. Non facies tibi sculptile, neque ullam ima-
 ginem. Non adorabis eas neque coles. Et hæc:
 Date quæ sunt Cæsaris, Cæsari: & quæ Dei, Deo.
 Item: Oportet Deo magis obedire, quàm homi-
 nibus. Quibus efficitur, neque liberum neque li-
 citum esse populo Christiano, remittere vel omit-
 tere Dei sui cultum, aut metu, aut reverentia ho-
 minum principumve suorum, vel ullius omni-
 no angeli aut rei creatæ. Et, principibus quidem
 alacrem promptamque obedientiam honorè, cen-
 sum, tributum, vestigal & reliqua id genus deberi:
 obsequia autem impia, contraria gloriæ Dei, cui pri-
 ma quæquæ, vel potius, cui omnia debemus, non
 deberi. Nam cum ad ejus gloriâ totum mortaliu ge-
 nus conditum sit, eo quæ tam principes, quàm subditi fa-
 cti ac vocati sint: & principes quidem populi, non
 autem populi principum, causa instituti divinitus, sa-
 crilega erit illa vel obediencia vel reverentia, neque
 minus regibus ac populo perniciofa, quæ ad gratiam
 obsequiumque mortalis hominis frangat spoliaturque
 Deum æternum æterno cultu & honore suo. Nam
 Deus, qui solus imperium tenet æternum & infinitum,
 tam regum potentiam, quàm populi obedientiam certis
 legum finibus limitavit: & certam tam illis do-
 minandi, quàm his parendi metam præfixit: neque, ut
 gloriæ

AD BELGAS.

gloriæ ipsius & publicæ salutis serviant utrique.
Cum autem hos terminos constituerit utrisque,
apparet tam obediētia, quam imperij illic fines
esse oportere, ubi gloria Dei, & populi cōservatio
vertitur: ultra quos egredi nefas est utrisque.

Vbi ergo princeps muneris sui nominisq; me-
mor ad honorandum Deum suum impigrè præit
populo; magna fanè felicitatis reipublicæ pars
existimāndus, & dilecta Deo procul dubio ea res-
publica judicāda est, cui tam insigne ac rarum di-
vinitus contigerit bonum. Talis verò princeps,
ut pastor populi, patriæ parēs, alumnus Ecclesiæ,
& verus Dei minister, ac publicæ salutis admini-
ster, juris legumq; custos, impietatis, tyrānidis
ac scelerum vindex, omni amore honoreq; di-
gnus (idque duplici de causa: tum quia princeps
est, & Dei minister: tum quia pius princeps, &
gloriæ Dei & salutis populi sui administer) pia
haud dubie promptaq; obediētia ad omnia non
impia obsequia ministeriaque sequendus erit.

At ubi oblitus officij princeps vel cessat, vel
etiā a Deo populum abducit, & p Deo idolum,
pro religione superstitionem tyrannicè obtrudit
populo: & insuper Ecclesiam Dei vastare, macta-
re perdereque, quasi immanis draco, publicè con-
tendit: meminerit quisq; tam tristi tempore Ec-
clesiæ talem tempestatē, vel ad exercendum ac-
cendendū nōq; pietatis studium, vel ad plecten-
dā negligētiā ac frigus odiumque veritatis:
ab ipso

.2 ORATIO

ab ipso Deo concitatam esse. Interea cogitet, ad quid potissimum Deo, ad quid item Ecclesiae ac patriae sit obstrictus. Sciat sibi fas non esse, non colore Deum, non profiteri foedus, non adesse atque adherere Ecclesiae omnium matri. Si enim ejusmodi procella, vel ad accendendum studium, vel ad puniendum odium pietatis, commota est, dubium non est, quin saevior etiam tempestas adortura obrutaque fluctibus nos sit, si quid ignaviae ac desidia temporis dederimus: & nisi omni fide ac studio, velis remisque in portum salutis atque gratiae divinae periclitantem Ecclesiae navem impellimus.

Meminerit populus universus, nec liberum, nec integrum tutumque sibi esse, honorem summi Principis sui metu ac reverentia mortalis homuncionis (quosunque tandem gerat ille titulos) abjicere, vel abjectum non resumere, aut publicam Ecclesiae patriaeque salutem prodere.

Meminerint proceres ac principes populi, civitates, municipia, universitates, & quotquot ordinem in republica ducunt, ac magistratum gerunt, se quoque gladium publicum non frustra gerere: ut, scilicet, neglectum & projectum Dei sui cultum & interitum populi secure atque ociose despiciant: sed credant & se esse ministros Dei, os & manum regis, duces ac defensores populi, vindices tyrannidis ac seditionum, custodes legum ac disciplinae, qui & ipsi gladium ad defensionem

2em. 13.

3. Pet. 2.

AD BELGAS.

honorem bonorum & vindictam malorum tenent.

Memineritis & vos Præsules, Episcopi, Abbates, & quotquot Ecclesiastici ordinis estis antistites, muneris & titulorum vestrorum, quibus, propter dolor, etiam abusi sumus hactenus, non tamen frustra ab initio insignitos vos esse certissimum est. Cogitate & respicite per omnes amplissimarum dioceseon vestrarum regiones, quid à vestra fide & autoritate expectent tot ecclesiarum curæ vestre commissarum numerosissimi greges, qui pabuli coelestis, cuius jam gustum perceperunt, ardenti desiderio, copiam una voce à vobis supplices exposcunt. Scitote jam hoc ipsum esse tempus, quo, quod multis in regnis ac provincijs paulò antè, hac eadem in causa, in viris Ecclesiasticis extortum est, id nunc bonitate Dei, & pietate ac modestia populi Belgici vos vestri beneficij facere possitis: & quod recusarum alijs dedecoris & excidij causa fuit, idem vobis, amplissimi præsules, prestitum populo labentis & occiduae dignitatis atque incolumitatis vestre confirmationem ac certitudinem vicissim prestare queat. Quod si ergo unquam vera fuisse putatis hierarchiae vestrae axiomata illa, quibus à brachij secularis potestate jurisdictiones vestras spirituales huc usque subduxistis, nunquam certe verius esse poterit (quod tamen verissimum semper fuit eritque, dum erit veritas ipsa) quam hodie inter Belgas illud: Pastoribus
& Epi-

ORATIO

Mat. 10 & Episcopis Christianis curandum & pascen-
et. dum verbo Dei esse gregem Christi, non solum
 volentibus ac iubentibus, verum etiā (ubi sic Deo
 visum fuerit probare suorum fidem & constantiā)
 invitis ac tumultuantibus inferorum portis.

Quamquam ne illud quidem negligendum
 vobis, o boni, quod sicuti semper frustra, ne di-
 cam fuit, quæsitum est: an fas licitumque sit il-
 lud, quod est necessariū & inviolabile imperiū
 Dei: sic nobis id hodie eò minùs requirendum
 esse, quod ea modò inter nos paciſque ac salutis
 nostræ hostes iacta sit alea, ut nobis per ipsos
 quidē æquē, ne dicam magis, dare gloriā Deo no-
 stro, quā non dare jugulum licitorib. ipsorum, li-
 ceat. Neq; enim credibile est, rebus ipsis recla-
 mantibus, magis religioni, quā vitæ nostræ in-
 festos esse istos, quibus non minùs tollere nos
 ipsos, quā thesauros nostros propositū est, quo-
 rum vacuum desertamque possessionem quò
 minis jamdiu invaserint, magis vitam virēſque
 nostras, quā religionem obstitisse norunt.

Ad hæc tenendum & illud: Imperia primū
Prez. 8. Dei esse, per quem reges regnant, & superbi de
l. 1. ff. de sede deturbantur: deinde & populi, qui publi-
constit. eos falces & maiestatem suam principi, & in prin-
princip. cipem contulit: idque non solū in maximo illo
Fr. Hoto Romanorū imperio, sed & in alijs bene consti-
manni tutis rebus publicis verū est. Nā immoderatas &
Fræcog. legibus solutas dominationes, ubi principatus
Prossard. rapti

AD BELGAS.

capti captique potius, quā dati & accepti fuerūt, *Phil. Bo*
 (cujusmodi olim Persica, hodie Turcica imperia *roaldus.*
 videmus) tandemque in tyrannides apertas eva- *& c.*
 serunt, non moror. Cū enim, ut jam dictū est,
 imperiū suū in eos populus contulerit, & ipsi
 legibus vivant, non propriā, sed publicā pote- *L. digna*
 statem gerere ipsos: neq; tam dominos populi, *vox. Cdo*
 quā Dei & reipublicæ ministros esse manifestū *legibus.*
 est. Qua de causa & additi summis imperijs sem- *Rom. 15.*
 per fuere minores magistratus, ac senatus princi-
 pum, non solum iuvandæ, sed & frenandæ pote-
 statis (si fortē ad tyrannidē aspiraret) causa, tradi-
 tāq; non minū imperandi, quā parendi leges.

Certē extra controversiā est, & in imperio Ro-
 mano, cuius hodie dignitas apud Germanos est, *Latvina*
 Cēsare: & in nostra Belgica principē, nō nisi cer- *trouus.*
 tis conditionibus, legibus, privilegijs, ac principū
 ordinumq; senatu circumscriptā potestātē te-
 nere: ut multis testimonijs pactorum & exēplis
 rerū ostendi potest. Adeoque hic mutua est obli- *De feud.*
 gatio inter principem & subditos, mutuumque *lib. 2. de*
 perduellionis (vel, ut leges loquuntur, felonix) *forma fia*
 crimen: ut non tantū Imperator Imperij, & Rex *del.*
 regni, primus sit cliens, verum etiā propter deli- *lib. 2. de*
 cta sua tum Imperatores tum Reges loco mo- *feu, quas*
 tos, & in ordinē redactos testentur annales. Et si *lit. dom.*
 autem in principes suos exorbitātes mitius con- *prop. feu*
 suluerint majores nostri, jus tamen suū adver- *di. pri. &*
 sus eos non uno sanē exemplo persequuti sunt. *alibi.*

Quod

ORATIO

Quod autem ad nostrum modò principem
attinet, planè invitus dico, invitus credo, nec lu-
bens audio, quòd jam res ipsa, & tantus in no-
strum exitium armorum apparatus, ad perden-
dum, quicquid superioribus calamitatibus in Bel-
gio adhuc superest, comparatus non tam ædita
voce, quàm rebus, hoc est, ferro & flammis, me-
dio in Belgio grassando, vociferantur. Hæc &
credere nos, & audire, & videre & vociferari co-
gunt vicissim, atque implorare alienam opem
adversus proprium non jam principem, sed per-
niciem ac pestem nostram, quique tempore tam
tristi nos non solum prodit deditque hostibus,
verum etiã perdit mactatque cum hostibus, ceu
rabida fera proprium corpus. Sed quid nì tan-
dem, ô Belgæ, talem accipitis leonem, qualem
ipse nò solum publicis edictis, sed & rebus tam
apertis à vobis æstimari se jubet, remissis ad in-
ternecionẽ omnium sævissimis ac perfidissimis
latronibus, in quos ob perpetratas hinc cedes &
infinita flagitia animadversurum se falsò pro-
miserat. His cum priores lanienæ atque rapi-
næ nunc sint, ut omnes videris, authoramẽta no-
væ militiæ, atque exitij totius nominis Belgici,
dicendum ne, aut omnino credendum, fieri hæc
vel nescio, vel invito rege? Verum nesciat hæc
rex, & fiant (si placet) nolente ipso, quæ faciunt
adversarij. An vel sic sperare unquam justio-
rem actionũ ac defensionis nostræ occasionem
possu-

AD BELGAS.

possumus? Defendemus enim tam illius, quam nostram causam in communē hostem Sed videt ille haud dubie probatque, quæ patimur: & interim dum patimur, dum consumimur, dum opem ab ipso frustra imploramus, ipse se, ceu Sardanapalus aut Heliogabalus quispiā, abdens in ultima Hesperia inter scortorum lenonumque greges, surdas & furiarū sycophantarumque calumnijs obseptas aures à clamoribus & ejulatibus afflictæ oppresseque reipublicæ avertit, precesque nostras ac libellos supplices Sylvanis carnificibus laniandos, non legendos tradit. Ut verbo dicam, ita jam se nobis patefacit, ut qui hactenus nihil non malè, jam illud unum optimè in Belgas consuluerit, quod larvam ac personam clementiæ invito à nobis afflictam palam tandem projecerit, cui si vel oculos nostros effossos unà cum opibus ac patrimonio dederimus, quin tamen rebelles & ultima quæque cōmeriti ei videamur, nullo unquam obsequio conseqnemur. Nisi ergo causam ipsi nostram damnamus, quo jure nos in tanta tamque necessaria causa retineri ab eo, tamquam principe, patiemur, cui nulli in re (siquidem salvi esse cupiamus) subditi esse possumus?

Verum illa scrupulosius investigare modò, hujus instituti non est, ubi non de redigendo in ordinem Rege nostro (nisi se ipse in tyrannorum ordinem fatumque præcipiet) quem secun-

G

dum

O R A T I O

dum Deum obsequio colere, non cogere Imperio volumus: sed de non cogendo in ordinem ac pulvinaria deastrorum idolorumque Domino Deo nostro, deque salute, pace atque incolunitate reipublicæ deliberatur: quæ consultatio sicuti cum Rege præsentē rectē atque ordine, sic sine eo, vel absente, vel ægrotante, vel alienæ tyrannidi subiecto, piē ac necessariō suscipietur.

Valeant ergo insipida putidaque quorundam malē feriatorum deliria, qui ita infinitē unius dominatui immodico subiectum universum Belgicæ reipublicæ corpus imaginantur, ut nihil valeant leges & pacta conventa juratæque: ut omne discrimen singulorum atque universorum, cædonum & procerum, idiotarum & principum, plebis & populi, prorsus confundatur. Faceessant atque evanescant vanissima, ignavissima, ingrata in Deum, inimica patriæ ac salutē publicæ somnia delicatōrum istorum ollæ & aulæ, ventris atque inguinis mancipiorum, qui invitē legibus & ratione, omnia liberrimi populi iura, & commoda fisco, vel potius, delicijs mensisque principis: hoc est, libidinibus ac voluptatibus suis, ita mancipant, ut ne in summo quidem patriæ ac religionis discrimine idē populo universo ad avertendam publicā perniciem concedant, quod etiā servis in dominos leges permittūt: & juxta proverbium, misceri incendio terram, fractumque illabi orbē totius mundi, quàm de voluptati-

AD BELGAS.

ptatibus, delicijs ac libidinibus suis vel tantillum decideri malint. Nou enim hic privatam rem agimus, in qua sanè singuli à magistratu affecti injuria, vel tractati inclementer, pia patientia possidebimus animas nostras, neq; ordinē politicū turbabimus: sed de colendo Deo summo Principe, & restringendo publico patrię totius incendio, avertendaque à nostris cervicibus ira Dei in comune consultamus, cui tam necessarię consultationi preponi dominatum injustum unius vel paucorum hominum indignissimum profectò ac miserrimum fuerit.

Iam si ne ipsi quidem aulicarum deliciarum patroni æquum, aut omninò ferendum esse putabunt, ut dignitatem & jura sui principis, libidini præfecti cujuspiā in fraudem principis condonent subditi, quantò iniquius indigniusque fuerit, nos tanti Monarchę majestatem, cui adorandę peræquē princeps ipse ac populus devinctus est, libidini, sævitie, vel inscitie hominis, quamvis eximij, gratificari?

Adde, quòd omnia ad remorandam piam hanc curam obstacula, si rectè examinentur, nò tam Regis nostri justa liberaque autoritate, quàm Hispanorum & totius noviti; ac inquisitionis Hispanicę sacerdotij (quorum superstitioni præstigijsque ac tyrannidi devotus & planè mancipatus Rex vel fascinatut, vel obtorto collo abripitur in istorū laqueos) commentis,

G ij

fraudi-

ORATIO

fraudibus, calumnijs, consilijsque funestis huc
 usque nituntur. Atqui horum injusta, impia, ex-
 lex atque usurpata tyrannis nihilo magis ju-
 stiúsque nos astringit ad eam, quæ legitimo ma-
 gistratui debetur, obedientiam, quam vicinos no-
 stros, Helvetios, Svecos, Danos ac Britannos,
 qui nō sine summa & Dei & sua laude à super-
 bo & orbi Christiano exitiali, & posthac intole-
 rabili iugo papatus in pristinam libertatem Ec-
 clesias suas asseruerunt. Hispanorum autem ut
 injustam violentamque dominationē ac vexa-
 tionem divinis auxilijs jure tandem excussimus,
 sic impium & inimicum assensum stultè requi-
 remus: quippe quos omnis pietatis expertes, re-
 ligionis inanes, juris legumque nostrarum vio-
 latores superbissimos, & pudoris omnis ac sen-
 sus humani oblitos expilare scrinia nostra, fe-
 rirē jugulos, violare virgines & conjuges, quàm
 repurgare templa, conservare patriam, & vindi-
 care pudicitiam virginum, juvenum ac matro-
 narum nostrarum malle certum est.

Proinde iusta hæc religionis cura erit, quia pia:
 licita, quia necessaria. Pia verò & simul necessa-
 ria nemini non pio videbitur, quæ pro gloria
 Dei nostri, & salutē charissimæ patriæ jussu Im-
 perioque ejusdem Dei, propē edita voce ac plo-
 ratu periclitantis patriæ & Ecclesiæ nobis publi-
 cè injungitur. Harum autem miserari calamita-
 tem, & illius venerari majestatem, atque ad præ-
 scriptum

AD BELGAS.

Scriptum verbi cœlestis salutis paciꝛue publicæ
consulere, cum qua nostra omnium, atque adeo
(si sciret) ipsius Regis salus ac dignitas verè cõ-
iuncta est, id non ledere, sed servare: non mi-
nuere, sed augustam reddere: non violare, sed
vindicare est publicæ potestatis maiestatem.

Omissis ergo stultis quæstionibus, sequamur
vocem & insignia ejus, cujus consilia repudiare,
& imperio morem non gerere, verè maiestatem
est ledere, certumque rebellionis crimen admit-
tere: qui ut contemptum sui gravissimè ulcisci,

Deut. 28

Exo. 20

sic & cultum & obedientiam mille in genera-
tiones gratia sua prosequi se velle affirmat.
Quod quò melius majorèque cum fructu facere
ac perficere possimus, ne consilium capiamus
cum carne, nec etiam cum spiritibus impostori-
bus seductoribus atq; immundis, qui quicquid
simulent ac dissimulent, dicunt tamen in corde
suo: Non est Deus. Audiamus autem illum, cu-
jus tuta salubriaque magis sunt, quàm mollia
blandaque prima fronte consilia. Dedamus nos
illi totos, & citra hæsitationem soli serviamus ei,
qui ad adorandum se solum omnes vocat.

Galat. 2.

Psalm. 14.

Luce 9.

Neque reformidemus eventum, quasi ad tu-
tandos cultores suos aut in dextera Dei robur
non sit, aut in providentia consilium, aut in vo-
luntate benevolentia. Qui si stabit à nobis, (sta-
bit autem, si filium ipsius Iesum Christum Re-
gem nostrum verè serenissimum osculabimur,

Rom. 8.

Psalm. 2

G iij

eiꝛue

ORATIO

Deut. II.
28.

eiſque bona fide ſerviemus) quas aut mundi vi-
res, aut artes Antichriſti nobis extimeſcendas pu-
ramus? Nam ad Hiſpanos quod attinet (qui,
quod hoſpitiſ quoque teſſerâ apud ſuos hîc pri-
dem fregerunt, perquàm paucis non exſecrabi-
les ſunt, hodie, opinor) eos, quomodo noſiſſi,
irato nobis Deo, ignavia noſtra hætenus in no-
ſtra viſcera feroces potiùs, quàm fortes, fecerimus:
utpote gentē in ſubjectos, inermes jacētēſq; ma-
gis ſervam atq; terribilē, quàm fortē ac ſtrennuā
adverſus ſtantes, armatos ac repugnātes, cū varia
fortuna noſtra tū Hollandia Zelandiæque, & præ-
ceteris Harlemiani, Alcmariani Leidaniq; muri
fortiùs ſanè deſenſi, quàm oppugnati, teſtabuntur.

Et nos, ſi poſthac dicto audientes fuerimus
Deo, cuius potenti dextera tam gravi modò ju-
go levati ſumus, ejusque ductum ſequentes vi-
ros nos in bona cauſa præſtiterimus, intelli-
gemus, non tam fortitudine iſtorum, quàm igna-
via ac timiditate noſtra nos ad hunc uſque diem
ſuccubuiſſe. Videbimus ſæviorem, quàm ſa-
niores, majoribus odijs, quàm viribus, hunc ho-
ſtem bella gerere. Sentiemus, & ſentient iſſi:
ſentiet & orbis Chriſtianus id, quod res eſt, nos
hætenus non iſtorum virtute, non armis ac vi-
ribus Hiſpanicis ſed manu ultrice, & iudicio di-
vino aſſictos eſſe: eamque ad rem iſtos nil niſi
virgā furoris zeliq; divini fuiſſe, ad puniendā
rebellionem noſtram contra Deum noſtrum,

non

Eſa. 10.
Ecce.

AD BELGAS.

non contra istos atheos, quibus nullo parendi jure unquam obnoxij fuimus, commissam.

Denique sentient ipsi, adjuvante Deo, & agnoscere cogentur Hispani (quandoquidem jam iterum in nos majore, quàm unquã, aviditate sanguinis & prædæ Belgicæ præcipites, & stimulatî cum suis tum Romani Pontificis Erynnibus denudò terribili cum apparatu, ad violandam religionem, vel potius ad diripiendas fortunas nostras, ad stuprandas virgines, cædēsque faciendas, cæca rabie furorēque in nos involârunt) Belgis ut ante hunc diem consilium auxiliumque divinum defuerit, non defuturum posthac: sed revicturam, propicio Deo, & jam quodammodo revixisse ac reviguisse quoque veterem illam & antiquis etiam monumentis celebratā fortitudinē bellicā. Atq; hoc minùs abfuturā reconciliat̃ opem, manumque adjutricē Dei, Domini armorū omniū, quòd jam seriò puniendis illis, qui adversus Christū nimiū diu atq; insolenter erexere trophæa, & baculo suo ac fortitudini sacrificavere, sese divina comparavit ira. Vnum illud etiã atq; etiã cavendū accinctis, ne, quorū arma virēsque possumus non metuere, in eorū fraudes insidiasque incauti incurramus.

Has autem quò tutius ac felicius evitare possimus, resumendā nobis atque imitandā imprimis majorum nostrorum virtutē judico, neque detrectanda ipsis militiæ munera, nec refugiēda

G iij

pericula

ORATIO

pericula pro Christo & patria: neque porro committendam peregrino ac mercenario militi salutem patriæ. Etsi enim meritò gratias agere immortales debemus illustrissimis principibus, quorum fida & necessaria ope tempore nostro tam necessariò promptissimè adjuvamus, tamen hoc magis nobis pro nostris focis & aris, pro liberis & conjugibus, pro tectis ac solo patriæ alacriter promteque dimicandū erit, quò plus à nostra fide requirit propria patria, quàm à peregrinorū auxilijs aliena. Multiplex enim experientia tam nos, quàm vicinos nostros Gallos penè omnibus in conflictibus edocuit (quod contemnendum sanè non existimo) nos, sicuti de hostium nostrorum perfidia dubitare amplius non possumus, ita vicissim de fide eorum, quos non tam publicū periculum, quàm prædæ ac stipendiorum spes (de mercenarijs ipsis, non ducibus loquor) concivit, quod certò nobis polliceamur, non habere. At quorum periculum resque ipsa agitur, quibúsque non de stipendijs, sed de vita ipsa fortunisque simul periclitandum est, hostimidos ignavosque esse necessitas & pericula nō patiuntur. Proinde & nos, o generosissimi Belgæ excitemus in nobismetipsis virtutem ac fortitudinem majorum nostrorū: & quando omnino non absque Theseo (quod dicitur) periclitandum, periculorum magnitudo suadere nobis videtur: saltem cum Theseo pugnare pro gloria
Dei

AD BELGAS.

Dei & salute patriæ ne detrectemus. Maxime autem timendum, ne per speciem fictæ reconciliationis perniciosâ credulitate notissimas nocentissimæque vyperas aut illarum loco, quod perinde est, devota illis & mercenaria mancipia iterum gremio excipiamus. Quod sane non monerem, (quia, si Deum audiemus, non erit metuendum) nisi me moverent perditorum quorundâ & impiorum civium, tam patriæ quàm Dei hostium pestiumque, quotidiani neque occulti conatus: qui cum se neque cum Hispanis commodè satis, neque sine illis lautè vivere posse credant, piscari in turbida, servire impuris hostibus cum patriâ, superesse rogo ruinæque totius reipublicæ ac famæ suæ quàm adesse patriæ, servire Deo, & cum republica (ne videlicet proditoris merita pridem præmia ferant, quæ tamen potentibus rerum Hispanis dominis suis, nequaquâ poterunt evitare) sibi quoque consulere malunt.

Vtinam autem hanc nobis mentem hosque animos det Dominus, ut eorum consilia, qui hispanifant (quæ certè non sunt obscura) mature provisâ mascule dissipemus: & à foederibus in quibus foederibus Hispanicis (si quæ tamen salvis rebus fieri possunt) caveamus: magisque gloriæ Dei, saluti quietique publicæ studeamus, quàm fallaci, brevi, proque libidine illorum mox rumpendæ umbræ pacis, ad quam eludendam notum in nos odium ac perfidia, primam quam-

G v

que oc-

ORATIO

que occasionem dubio procul arreptura est.

Novimus enim, atque, heu, nimium novimus, ingenium gentis crudele & sanguinarium. Novimus & studia barbaricæ ultimæque perfidiæ, non solum libris, sed & rebus crudeliter impièq; gestis tam hîc, quàm ubique terrarum expressis. Non est fides, inquiunt, servanda Turcis, minùs hereticis, omnium verò minimè subditis perduellibus: Non est princeps alligatus fœderi nec iurijurando eum armatis subditis factò. Oportet principem aliquando esse virum non bonum. Ecce digna utraque Hesperia hodie axiomata. En vaticinia non Delphicæ, sed Hibericæ tripodis, & cruenta non Apollinis, sed Apollyontis oracula. Cùm autem nos omnes uno rebellium & hæreticorum loco reputemur Hispanis, quòd non statim iussas securi cervices dedimus, nemo non animadvertit, opinor, quàm fidam certamque cum istis pacem simus habituri, quorù ambìtiosa & sæva consilia jam quadraginta plus minùs annis eò spectarunt omnia, ut redactò in novi regni formam toto Belgio, ad perfectam obedientiam (ut quidè loquebantur) nos adigerent: hoc est, ut ruptis omnibus legum jurisque vinculis, mancipare libidini, avaritiæ, crudelitatiq; suæ nos nostraque omnia possent. Huc nimirum semper tetenderunt cùm omnes infracti juris abolitarumque legum nostrarù artes machinæque, tum & mutatorum subinde rectorum

rum

AD BELGAS.

noſtrorum conſilium: cum ad implendum tan-
 ti cœpti votum deſideriumque calidiſſimum,
 propter obſtacula legû & jurum noſtrorum, vix
 quiſquam ſatis idoneus inveniretur. Itaque pri-
 mum alienigenis, tum etiâ mulierculis cômiffa
 noſtri cura fuit. Credo, ut earum imperijs effœ-
 minata in nobis fractâq; virtute avorû noſtro-
 rum, nullis bellis, aut magnis rebus gerendis ad-
 hibiti, ſed tantû negotiationibus noſtris dediti,
 & modò non cauponantes cum Lydis, poſteà à
 Saturninis illis Albanis ac Requiſæis leonibus,
 quorum ungues poſteà (ſed non niſi devorato
 prius hamo) ſenſimus, tractari, mactari ac jugu-
 lari faciliù poſſemus. Mulierum ultimam Par-
 manam habuimus dominâ, perutilem quîdem
 illam Hiſpanorum deſiderijs, & innucritâ diſci-
 plinæ ſoceri ſui, & Machiavelli magiſtri: ſed ad
 perdomandos Belgas, ad ſuſtinendû bellû, & ma-
 ximè ad eam, quę parabatur, lanienâ minù ma-
 ſculam, quàm quæ tantis ſanguinis fluminibus
 fundendis ſuffectura videretur.

Huic ergo ſubmiſſus eſt, melior pejerandi
 trucidandi que artifex, & ſanguine Germanico
 Neapolitanoque adhuc rubens madenſque, ac
 libidine perjuriſque delibutus Albanus, cujus, ut
 reliqua taceam, editam nuper apud nos ab
 immitiſſimo immaniſſimoque parricida (hor-
 rendum nefas) nobilium procerumque, & im-
 primis illuſtrium duorû principum Hornani &
 Egmon-

ORATIO

Egmondani injustissimam, immanissimam, tristissimam, & ab ipsis etiam Hispanis, scvillima
 aliqui gente, desectam lauenam, incredibili ausu,
 detestabili perfidia calcatis & protritit legibus
 iurēque gentium, ad ignominiam ludibriumque
 sempiternum victæ ac triumphatæ Belgicę
 Germanicęque nobilitatis perpetrata, quis nostrum
 non meminit? Cujus aures re tam recenti non
 calent? Cujus adhuc sicci lachrymis sunt oculi?
 Sed & ille, rebus aliter, ac speraverat, cadentibus,
 cum scvioribus, quam sanioribus, consilijs non
 satis artificiosè epitalin urgeret ad peragendam
 cruentā hanc fabulam tandem inutilis est visus.

Remoto itaque Albano, vel potius Hibera in
 tarta a remisso, suffectus est Requisus, qui quod
 Mauros feliciter fefellerat ac straverat, Belgis
 quoque perdendis idoneus est visus, religioso ille
 quidem habitu, sed tamē Saturni & ipse proles
 (quippe quem & natura & mores sui, & fors.
 mors denique ipsa, totum atrum pinxerant) &
 cujus impressa Hispanijs inaudita in Mauros, &
 simul in suos duces fraudis perfidię & crudelitatis
 vestigia documento sunt nobis, qua fide nobiscum
 acturus, quas calamitates daturus, quasque editurus
 strages fuerit, si vacuum sine pulvere ac vulnere
 stationem invenisset. At istum, quod minus
 meditatam catastrophē conceptæ animo tragœdiæ
 feliciter imponeret, cum fama ipsa

AD BELGAS.

psa, quæ ex Hispanijs præcurrens venturi leonis
vngues Belgis præmo astraverat, tum & aliæ dis-
ficultates diuturni magisque ardui, quàm putârat,
belli, tandemque & mors improvisa, quæ incau-
tum, & Belgarum cedes magis, quàm proprium
fatum, meditantem in ipso actu hominem in-
tercepit, inhibuerunt.

Tandem ergo & hic Austriacus est missus, si-
mulandi, dissimulandi jugulandi que artibus pal-
mam superioribus erepturus: & si minus vi aper-
ta, saltem vel inani pompa nominis Austriaci ac-
titulo regiæ fraternitatis, vel etiam terrore belli-
cæ virtutis, atque ostentatione trophæi Turcici,
vel tandem fictæ cujusdam humanitatis illece-
bra lenocinioque in antiqua, & jam Dei bene-
ficio totiens vitata retia fascinosos Belgas, ceu
stultas aves, incautos pelliceret simul & percuter-
et. Qui hoc voto potitus, & victis, prostratis,
afflictis triumphatisque reliquis provinciis cla-
rus, ipsum deinceps cum socijs Hollandis Zelan-
disque Aurantium principem (hunc namque ut
unicum fidissimum fortissimumque assertæ pa-
triæ Camillum, & repressæ barbaricæ violentiæ
sævæque tyrannidis Hispanorum, Cacorum, Ly-
corum aliorumque monstrorum domitorem &
Herculem invictissimum felicissimumque pes-
simè odit) ab alijs desertos vel viribus opprimeret,
vel fœdere captioso illaquearet. Huc autem re-
tendisse & quasi collimasse omnia hominis con-
silia

O R A T I O

filia & actiones fatebitur, quisquis vel non stultè ad fatalem hamum devorandum ducitur vel lens vidensque, vel ex occasu ac ruina proditæ patriæ miserimum à tyrannis lucellum favoremque non piscabitur in turbida. Quid enim non fecit? Quid non simulavit ac dissimulavit? Quem non in Protea vel Chameleonta se vertit, postquam primum pedem in Belgio posuit? Et denique, ubi elusas vidit artes vitatorumque laqueos suos, quos non fluctus concitavit? quem non movit Acheronta, ut & vectorum suorum & pollicitorum, tam exercitui suo, quam Regi quoque ipsi factorum compos totum Belgium indigenarum sanguine maceratum, & habitatoribus nudatum, in prædam latronibus suis divideret? Itaque non injuria nuper quidam ex ista latronum superba atque impia trahitur per ludibrium jactasse dicitur, ludos tantum fecisse Albanum & reliquos hætenus. Vnum Austriacum aliorum ludis & fabellis adeò cruentam catastropham impositurum, cui diluenda vix omnia Belgij flumina & maria sint suffectura.

Fruantur ergo hoc lano bifronte, bipatre, bilingui, & fidei animique, cum erga omnes Belgas ac Deum ipsum, ancipitis, tum unum mysticum illum parentem suum bona fide referentis, catulo Apollyontis, qui volent: fruatur & ipse quibus volet, mercenariis, mendacibus, venalibus canibus & corvis, sophistis & lanistis, veris parasiti-

AD BELGAS.

parasitis, trapezitis ac muribus palatinis, & non uno culeo & equuleo dignis amicorum, ptopin-
quorum, liberorum, conjugum, parentum & pa-
triæ denique ac Dei ipsius patrij (quantum in i-
pſis eſt) proditoribus, qui verarum laudum ino-
pia, fictis malèque conſiſitis encomijs ſuum
illum verè illaudatum laudent Buſiridem. At
nos, ſi ſapimus, ſi prodere dederèque nos ipſos,
unà cum patria, crudeliſſimis hoſtibus noſtris
atque impijs perduellibus patriæ, unòque in ro-
go univerſi conſagrarè nolumus: ſi denique, à
quibus in Belgium, cum quibus, contra quos, ad
quid, & quorum in locum novus hic Tryphon
atque Olofernes ſit miſſus: & quid modò, quan-
tis cum dolis, calumnijs, apparatibus in perni-
ciem ruinàmque Belgij ac Germaniæ moliatur,
vel aſpicere ſaltem volumus (ut taceam inte-
rim, quomodo efferato huic rabidòque leoni ac
belluæ fræna modò laxârît, & ſtimulos ſimul ad-
diderit fatalis ille orbi Chriſtiano Romuleus
draco, cujus nutum numénque ad cædes ac ſce-
lera proclamantis ſolùm obſervant iſti, polli-
cens Hiſpanis & hiſpaniſantibus omnibus, ſi ad
caſtra iſtius, hoc eſt, ad prædas ac ſtrages noſtras
impigrè accurrant, præter alia omnium quoque
ſcelerũ veniam) vel his ex vnguibus, juxta pro-
verbium, cognoscere leonem, & ſimul feliciſ, ſci-
licet, gubernationis Auſtriacæ ductuſque ſpeci-
men prævidere poſſumus.

Nul-

ORATIO

Nullis ergo fucis verborum opus est, nihilq̃ dicendū jā amplius causę, quo minūs nobis, hoc rectore summissō, non tam remissum aut mitigatum supplicium, quā mutatum atque exasperatum carnificem sicuti (heu dolor ac dedecus nostrum) nimium haud dubie serō, ita tamen aliquando apertius, quā optaremus claroque in meridie videre, vel inviti, cogamur.

Vtinam autem aversum à nobis in ipsos tantarum fraudum scelerumque consarcinatores abominandū om̃en periculumque convertat propitius providusque patronus populi sui Deus Opt. Max. Etenim potest ille, si volet: & velit procul dubio, aderitque in tempore causę suę suisque laborantibus, si per contumaciam nostrā poterit: hoc est, si nos & servire ipsi, & servari ab ipso volumus, & opem armaque ab ipso data ad ipsius potiūs gloriam patrięque salutem, quā in leges nutumq̃ communium hostium deponemus.

Ad hęc autē vetera atque inveterata Hispanis odia gentis nominisque nostri accedit illud, quod jam irritatos mora belloque diuturno, tamque ipsis molesto, quā utrisque nostrum funesto, atque insuper inexpectata, neque magis decora nobis (mactandi enim fuerāt, qui mactaverant, ne juxta suam ipsorum parcemiā morderi mortui potuissent) quā ipsis laudabili missionis, multo, quā unquam, sæviores habituri sumus.

AD BELGAS.

sumus: multò quoque magis fœdera, quàm arma eorum metuenda sunt. Cum enim & fames & sitis & mora tam diu expectata, tandemque & erepta latienæ ac prædæ compendiarie totius Belgicæ (Antverpianam enim quamlibet immanem pro nulla ducunt) bilem haud dubiè plurimam in nares conciverint istis, videntum, quo pacto, & an ullo omninò pacto tam immites feras, tam famelicos sitibundósque urso ac pantheras denudò admittendos putemus.

Postremò, quòd omnè nobis oscitantiam somniumq; excutere debet (nisi ruinæ ac panolethricæ patriæ indormiendo videntes & oscitantes opprimi volumus ad unū, cuiuslibet loci, ordinis, professionis & conditionis omnes) ipsorum nos Hispanorum & proditorū nostrorum perniciosissimis consilijs referta litera, jam sæpius & pridem Dei beneficio intercepta, quid de vobis universis statuerint, universam fraudum scelestumque inhumanissimorum rationem & conjurationem edocuerunt.

Sed quid literas Hispanorum interceptas dico? Jam enim palam libellis editis & armis copisq; comparatis personam larvamque exuit belliq; diu dissimulati signū publicè proposuit Austriacus. Quinimò & ipse, ipse, inquam, Sanctissimus Pontifex non jam clandestinis literis, sed apertis, & quidem per totum orbem Christianum publicatis diplomatis in prædam nos

H

exponit

ORATIO

exponit vulturibus suis, & belli contra nos internecini signum effert manifestum, concitatis iterum fœnoro classico omnibus mancipiis, fugitivis, pestibus, harpyis ac monstris Averni. Et quia omnium rapacitati non suffecturas facultates vestras providet oculatissimus Argus, ad pristinas jamque beneficio Dei prope modum obsoletas opes suas sese convertit, & divites Pontificalis opulentiæ thesauros, largosque indulgentiarum sinus in sacrum autolycorum & latronum suorum exercitum liberalissimè pandit effunditque.

Quodque observatione dignum est, & cum omnibus nobis, tum maxime Ecclesiastico ordini seriò perpendendum, omnes in universum Belgæ promiscuè, cujuslibet professionis atque ordinis, palàm proscribimur, & immanibus infestissimarum ferarum rictibus objicimur, dum tanta cura atque impendio ad Ioannis Austriaci signa exitium præsens universo Belgio minitantiæ milites suos effundendo sanguini nostro consecratos proficisci iubet Pontifex. Et qui hæctenus omnibus in turbis bellisque civilibus mira arte ac mille cuniculis (præsertim in Germania Galliaque) Ecclesiasticum ordinem à reliquo ordinum corpore divellere semper est solitus, is modò nos universos simul adoriri tantæ cum fiducia successus constituit, ut non tantum non parcere vobis Ecclesiasticis, verum ne fallere

AD BELGAS.

fallere quidem vos velit amplius. Tanta, nimirum, sunt, tamque implacabiles sacrati peccatoris iræ: Tantus simul contentus virtutis ac nominis Belgici. Tanta, cum in omnes Belgas, tum verò in vos præcipuè Præsules, à quibus te jam non solum deceptum, sed & delusum contemnitumque indignatur, insania & rabies, ut ne dissimulandum quidem amplius more solito putet, quin universos aperto Marte citraque dolum malum, cuius consilia non ratio repudiat, sed præcipitat furor, invadere decreverit.

Nam unde alioquin huic effæto leoni, vel potius exoculato Cyclopi nova hæc atque, tam ipsi, quam omnibus Pontificibus inusitata generositas, nisi quòd jam exhaustam Germanicis, Anglicis Gallicis, Belgicisque bellis ac tumultibus ipsam omnium insidiarum fraudumque nimis notam jam omnibus perdidit, desperatio ipsa dolorque erepti Belgij, hoc est, unici sui per Germaniam luminis, in ipsos Belgas solo indulgentiarum flatu crepitantem, id est, vanam omnino sine veris armis, consilijs, animis ac viribus iram cæca ac furiosa manu projicit potius, quam coniecit. Neque enim credibile est, hominem repente factum terribilissimum ac tortuosissimum hoc monstrum, cuius exitialibus facibus & flammis tot jam annos turbatur, permiscetur & ardet orbis Christianus, deflagrat planèque consumitur Gallia & Belgium: ut reliqua regna omittā.

H ij

Cujus

ORATIO

Cujus perniciosissimis consilijs fraudibusq; per infinitas cædes ac strages, prædas & libidines, cum alijs in locis, tum nostro in Belgio & Gallia vicina per multos jam annos exercitis cedere coguntur omnes & veterum & recentium historiarum ac tragædiarû Ochi, Buisides, Neronæ, Atrei, Bajazerthes ac Selyni parricide atque tyranni.

Furor ergo hæc arma non ratio, desperatio non virtus in vos maximè, Præsules, extorquet Pontifici, nò ideò tantum, quòd nec amicis quidem parcatum velit, dum unà pereant & inimici: sed maximè, quia (quòd semper tam Romæ, quam in Hispanijs jactatum fuit): Omnes Belgas hæreticos & Lutheranos esse citra ullam exceptione loci atq; ordinis cõtet, quandiu, quòd in miseros Hispanos potest solus Pontifex cum suis, non idem etiam in Belgas simul & Pontifex & Hispani inquisitores possint. Ad quem conatum suum omni ope juvandum, quanto vos magis, quàm reliquos Belgas, sibi devinctos credidit, tantò nunc, delusus ac spe sua dejectus, vos odit ardentius infensusque.

Vt ergo mirum non est, amplissimi Præsules, vos omnes omnibus hodie, non modò Belgis, sed & canibus peius & anguib; exosos esse Pontifici: ita magnoperè profectò mirum, absurdum & incredibile dictum est, quisnam nos miserabilis Eros, quæve feralis Cupido in istius inamabilis

(irce)

lis,

AD BELGAS.

lis Acherontij ac Scygi Charontis amorem fascinaverit ac dementaverit. Quid juvat, o boni, vel cum injuria vestra ac publica, emendicare favorem sævisissimi Cyclopi, & placare frustra Romuleum illum Gigantem implacabilem, cui calcanti leges & religionem, oppugnantem cælum ac terram, nulla alia lege, nullo omnium superstitionum cædiumque obsequio placere poteritis, nisi protrititis & ipsi legibus omnibus proscripta & numinis ipsius reverentia ac sensu, prodita deditaque in miseram servitutem & horrendam lanienam patria, tandem & vos ipsos vinciendos, vexandos, mactandos jugulandosque in sacrificium manibus faucibusque crudivori & anthropophagi istius Cacolyçi ultrò objiciatis? Neque enim ulla quamlibet immani hostia, nisi eadē promiscua atque internecone universi Belgij furiali huic Gregorio, nec alijs, quam funestarum nuptiarum cædiumque humani generis curis tot jam annos invigilanti, litari posse certissimum est, quippe cui nullus, nisi universo Christi grege jugulato ac perdito, somnus jucundus gratiusque rigentia scelerum cædiumque pervigilijs lumina in quietē componere potest. Et quoniam pridem cognovimus, quo loco simus omnes Pontifici, qui internecone nostra colophonem imponere occiduo pontificatui, & parentare immanibus manibus suis gestit: quo item Hispanis & maxime Albano lictori, &

H iij

hujus

ORATIO

hujus faxissimi Busiridis quondam carnifici, qui nemine Belgarū crimine majestatis eximi posse dictitabat, fallitur quisquis vel addi quicquā peccatis suis, vel placari sibi Pontificē posse existimat. Satis enim vel eo solo peccavimus, Belgæ, quod vivimus, & vivēdo morā bilemquē effæto ac moribundo leoni, cui ipsi jam anni morsquē propinqua morositatē addunt, commovemus: quod vaſtante, perdentē, mactantē, omniacque bellis ac ſeditionibus turbantē minùs, quā ipſe vellet, impigre omni ope adjuvimus, nec ad extremum poſt omnia obſequia jugulum porreximus ipſi.

Non eſt igitur, quod in promovēda gloria Dei & procuranda ſalute publica ideò quiſquam noſtrum, cujuſlibet loci atque ordinis, vel fatiſcat, vel remiſſiùs agat, quod ſecum mitiùs actū ſi Pontifice & carnificibus iſtis rerum potentiſſimis, ob hanc patriæ & bonæ cauſæ vel proditionem vel deſertionem exiſtimet: quoniam uno prorſus loco utriſque reputamur Achiui. Nam non eſſe nos hæreticos, non eſſe rebelles, non eſſe Verpis, Turcis, Tartariſ ac Saraceniſ magis conſceleratos & impios, quotquot arcas & ſcrinia, uxores & filias filiòſque, ſenſus atque animos hominū habemus, Belgæ, nunquā pſuadebimus illis, ne ſi perſuaſerimus quidē. Iam enim tollere nos ē numero viventium, infrāque mortuos, ſi queār, demādare ſtatuērunt: ut fraudi ſit nobis, non quod in Deū credidimus, aut quod Regē offendimus, ut
ajunt,

AD BELGAS.

ajunt, (neutrū enim istorū fecimus: & neutrū curat impia & perfida, nec minū in Regis, quā nostrū sanguinē crudelis theomachia) sed q̄ vivimus: q̄ suæ inexplebili crudelitati superstitē adhuc sanguinis guttā retinemus: q̄ salutē nostrā, post infinitas cædes, libidines, extorsiones, vexationes, tandē læsa fractaq̄ tot cōtumelijs patientia nostra, defendere conati sumus, quodq̄ ipsis cū ingenti atq̄ insolenti insultatione omnia nostra tam corpora quā fortunas atq̄ ornamenta donatione Regis suam esse prędam ac stipendia emeritę militiæ præmiaque virtutum affirmantibus, & proinde jugulū simul cum patrimonio porrigere jubentibus, amplius non credidimus.

Hæc autem sunt, Belgæ, (mihi credite) atrocissima, scilicet, ac ter quaterque maxima illa crimina vestra, Priami cur evertere gentem immeritam visum Hiberis nostris: non seditionis, minus rebellionis, atque omnium minimē religionis offensæ. Quid enim ista Venus ebria curat? Inguinis & capitis quæ sint discrimina, nescit.

Quare cum nemini dubiū aut ignotū esse possit, nulli qui & Dei & patrię & Regis & suæ ipsius animæ hostis esse velit, quam pacis fœderumque religionē ab hoc hominū genere expectare debeamus, quibus hoc ipsum, quod vivimus, adeo grave molestumq̄ est, ut omnē religionis fœderumq̄ mentionē, quasi remorā avaritię crudelitatisque suę, extremē oderint: jamjam tēpus est,

Hic

atque

ORATIO

atque ipsa necessitas huc nos adigit, ut positis
domi sepultisque omnibus odijs ac similitudinibus.
(si quæ adhuc supersunt) intestinis, collatisque
in publicam curam studijs, viribus & consilijs
sedulò procuremus ea, quæ veræ pacis nostræ
sunt. Dico, veram cum Deo yero veraciq̃ue pa-
cem queramus, cuius fides, veritas, clementia, &
benevolentia erga homines pœnitentiam agen-
tes, & qui fœdus pacemq̃ue ipsius æternam ve-
ra fide atque observantia amplectuntur, durat
in omnem æternitatem.

Vt ergo & hos, & quos libet alios adversarios
submovere, & res nostras tuto posthac loco col-
locare possimus, sequamur consilia, fidem & si-
gna Dei, magni Imperatoris & Servatoris no-
stri: & tanti Ducis fiducia subnixi confidentes-
que, ne formidemus, quicquid tandem, fremen-
do conjurandoq̃ue in Dominū exercituum, at-
que Christum ejus, valeant vires hominum: qui
quantūlibet robusti ac formidabiles appareant,
Psal. 2. coram Deo certè, ut vasa testacea fragiles, ut ver-
mes & putredo terræ imbecilles, ut paleæ ac sti-
pulæ coram vento leves: denique, ut fumus in
turbine ac cæra ad ignem, fugaces dissipabun-
Psal. 68. tur, colliquescent, consumuntur & conflagrabūt
omnes ira Dei prodeuntis in aciem.

Nam, qui Moysen & Aaronem contra Pha-
raonis potentiam tutatus est, qui populum suū
Israëliticum, nequicquam indignantibus & in-
genti

AD BELGAS.

genti cum exercitu persequentibus Ægyptijs, ex Ægypto forti manu eduxit, qui eosdem Ægyptios unà cum eorum rege Pharaone in mare rubrum merfit ac delevit: qui eundem populum, quàm diu dicto audiens in fide ac fœdere mansit, per loca deserta & sterilia in terram Chananaam deductum inter tot inimicas prævalidasque gentes per tot annorū secula incolumē præstitit: qui optimum regem Ezechiam ob restitutum divinum cultum everfamque idololatriam ab Assyrijs oppugnatum insigni victoria donavit, & Matathiam, Iudam, Simonem, Ionathanem adversus Antiochi aliorumque violentiam egregiè defendit: ille nec nobis, si imperata fecerimus, in tempore defuturus est.

I Reg. 19

Denique (si cui ista veteris populi exempla metum & veterum excutere non possunt) qui Ecclesiam Iesu Christi, sub Romana monarchia pressam quidem diu, sed non oppressam, contra infinita obstacula non solum conservavit, sed tandem tempore ac ductu optimorum Principum Constantini Magni, Theodosij & aliorum, & omnium maxime nostris temporibus in Germania, Helveria, Suecia, Dania, Polonia, Anglia Gallia, Hollandia, Zelandiaque adversus immensam conspirationum, seditionum, tumultuum bellorumque molem præter omnem spem humanam miris modis propugnavit & auxit: is & nostros inimicos absque dubio redditurus est

H v

scabel

ORATIO

Psalmio scabellū pedū Christo Imperatori nostro, si pia
cōcordia in ipsi⁹ nos albū ac militiā adscribem⁹.

Ceterū ne illud quidem silentio prētereun-
dum, inclyti Belgæ, quod ut fideliter vos mo-
neam, & zelus domus Dei & charitas patrię ve-
strique necessariō mihi exprimunt: nempe, ut in
albū Christi nomina nostra recipi queant, nosq;
pace certa ac perpetua fruamur, non solū com-
prehendi & apponi illum, sed & pręponi fœde-
ribus nostris oportere. Sicuti enim errore perpe-
tuo non pervenitur ad optatam metam, ita nec
nostris pactiōibus pacē ullam sperabimus aut
fidam aut diuturnam, si pacis authorē & bellorū
potentem moderatorē pacificatione nostra ex-
cluserimus. Atque ideō nec bella nobis feliciter
cedent adversus juratos Dei & patrię hostes, si &
ipsi vel adversarij professi, vel non fœderati con-
fessi, vel etiam simulatæ ancipitisq; fidei amici
esse perrexerimus. Et quia superiorib. annis so-
la ejus ope superbo latronum jugo soluti, adeō
non grati in salutis nostrę pacisq; authorē fui-
mus, ut eum fœdere postea cum iisdē hostib. in-
stro excluserimus, & antiquum Belialē malorum
omniū certissimā nobis causam inclusum fœde-
ri, in contumeliā Dei vivi ac veri, confirmaveri-
mus: apertē dico, vel corrigendū esse nobis hunc
tantū errorē nunc, Belgæ, vel nō speranda, irato
nobis Deo, meliora, quā experti sumus hactenus,
afflictę patrię tempora. Aut enim nō erit in ma-
nu Dei

AD BELGAS.

nu Deipotens præsensque vindicta contumeliæ
 suæ: aut, nisi nos injuriarum tantarum in tam su-
 blimē Majestātē finem fecerimus, ad exigendas
 pertinacissimę rebellionis à nobis pœnas expe-
 ditos, jamque in altū sublato terribiles Domini
 scorpiones esse, planè dubitandum non erit. Cæ-
 terum, ut hunc tantū errorē illorum potius, qui
 cum dignitate publicū ordinē tunc ducebāt, cul-
 pa cōmissum fateor, quā vestra, Belgæ, quos ad
 eundē gradum honoris melior spes gerendę Rei-
 publicę & spectata in patriā fides evexit: ita cor-
 rigendum cum vobis affirmo, ut & tueri locum
 & satisfacere muneri suscepto, & respondere pa-
 trię de vobis expectationi cum laude possitis.

Nisi enim Deo propicio utamur, utcumque
 nos munire fœderibus & amicitijs externis fate-
 gerimus, & nidum nostrum vel intra altissimas
 montiū rupes collocaverimus: nō erit tamē pax
 impijs; & inveniet ille nobis hostes, feras & volu-
 cres, quę eversum effractumq; petris illidāt unā
 cum pullis, quālibet excelsum nidū nostrum. Ar-
 mabit ille in nos calorū suorū invictū exercitū,
 & terrā & flāmas & flumina & gladios nostros;
 quib. ad effundendū sanguinē innocuum impijs
 sceleratēq; abusi sumus. Nō deerunt illi Assyrij,
 Chaldei, aut, si malumus, Hispani, qui nō minus
 libēter nostrū bibent, quā nos martyriū languinē
 innocentē bibimus: tādēq; nos bellis, seditioni-
 bus alijsq; malis fractos experimēto ingētū cala-

*B/c. 3a.
Abdia.*

imitatur

ORATIO

mitatum (quia his, ut forte minoribus, cauti esse
noluimus) docebit impijs pactationibus, seu fa-
ctionibus veriùs, non evitari sed invitari atque
irritari iram suam, bella, seditiones & pericula.
Quasque nos ipso excluso pacis ac tranquillita-
tis rationes inibimus, & perfugij sedes atque ar-
ces turissimas fabricabimus, eas ille in laqueos,
foveas & præcipitia convertet nobis: dissipabit-
que consilia & conturbabit rationes nostras: ut
ibi corruamus, mergamur ac pereamus, ubi salu-
tis fallacem anchoram fixeramus.

Et hic quidem clamant, nosque periculi no-
stri admonent, cum profanæ, tum sacræ historiæ,
quàm periculosum exitiosumque sit, permittere
se fidei hostium reconciliatorum. Nam, ut Eth-
nicas historias omittam, ut non referam quid
Saulum, quid Achabum, Achazum, Ezechiam
reges perdiderit, una Pharaonis historia satis o-
stendit, nullis religionis, legum, iurisiuradi ac fœ-
derû vinculis, nullis ostentis & prodigijs, nulla
Dei bonitate, clementia atque commonitione
teneri tyrannos posse, ubi semel decreverint
perdere populû, quin vel cum contemptu sui pe-
riculi, cæco furore in prosequendo instituto se-
metipsos supplantent ac præcipitent. Idem quo-
que abundè probat illustris Machabæorum du-
cum historia, qui si, ut in vindicanda patriæ & re-
ligionis libertate strennui promtiq; & paternæ
virtutis ac zeli æmuli fuere, ita & constantiæ pru-
dentis.

AD BELGAS.

dentiaque imitatores fuissent, & cavere sibi ab hostium suorum insidiosis pactionibus didicissent, melius & vitæ suæ & exercitus patriæque saluti consulissent. Quæ exempla utinam nobis Belgis in extremâ hac rerum nostrarum necessitate ac periculo, ubi peccare ac falli ne semel quidem licet, magis sint familiaria & ad manum, præsertim adversus hoc hominum genus, quibus Machiavellica illa consilia, de quibus supra dictum, implent utramque paginam, quiq; se non modo non regnare, sed nec vivere quidem, nisi nobis sublati, posse putant.

Cum ergo furor sit amentiaque mera, non consilium aut prudentia, excludere pactionibus nostris eum, qui nos eterno suo fœdere exclusos includere in manus sævissimorum hostium nostrorum, ac sempiternos cruciatus potest, & jam ad hoc judicium consedit: capiamus consilium ex tempore, non sine ipso, sed cum ipso, & ab ipso: & fœderi nostro illud apponamus, vel potius præponamus: quinimmo in illius æternum fœdus facta pace recipi velimus. Illud autem si fecerimus, ducemque tam fidum fortemque ad omnia imperata promptè sequentes, minas ac terrores hostium, pericula damnaque privata voluntati ac moderationi ipsius commiserimus ac submiserimus, tunc & bona terræ nostræ comedemus, & pace atque concordia cum hominibus quidem pia & Christiana, cum Deo autem certa perpetuaque

ORATIO

tuaque fruemur: & (si qui consurgere in nos ausi fuerint) ad propulsandos pacis nostrae pertinacissimos adversarios, neque consilio, neque animis, neque viribus, sub tanti Imperatoris vexillis, unquam destituemur.

Aderit enim nobis imperata facientibus ipse Deus Dux & Imperator exercituum nostrorum, nosque consilio & sapientia reget, animis viribusque in hostem armabit, & ab insidijs fraudibusque tuebatur invictos. Et ex adverso dissipabit consilia dolosque, frangat vires atque animos, turbabit frontes obscenas & impudicas immanissimorum hostium nostrorum, ipsosque cum toto exercitu & universa illa proditorum & venalium nebulonum ac fugitivorum catervâ & clientela, non vano nec panico, sed vero ac coelesti pavore consternatos dabit in fugam ac disperdet.

Ad quam quidem fiduciam non mediocriter nobis calcar addere debent mirifica Dei in Hollandos ac Zelandos edita nuperrimè tutelæ, salutis ac liberationis beneficia. Quam gentem ut olim bellicosam ac strennuam, sic longa jam pace ac negotiationum usu residere desideremus cum hodie, quasi imbellē tantum non contineremus: ita tamen fortiter defensam divinitus modo vidimus, ut illustre ac sempiternum divinæ protectionis, neque minus, quam olim Israelitarum ac Machabæorum fuit, nobile testimonium curæ, veritatis, favoris auxiliique coelestis ad posteros esse possint.

Nam

AD BELGAS.

Nam cum ab hisce iisdem Hispanis, ut scitis (quibus cum & Italarum & Allobrogum & Germanorum, & nostrae quoque cohortes erant) tanto cum apparatu, quantum nunquam viderat Hollandia, & cui ipsa ferè tellus dehiscebat, summis viribus maximaque contentione oppugnarètur: & à nobis non solum non levarètur, ut par erat à fratribus ac vicinis in tali periculo, quod non poterat non in nosipsum redundare: sed gravibus insuper incommodis afficeretur: adeò non caruere ducibus, animis, viribus & consilio, ut fidei ductu, fortitudine ac prudentia inclyti Principis Aurantij ac sociorum subnixi, tupe abos acerbissimi hostis spiritus viresque contuderint fregerintque, & se in libertatem vindicaverint, & terrorenti nominis sui per multas præclarasque victorias navales ad vicinos hostes suos longè lateque circumtulerint. Adeò, videlicet, beatus est *Psalm. 52.* ille populus, qui Dominum illum exercituum Imperatorem pro Deo habet, & quem sibi ille in hereditatem elegerit. Res autem fallax equus ad salutem, & exercitus quamlibet terribilis ac numerosus ad victoriam. Evertit enim ac dissipat Dominus consilia gentium, & irritos reddit principum ac populorum conatus. Et recte habet illud Psalmi: Tu ipse Rex meus es, *Psalm. 44.* O Deus: dispone tu salutem Iacobo. Per te enim hostes nostros succutiemus: per nomen tuum conculcabitur adversarios nostros.

Neque

ORATIO

Deut. 28 Neque enim sperabo in arcu meo, neque gladius meus conservabit me. Tu autem servas nos adversus omnes adversarios nostros, & pudes facis eos, qui nos oderunt, &c. Quibus optimè consonant ipsæ promissiones divinæ per manū Mo-
 sis populo Dei factæ, si in fide maneret. Efficiet (inquit Deus ipse) Dominus, ut hostes tui, qui adversum te insurgent, ante te corruant. Per iter unū egredientur cōtra te, & per septē vias fugiēt coram te. Eriget te Dominus sibi in populū sanctū, sicut juravit tibi, siquidē præcepta ejus servaveris, & in vijs Dei tui incesseris. Tunc demum omnes populi terræ videbunt, nomen Domini super te invocatum esse, timebuntque sibi à te. Ponet te Dominus in caput, & non in caudam: erisquē tantum superior, nec unquā inferior: si modò audieris præcepta Domini Dei tui, quæ ego tibi præcipio hodiē, ut custodias ac facias ea. Non deflectes à cunctis sermonibus, quos ego præcipio tibi hodie, neque ad dexteram neque ad sinistram, ut sequaris deos alienos, eosque colas, &c.

Hæc sunt sanè insignia illa liberationis beneficia, quæ nos, aut animis concidere, aut segniter agere non patiuntur, sed ad colendum Deum nostrum alacriter properantes bono esse animo, & spectare ductum ac vexilla Servatoris nostri Dei, non respectare ad minas offensasque impiorum hominum jubent. Hujus enim fidelis
 miliciam

AD BELGAS.

militiam professis, & universam fidei panopliā mysticam indutis, primò per quolibet impedimenta spiritualium remororum & nequitiarum Ephes. 6 percurrere in patentem, liberum & amœnum pietatis campum, atque inde & hominum & demoniorum tam vanas minas, quàm injustas offensas contemnere licebit.

Quamobrem, ne diutius vos teneam, Belgæ, appellandi, interpellandi, atque adeò, si queam, impellendi mihi iterum ac sæpius estis, citra exceptionem omnes, & per vestram omnium salutem, per sacrosanctum nomen Magni Dei & Servatoris nostri Iesu Christi rogandi atque obtestandi, ut, quam expositam oblatamque vobis hodie videris, salutis ac beatitudinis occasionem ac viam, eam seriò gratiſque animis amplecti, premere atque retinere velitis. Et quoniam ne conscientie quidem nostræ, nedum Dei, qui major est cōscientia, iudicio negare possumus, quin & impio verbī divini contemptu, cum insana ac detestanda simulachrorum veneratione & horrenda sanguinis innoxij profusione ad justissimā vindictam Deum omnipotentē hactenus provocaverimus, cujus veram severitatem, nisi vera pœnitētia & fide, declinare minimè possumus; posita tandem infelicissima miserrimaque peccandi libidine ac pertinacia, cum vera gravissimorum peccatorum agnitione, atque aegritudine animorum, firmamque in Christum fide, Deo

I Omni-

ORATIO

Omnipotenti omnem iusticiæ & veritatis lau-
 dem tribuendo, eorum omnium ab ipso per Chri-
 stum misericordiam veniamque suppliciter im-
 ploremus. Ne committamus, dum vel purgare
 ac defendere tam atrocia peccata, vel elevare eo-
 rum magnitudinē contendimus, atque hoc modo
 usitatas in maiestatem illius & verbi veritatem blas-
 phemias evomere non desinimus, ut, eius salu-
 tares admonitiones & consilia verasque minas
 stolidè contempsimus, eius potentem manum, fla-
 gella, & vires terribiles nostris in poenis ac mi-
 serijs extremis serio experiri cogamur. Non
 enim vel causa vincemus in iudicio, vel viribus
 superabimus in conflictu, vel evitabimus dolis
 in fuga, veridicum os, iusticiam, potentiam sa-
 pientiamque tanti iudicis, bellatoris ac vindicis.
 Et licet ad oppugnandum illum, adque propu-
 gnandam malam causam nostram, omnes so-
 phistarum gryphos, omnemque mundi poten-
 tiam advocemus: res tamen ipsa docebit, & sti-
 pulam esse, & paleas atque quisquiliās ad flatum
 oris divini universam ostentationē artium viriumque
 humanarum. Et nihilo feliciores contra Deum
 cuiusque unctos expeditiones nostræ futuræ sunt,
 quam Senacheribi, Olofernīs, Antiochi, Iuliani,
 Licinij, Maxentij, & similium hostium Ecclesiæ
 Dei fuere: dabimusque tandem victi, & ad ex-
 tremum consumti cum Iuliano Imperatore etiā
 fidentes & convitantes victoriæ laudem vi-
 ctori

AD BELGAS.

tori nostro: Vicisti Galilæe. Adeò vincere ac
 triumphare illum necesse est, qui & omnipotens,
 & campi & armorum & exercituum Dominus
 est. Neque rursus desipiamus aut insaniamus
 usque adeò, ut amore vefano miselli huiusce cor
 pusculi, quod, utcunque superbiat modò, tamen
 exanime mox cadaver, ac putris esca vermium
 futurum est: & studio vitæ tam brevis ac fragilis,
 quæ ut maximè integrum curriculum temporis sui
 decurrat, nō ille tamen casibus obnoxia est: & si
 quas habet voluptates, non sine plurimo felle,
 frui eis potest: gloriam Dei nostri, ac sempiternā
 & omnibus exemptam casibus, plenamque veris
 voluptatibus vitam projiciendam nobis existi-
 memus. Aperiamus & oculos & aures, ac videa-
 mus mirifica divinæ tum clementiæ tum poten-
 tiæ opera: audiamus sonantem orbi tubam cœ-
 lestem: Venite & videte opera Domini. Excite- *Psalm. 48.*
 mus & explicemus lumē ingenij mentisque no-
 stræ, & suspicientes in cælum, ubi gloriam Dei *Psalm. 17.*
 videmus celebrari, cogitemus non solem, non lu-
 nam tam crebris defectibus, non aëra, non cælos
 ipsos tam assidua tristitia, non terram tot moti-
 bus, neque maria fluminaque tam crebris in ter-
 ram inundationibus ac minis frustra nobis con-
 temtæ majestatis supremæ ergò, Creatoris sui irā
 tristisque poenas denunciare. Et cum sciamus,
 non abs re totiens velut manu divina terribili
 specie virgas flammeas in cælo ad horrore vi-
 sentiuna

O R A T I O

Luc. II.

fentium protendi nobis in approbationem doctrinae coelestis, quae talia signa irae divinae vel ad salutem observare : vel, si nullis omnino documentis cedere cōtumaces volumus, aspicere praesentem vindictam, & simul perire nos jubet: credamus, aut hoc ipsum esse, aut nullum aliud salutis tempus. Meminerimus hodie nobis duas has diversissimas, alteram salutis, alteram exitij sempiterni, propositas esse vias.

Deut. 28

Mat. 24

&c.

Quod si optionem vitae hodie spreverimus, & judicij divini severitatem expectandam nobis pervicaciter atque contemtim putaverimus, certo statuamus, sicut veritas oris Dei (cui nec anni nec angeli praescribunt) quavis longissima praescriptione temporis non deficit neque intermoritur, ita ruituram potius universam hanc coeli terreque machinam, quam irritas fore minas & plagas ejus, quas per Moysen, per prophetas, per apostolos, perque Christum ipsum unigenitum suum ingrato, impio & rebeli populo suo tantò antè denunciavit.

Neque est profectò (liquidem meminimus, nos ipsum illud oleastrum esse, qui, sicuti gratia Dei insitus est oleae, à qua quondam nativi rami defracti fuere, ita & ipse defringi facilius, ut alienus, poterit) quòd aut majore nobis, quàm Israelitis ipsis & alijs populis cōtigat olim, impunitatē polliceamur, aut Deum posthac minus veracem ac severum mundi judicem nostra causa futu-

rum

AD BELGAS.

rum imaginemur, quàm vel prisco mundo, vel Sodomæ Gomorræque, vel etiam Israëlitis, atq; ipsi adeò angelis olim suis fuisse legitur. Cum enim non pars tantùm aliqua veritatis, sed ipsa veritas Dei tota indivisa duret in æternũ, nec minùs reverenda tremendaque sint judicia divina, quàm amandæ atque amplectendæ promissiones, necessarium est, ut, quemadmodũ benignitatis ejus atque clementiæ erga cultores suos eòsque, qui ab errore in viam redeunt, constans, certa perpetuæque voluntas est, sic & judicium horribile verè paratum sit impijs & contumacibus. Redeamus ergo & nos ad sanitatem: & quod honorificum Deo Dominoque nostro Iesu Christo, ac salutare Ecclesiæ Dei, & felix faustumque patriæ nobisque universis sit, agendo veram poenitentiã exemplo veræ Ecclesiæ, sentire ac percipere immensæ bonitatis Dei ac misericordiæ paternæ dulcissimam veritatem atq; constantiam quàm obstinata peccandi libidine, & æmulatione impiæ synagogæ terribilem comminationum & judicii divini & supplicij sempiterni potentiam ac severitatem exspectare atque experiri malimus.

Ipse interim Deus verè Opt. Max. Pater unigeniti & coeterni Filij sui & magni unicique Servatoris nostri Iesu Christi, qui post tantam cladum Belgicarum tempestatem jam tandem salutifera, & nō dubiè gratiæ pacisque suæ vultu

I iij

foreno

ORATIO

Sereno vos respicere dignatus est, patefactis pe-
 nē in ipso opprimenda patriæ extremo discrimi-
 ne atque articulo consilijs, monstratis insidijs, il-
 lusa spe, fractis viribus, pulsūque è sinu vestro
 præsidij perniciosissimarum viperarum & pro-
 ditorum vestrorum, det vobis de gloria sua &
 publica salute consultantibus ac dimicantibus
 Spiritum suum Sanctum, Spiritum sapientiæ &
 consilij veritatis ac timoris sui, fortitudinis &
 constantiæ, ut omnibus viribus atque consilijs
 in unam ipsius gloriam ac salutem publicam
 coninixi intentique, victis, fuis fugatisque lævis
 atque impijs tam Dei, quàm patriæ hostibus, o-
 peratum vobis, & honorificum Deo Servatori
 Patrioque trophæum erigatis, ac læ-
 tum dignumque Christo trium-
 phum celebretis.



EZECH. XXIII.

*Dic ad eos: Vino ego, dicit Dominus, Nolo mortem
 impij: sed ut convertatur impius à via sua, & vivat.
 Convertimini, convertimini à vijs vestris malis: cur
 enim moreremini domus Israel?*

Errata typographica facile corriget
 lector.

BALEVS. VIATOR.

Ille diu felix populus, longaque beatus *Baleus.*
 Pace propè innumeras qui cumulârat opes:
 Infelix, heu, Belga ruens civilibus armis
 Ipse suum proprio confodit ense latus.
 Dic, age, quæ misero tam cœci causa furoris? *Viator.*
 Viscera quid rabido devorat ore sua?
 Accipe, quâ quæris, causam crimenque malorû: *Baleus.*
 Nempe suum vēcors temserat ille Deum:
 Vanæque præcipiti cumulârat numina fastu:
 Inque Deum stolidâ verterat arma manu.
 Innumeros ferro, flammis, undisque prophetas
 Merserat, inque cruces egerat, inque rotas.
 Quid mirum est igitur, sævus, furiosus & excors *Viator.*
 Si perit ense Dei, qui petit ense Deum?
 Quid mirû est, nostrû, Tellus Cœlumq; Fretûq; *Baleus.*
 In nos si cupiant exonerasse nefas?
 Si simul in nostros arment se cuncta dolores,
 Quorum cuncta dolent contemnerata lue.
 Sed quæ tantorum miseris medicina dolorum? *Viator.*
 Ede, precor, fidus numi quis erit medicus?
 En tibi: Certa dolor pressis medecina dolorû est *Baleus.*
 Sanctaque Christicola cum Metanœa fide.
 Certus & hic medicus, fecit qui vulnera Belgis:
 Ipse dabit certa pharmaca certa manu.
 Mira quidem, sed vera refers: clementia summi *Viator.*
 Summa Patris natos carpit amatque suos.
 Ergo, age, cede Deo, scelerû & cruciare dolore: *Baleus.*
 Cede Deo, & Christum suscipe, crede Deo,
 Qui tua salvifica purgabit vulnera lymphâ,
 Inque tuos hostes læta trophœa dabit.

EXCVSA IRENOPOLI,

Anno salutis CIO. IC. LXXVIII

menſe Iunio, gratia & privilegio Summi

Pontificis & Regis Catholici.

